

ଯୋହନ ଲିଖିତ ସୁସମାଚାର ଜହନ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଇ ଦାଋତିତା ମାତି କାତା ଜହନ ରାଚାମାନି ନେହଁ କାବୁ; ପୁଃନି ମେରାତି ସାରିଗଟା ନେହଁ କାବୁ ପତିୟା ବିଭ୍ରାଟି ଇଦି ଆହିମାନେ ର ପତି □ ଏ ବାରେ ପତିୟାଈ ନେହଁ କାବୁ ଇନେରି □ ଏ ପତିୟା ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାଚେରି □ ପାଣ୍ଡୁଖିଆଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାର୍ସା ତାୟୁ ଜହନ ରାଚାମାନି ନେହଁ କାବୁ ରାଚାମାଚେସି □ ଇ ପତିତା ଜହନ ରାଚିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ □ ଜହନ ଏପିସିୟୁ ଗାଡ଼ାତା ମାଚାକି ଇ ପତି ଏପିସତା ରାସ୍ତକି ଆହାମାନେ ଇଞ୍ଜିହଁ ଇନେରି □

ଜୀସୁଈ କ୍ରୀସ୍ତ ଜୀଝୁତି ମାହାପୁରୁ ମୀର୍ଏସି ଇଞ୍ଜିହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଇ ପତି ରାଚାମାଚେସି ୨୦:୩୧ □ ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀଝୁ ବେଟାଆନାୟି □ ଇ ପତି ଜୀହୁଦି ଅଡ଼େ ଜୀହୁଦିଆଆଡ଼ି ଲକୁତାକି ରାସ୍ତକି ଆହାମାଚେ □ ଜହନ ରାଚାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଢେଲ ମାନେ □ ଜହନ ଜୀସୁ କିତି କାବାଆନି କାମାୟାଁ ହାରେକା ରାଚାମାନେସି ସାମା ପୁଣ୍ଡିକିନି ପୁସ୍ପପନିକା ହାରେକା ରାଚାହିଲଅସି □ ଏଟକା ପତିୟାଣା ଜୀସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି ଆଡ଼ାଣି ରାସ୍ତକି ଆହାମାନେ ଏଦାଆଁ ଇ ପତିତା ରାସ୍ତକି ଆହା ହିଲେଏ □

ପତିତା ମାନାୟି;

୧ ତଲିତି ହାଡ଼ା □ ୧:୧-୧୮

୨ ବାପ୍ତିସ୍ତ ହାନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ □ ୧:୧୯-୫୧

- ୩ ଜୀସୁ ସେବା କାମା ମାଟ୍‌ନାୟି □ ୨:୧-୧୨:୫୦
- ୪ ଜିରୁସାଲମ ଅଡ଼େ ଦାରିମାରି ଜୀସୁତି କାମା □ ୧୩:୧-୧୯:୪୨
- ୫ ଜୀସୁ ହାକିଟି ଖେଣ୍ଡେ ନିଜିନାୟି ଅଡ଼େ ସୀସୁୟିଲ୍ ତଞ୍ଜା ଆନାୟି □ ୨୦:୧-୩୧
- ୬ ଗାଲିଲିତା ଖେଣ୍ଡେ ତଞ୍ଜା ଆନାୟି □ ୨୧:୧-୨୫

ଜୀସୁତି ବଲୁ

- ୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି □
- ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ □
- ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାଟି ରଣ୍ଡି ଜିକେଏ ଏ ବଲୁ ପିସ୍‌ପେ ରାଟି ଆହା ହିଲେଏ □
- ୪ ଏ ବଲୁତା ଜୀସୁ ମାଚେ ଅଡ଼େ ଏ ଜୀସୁ ମାଣସିୟାତି ଉଜେଡ଼ି □
- ୫ ଏ ଉଜେଡ଼ି ଆନ୍ଦେରିତା ତଞ୍ଜିହ୍ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏରେଲା ଜିକେଏ ଅପାହିଲେଏ □
- ୬ ☆ମାହାପୁରୁ ତାଣାଟି ତାନି କାରୁ ଖେହ୍‌ନାଣାଇଁ ପାଣ୍ଡାତେସି; ଏଞ୍ଜାଣି ଦରୁ ଜହନ □
- ୭ ଏଞ୍ଜାସି ଉଜେଡ଼ିତି କାତା ଲକୁଇଁ ଖେସାଲି ଖାଡ଼େସି, ଅଡ଼େ ଏନ୍‌କିହ୍ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହୀହାଲି ଖାଡ଼େସି □
- ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡ଼େସି □
- ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍‌ତିତା ଖାଡ଼େସି □
- ୧୦ ଏଞ୍ଜାସି ଦାର୍‌ତିତା ମାଚେସି ଅଡ଼େ ଏଞ୍ଜାଣି ତାଣାଟି ଦାର୍‌ତି ବାରେ ରାଟି ଆଡେ, ଆଡ଼ିଜିକେଏ ଇ ଦାର୍‌ତି ଏଞ୍ଜାଣାଇଁ ପୁଞ୍ଜାଲି ଆଡାଆଡେ □

☆ ୧:୬ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧୧ ଏଝାସି ତାନି ରାଜିତା ଖାଡେସି, ଆଡ଼ିଜିକେଏ ତାନି ଜାହାରା ଲକୁ ଏଝାଣାଈଁ ଆବାଆତେରି □

୧୨ ଆମ୍ବାଆରି ଏଝାଣାଈଁ ଆବିତେରି ଇଞ୍ଜା ଏଝାଣି ତାଣା ନାମିତେରି; ଏଝାସି ଏଝାରାଈଁ ମାହାପୁରୁତି ମୀରକା ମାସକା ଆହାଲି ଅଦିକାରା ହୀତେସି □

୧୩ ମାଣ୍ଠସିତ ତାଞ୍ଜିୟାଁ ତାଣାଟି ଜାର୍ନା ଆଡାକି ଏଝାରି ମାହାପୁରୁତି ମୀରକା ଆହାହିଲଅରି, ମାହାପୁରୁ ତାନୁଏ ଏଝାରି ତାଞ୍ଜି ଆଡେସି □

୧୪ ଅଡେ, ଏ ବଲୁ ମାଣ୍ଠସି ଖାଣା ଆଡେ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବାସା କିତେସି, ଅଡେ ଆବା ତାଣାଟି ଖାହାମାନି ରଣ୍ଡିଏ ମୀରଏଣାତି ଗାଝୁରମି ଲେହେଁ ମାର ଏଝାଣି ଗାଝୁରମି ମେସ୍ତାୟି □

୧୫ ଜହନ ଏଝାଣି କାତାତି ସାକି ହୀହାନା କାଜା ଗିୟାତଲେ ଏଲେଇରେସି, “ଆମ୍ବାଆସି ନା ତାୟୁ ଖାହିମାନେସି, ଏଝାସି ନା କିହାଁ କାଜାସି, ଏନାଆଁତାକି ଇଚିହୁଁ ଏଝାସି ନାନୁ ଜାର୍ନାଆଡ଼ି ନକେଏ ମାରେସି, ଇଞ୍ଜା ଏଝାଣି କାତା ନାନୁ ତଲିଏ ଏଲେଇଞ୍ଜି ଝେସାମାଞ୍ଜାତେସି, ଏଝାସିଏ ଇଝାସି □”

୧୬ ଏଡାଆଁତାକି ତାନୁ ପୁରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି □

୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ନାମେହନାୟି ଅଡେ ସାତା ଖାଡେ □

୧୮ ଆମ୍ବାଆସି ଏଚେଲା ମାହାପୁରୁଈଁ ମେସାହିଲଅସି, ତାନିତଲେ ମାନି ରଣ୍ଡିଏ ମୀରଏସି ଏଝାସି ମାହାପୁରୁ ଆବାଈଁ ପୁଣ୍ଡି କିହାମାଞ୍ଜାନେସି □

ବାପ୍ତିସ୍ତ* ହୀନି ଜହନତି କାରୁ

(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

* ୧:୧୮ ୧:୧୯ ମୁଞ୍ଜିନାୟି

୧୯ ନୀନୁ ଆମ୍ବାଆତି ଇଞ୍ଜିଁ ଜହନଇଁ ଖେଞ୍ଜାଲି ଜୀହୁଦିୟାଁ ଏଚିବେଲା ଜିରୁସାଲମଟି କାଜା ପୂଜେରାଜା ଇଞ୍ଜାଁ ଲେବିୟଜାଣି ଜହନ ତାଣା ପାଣ୍ଡିତେରି, ଏଞ୍ଜାସି ଇ କାତା ଖେସ୍ତେସି □

୨୦ ଜହନ ସାତା କାତା ଖେସ୍ତେସି, ଆଏ ଇଞ୍ଜିଁ ଇନାଆତେସି, ତୀର୍ପୁତଲେ ଖେସ୍ତେସି, “ନାନୁ ମସିହା ଆଏ □”

୨୧ ଏଞ୍ଜାରି ଏଞ୍ଜାଣାଇଁ ଖେଚେରି, ଆତିହଁ “ନୀନୁ ଆମ୍ବାଆତି ? ନୀନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେଏଁ ଆଏ □”

ଏଞ୍ଜାରି ଖେଚେରି, “ନୀନୁ ଏନାଆଁ ମାହାପୁରୁ ଅଣ୍ପୁତି ବଲୁ ଖେହନାତି କି ?” ଏଞ୍ଜାସି ଏଲେଇଚେସି, “ନାନୁ ଆଏ □”

୨୨ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଙ୍ଗେ ଖେସ୍ତାମ୍ବୁ, ମାମ୍ବୁମାଙ୍ଗେ ପାଣ୍ଡା ମାଞ୍ଜାନାରାଇଁ ଏନି କାତା ଖେହନମି □ ନୀନୁ ଆମ୍ବାଆତେଏଁ ଇଞ୍ଜିଁ ଖେସାକତିମାଞ୍ଜି ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ପୁତି ବଲୁ ଖେହନି ଜିସାୟ ଏନିକିଁ ଜଲ୍ମାମାଚେସି,

‘ନାନୁ ଲକୁ ହିଲାଆ ଟାୟୁତା କାଜା ଗିୟାତଲେ କାଲଞ୍ଜି ଆହିମାନି ରଅଣି ହାଡାଲେହେଁ ତାତେଏଁ, ପ୍ରବୁତି ଜିରୁ ସଲକେ କିତୁ □’ ”

୨୪ ଅଡେ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡୁଞ୍ଜି ଆହାମାଚେରି,

୨୫ ଏଞ୍ଜାରି ଜହନଇଁ ଖେଚେରି, “ନୀନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ପୁତି ବଲୁ ଖେହନାତି ଆଏ, ଆତିହଁ ନୀନୁ ଏନାଆଁତାକି ବାପ୍ତିସ୍ତାଁ ହାହିମାଞ୍ଜି ?”

୨୬ ଜହନ ଏଞ୍ଜାରାଇଁ ଏଲେଇଚେସି, “ନାନୁ ଏୟୁତା ବାପ୍ତିସ୍ତାଁ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅତେରି, ଏଞ୍ଜାସି ମୀ ବିତ୍ରା ମାନେସି □

୨୭ ଏଞ୍ଜାସି ନା ତାୟୁ ଖାହିମାନେସି, ନାନୁ ଏଞ୍ଜାଣି ସେପୁୟାଁତି ତ:ରକା ଜିକେଏ ହୁକ୍‌ହାଲି ଜଡେଗ ଆଏ □”

† ୧:୨୫ ୧:୨୫ ମୁଞ୍ଜିନାନ୍ଦି ‡ ୧:୨୬ ୧:୨୬ ମୁଞ୍ଜିନାନ୍ଦି

୨୮ ଏମିନି ଜର୍ଦନ କାତାଡି ଝେଡ଼ା ହପୁଝାକିତି ବେତନିୟାତା ଜହନ ବାପ୍ତିସ୍ମାଁ ହାହିମାଚେସି, ଏ ଗାୟତା ଇ ବାରେ ଆହାମାଚେ □

ମାହାପୁରୁତି ମେଣ୍ଡା ଡାଲୁ

୨୯ ଏ ଅର ନେରୁ ଜହନ ଜାସୁଇଁ ତାନି ଝାକି ଝାହିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଡା ଡାଲୁ, ଆମିନିଗାଟାସି ଇ ଦାର୍ଡିତି ପାପୁ ବାରେ ଡେକା ଅନେସି □

୩୦ ଇଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେଏଁ, ‘ର ମାଣ୍ଡସି ନା ଡାୟୁ ଝାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜା ଏଝାସି ନାନୁ ଜାର୍ନାଆଡ଼ି ନକେଏ ମାଚେସି □’

୩୧ ନାନୁ ଜିକେଏ ଏଝାଶାଇଁ ପୁଞ୍ଜା ହିଲାଆତେଏଁ, ସାମା ଏଝାସି ଏନିକିହଁ ଇସ୍ରାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଁ* ହାହାଲି ଝାହାମାଇଁ □”

୩୨ ଅଡେ ଜହନ ସାକି ହାହାନା ଝେସେସି, “ନାନୁ ସୁଦୁଜୀଝୁ ପାରୁଝା ପଗାଲେହେଁ ଲାକପୁରୁତି ରେଚା ଝାହିମାନାଣି ମେସେଏଁ, ଇଞ୍ଜା ଏଦି ଏଝାଶିଲାକ କୁଗିତେ □

୩୩ ନାନୁ ଜିକେଏ ଏଝାଶାଇଁ ପୁଞ୍ଜା ହିଲାଆତେଏଁ, ସାମା ଆମ୍ବାଆସି ନାଞ୍ଜେ ଏୟୁତା ବାପ୍ତିସ୍ମାଁ† ହାହାଲି ପାଣ୍ଡାମାଞ୍ଜାନେସି, ଏଝାସି ନାଞ୍ଜେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଝୁ ରେଚା ଝାହାଣି ଅଡେ କୁଗିନାଣି ମେହଦି, ଆମ୍ବାଆସି ସୁଦୁଜୀଝୁ ତଲେ ବାପ୍ତିସ୍ମାଁ‡ ହାନେସି, ଏଝାସି ଏ ମାଣ୍ଡସି □’ ”

୩୪ ଜହନ ଏଲେଇଚେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗ ଝେସିମାଞ୍ଜାଇଁ, ଏଝାସି ମାହାପୁରୁ ମୀର୍ଏସି □”

ଜାସୁତି ମୂଲୁ ସାସୁ

୩୫ ତାନି ଅର ନେରୁ ଜହନ ତାନି ରୀ ସାସୁୟାଁ ତଲେ ନିଚାମାଚେସି;

§ ୧:୨୮ ୧:୨୮ ମୁଞ୍ଜିନାୟି * ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି
‡ ୧:୩୩ ୧:୩୩ ମୁଞ୍ଜିନାୟି

୩୬ ଏଝାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁତି ମେଣ୍ଟା ତାଲୁ □”

୩୭ ଏ ରୀ ସୀସୁୟାଁ ଏଝାଣି ହାଡ଼ା ଖେଞ୍ଜାନା ଜୀସୁ ଜେଚ ଜେଚ ହାଚେରି □

୩୮ ଜୀସୁ ଖେଣ୍ଟେ ତିରୁଞ୍ଜାନା ଏଝାରାଇଁ ତାନି ଜେଚ ଜେଚ ହାଜିମାନାଣି ମେସାନା ଖେଚେସି, “ମୀରୁ ଏନାଆଁ ପାରିମାଞ୍ଜେରି ?” ଏଝାରି ଖେଚେରି, “ରାବିଠି ନୀନୁ ଆମ୍ବିୟା ଡ଼ୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇଚେସି, ଝାଦୁ, ମେହ୍‌ଦେରି □ ଏମ୍ବାଟିଏ ଏଝାରି ହାଜାନା ତାନି ଡ଼ୟିନି ଚାୟୁ ମେସ୍ତେରି, ଇଞ୍ଜା, ଏ ଦିନା ଏଝାଣିତଲେ ଡ଼ୟିଚେରି; ଏନାଆଁତାକି ଇଚିହ୍ଁ ଏଚିବେଲ୍ଲା ଲାଇତି ଦସ ଗଂଟା ଆହାମାଚେ □

୪୦ ଜହନତି କାତା ଖେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଝାରି ବିତ୍ତା ରଅସି ସିମନ ପିତରତି ତାୟି ଆହିୟ ମାଚେସି □

୪୧ ଏଝାସି ତଲିଏ ତାନି ତାୟି ସିମନଇଁ ମେସାନା ଏଲେଇଚେସି, “ମାମ୍ବୁ ମୁସିହାଇଁ* ମେସ୍ତମି □”

୪୨ ଆହିୟ ସିମନଇଁ ଜୀସୁ ତାଣା ତାଚେସି □ ଜୀସୁ ଏଝାଣାଇଁ ଆଚେ ସିନିକିହାନା ଏଲେଇଚେସି, “ନୀନୁ ଜହନ ମୀର୍‌ଏଣା ସିମନତି □ ନୀନୁ କେପା† ଦରୁଟି ଖେଞ୍ଜିଦି □”

ଜୀସୁ ପିଲିପ ଅଡ଼େ ନିତନିୟେଲଇଁ ହାଟିନାୟି

୪୩ ଅର୍ ନେରୁ ଜୀସୁ ଗାଲିଲିତା ହାଜାଲି ଅଣ୍‌ପିଚେସି, ଏଝାସି ପିଲିପଇଁ ମେସାନା ଏଲେଇଚେସି, “ନା ଜେଚ ଝାମ୍ବୁ!”

୪୪ ପିଲିପ ବେଡ଼ସାୟିଦା ଗାଡ଼ାତାସି ମାଚେସି, ଏଦି ଆହିୟ ଇଞ୍ଜା ପିତରତି ଗାଡ଼ା ମାଚେ □

୪୫ ପିଲିପ ନିତନିୟେଲଇଁ ମେସାନା ଏଝାଣାଇଁ ଏଲେଇଚେସି, “ଆମ୍ବାଆରି କାତା ମସାତି ମେରାତା ରାଚାମାନେରି, ଅଡ଼େ, ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଜିକେଏ ରାଚାମାନେରି,

୪ ୧:୩୮ ୧:୩୮ ଗୁରୁ * ୧:୪୧ ୧:୪୧ ମସିହାତି ଇଚିହ୍ଁ କ୍ରୀସ୍ତ † ୧:୪୨ ୧:୪୨ କେପା ଇଚିହ୍ଁ ପିତର

ମାମୁ ଏଝାଣାଙ୍କୁ ବେଟାଆହାମାନମି □ ଏଝାସି ଜସେପ ମୀରୁଏସି ନାଜରିତତି ଜୀସୁ □”

୪୭ ନିତନିୟେଲ ଏଝାଣାଙ୍କୁ ଖେଚେସି, “ନାଜରିତତା କି ଏନ୍ତି ନେହିଁ କାମା ଆହିମାନେ ?”

ପିଲିପ ଏଲେଇଚେସି, “ଝାହାନା ସିନିକିମୁ □”

୪୭ ଜୀସୁ ନିତନିୟେଲଙ୍କୁ ତାନି ତାଣା ଝାହିମାନାଣି ମେସାନା ଜୀସୁ ଏଝାଣି କାତା ଖେସ୍ତେସି, “ମେହ୍ତୁ ଇଝାସି ସାତା ତଲେ ଇସ୍ରାୟେଲତି ଲକୁ; ଇଝାଣି ତାଣା ଏନାୟି ନାଡ଼ିକିନି ବୁଦି ହିଲେଏ □”

୪୮ ନିତନିୟେଲ ଜୀସୁଙ୍କୁ ଖେଚେସି, “ନୀନୁ ନାଜେ ଏନ୍ତିକିହିଁ ପୁଞ୍ଜାତି ?”

ଜୀସୁ ଏଲେଇଚେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରୁନୁ ଡ଼କ ମାଟି, ଏଚେତା ନୀନୁ ନିଜ ମେସାମାଞ୍ଜାତେଏଁ □”

୪୯ ନିତନିୟେଲ ଏଲେଇଚେସି, “ଏ ଗୁରୁ ନୀନୁ ମାହାପୁରୁ ମୀରୁଏଣାତି! ନୀନୁଏ ଇସ୍ରାୟେଲ ରାଜାତି □”

୫୦ ଜୀସୁ ଏଲେଇଚେସି, “ନୀନୁ ନିଜେ ତୟା ମାରୁନୁ ଡ଼କ ମେସ୍ତାତେଏଁ ଇଞ୍ଜିଁ ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହ୍ଦି □

୫୧ ଜୀସୁ ନିତନିୟେଲଙ୍କୁ ଏଲେଇଚେସି, “ନୀନୁ ନିଜେ ସାତା ଖେସିମାଞ୍ଜାଙ୍କୁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣ୍ଡସି ମୀରୁଏଣା ତାଣା ମାହାପୁରୁତି ଦୁତୁୟାଁ ଲାକ ହାଜିମାନାଣି ଅଡ଼େ ଡ଼କ ଝାହିମାନାଣି ମେହ୍ଦି □”

୨

କାନା ଗାଡ଼ାତି ବାହା ବଢ଼ିତା ଜୀସୁ

୧ ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବାହା ମାଚେ, ଜୀସୁ ତାନି ଇୟା ମରିୟମ ଜିକେଏ ଏମ୍ପାଆଁ ମାଚେ;

୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟ୍ଟକି ଆହାମାଚେସି □

୩ ଏଚିବେଲା ଅଜ୍ଞୁରି ରାସା ରାହାହାରୁ, ଜୀସୁଇଁ ତାମି ଇୟା ଏଲେଇଚେ, “ଏଞ୍ଜାରି ଅଜ୍ଞୁରି ରାସା ରାହାହାଚେ □”

୪ ଏମ୍ବାଟିଏ ଜୀସୁ ତାମି ଇୟାନି ଏଲେଇଚେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଝେସିମାଞ୍ଜାଦି ? ନା କାଲା ନୀଏଁ ପାତେକା ଝାହାହିଲେଏ □”

୫ ଜୀସୁ ତାମି ଇୟା କାମା କିନାରାଇଁ ଏଲେଇଚେ, “ଏଞ୍ଜାସି ମିଜେ ଏନାଆଁ ଝେସ୍ତାନେସି ଏଲେକିହିଁଏ କିଦୁ □”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ ଗଟା କାଜା ଝାଲକାତି ଏୟୁ ଗୁନାୟାଁ ମାରୁ □

୭ ଜୀସୁ ହଲିୟାକାଣି ଏଲେଇଚେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ □” ଏଞ୍ଜାରି ଏମ୍ବାଆଁ ନେଞ୍ଜିକିଚେରି □

୮ ଜୀସୁ ଏଞ୍ଜାରାଇଁ ଏଲେଇଚେସି, “ଇମ୍ବାଟି ଇଚରା ଅହାନା ବଜିତି ଗୁମୁସାକି ହୀଦୁ □” ଏମ୍ବାଟିଏ ଏଞ୍ଜାରି ଅଡେରି □

୯ ବଜିତି ଗୁମୁସା ଅଜ୍ଞୁରି ରାସା ଆହାମାନି ଏ ଏୟୁତି ଝାଣ୍ଡାହାଁ ଏଞ୍ଜି ଏମ୍ବିଟି ତାପିଆଡୁ, ପୁଞ୍ଜା ହିଲାଆଚେସି □ ସାମା ଏ ହଲିୟାକା ଏୟୁ ଝାକହା ମାରାରି ପୁଞ୍ଜାମାଚେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇଚେସି □

୧୦ ବାରେଜାଣା ତଲିଏ ନେହିଁ ଅଜ୍ଞୁରି ରାସା ହୀନେରି ଅଡେ ଏମ୍ବାଆଁ ଝାହାଡ଼ୟିନି ଲକୁ ହଚିସାରେ ତାୟୁ ଲାଗେଏତି ଅଜ୍ଞୁରି ରାସା ହୀନେରି; ସାମା ମୀରୁ ବାରେ ନେହିଁ ଅଜ୍ଞୁରି ରାସା ନୀଏଁ ପାତେକା ଇଟାମାଞ୍ଜେରି □

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନ୍ତି କାମା ମାଟ୍‌ହାନା ତାନି ଗାଞ୍ଜୁରମି ତସେସି, ଅଡେ ସୀସୁୟାଁ ଏଞ୍ଜାଣି ତାଣା ନାମିଚେରି □

୧୨ ☆ଏଦାଆଁ ତାୟୁ ଜୀସୁ ତାମି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜା ଏମ୍ବାଆଁ ହାଚେକା ଦିନା ଡୟାଆଚେରି □

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲ୍ଲାତା ଜୀହୁଦିଙ୍ଗା ପିସ୍ପିଆନ୍ତି ପାର୍ବୁ ତାଗେ ଆହାମାଗେ, ଅଡ଼େ ଜୀସୁ ଜିରୁସାଲମତା ହାଚେସି □

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଶ୍ଟାୟାଁ ଅଡ଼େ ପଗାୟାଁ ବେବାରା କିନାରି ଅଡ଼େ ତାରୁୟାଁ ବେବାରା କିନାରି କୁଗାମାଚେରି;

୧୫ ଏମ୍ବାଟିଏ ଜୀସୁ ତ:ରିତି ସାଟ୍‌ଣି କେପାନା କଡ଼ିୟାଁ, ମେଶ୍ଟାୟାଁ ମାହାପୁରୁ ଇଲୁଟି ପାଙ୍ଗାତା ପେରହା ପାଶ୍ଟାନା ଟାକାୟାଁ ବେବାରା ଗାଟାରି କୁଚିୟାଁ ତିରିମ୍ବୁପ୍‌ହାନା ଟାକାୟାଁ ବାରେ ଡ଼ାଞ୍ଜିତେସି □

୧୬ ପଗାୟାଁ ବେବାରା ଗାଟାରାଲ୍ ଏଲେଇଚେସି, “ଇ ବାରେତି ଇମ୍ବାଟି ଅହାଡ଼ହୁଦୁ, ନା ଆବା ଇଲୁତି ବେବାରା ଇଲୁ କିଆଦୁ □”

୧୭ ଇଦାଆଁ ମେସାନା ସାସ୍ତେରିତା ରାସ୍‌କି ଆହାମାନି ର କାତା ସୀସୁୟାଁ ମନତା ଖାଡ଼େ, “ନୀ ଇଲୁତାକି ନା ରାହାଁ ନାଙ୍ଗେ ହାରେକା ନାସା କିୟାନେ □”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାତି ସିନା ମାଙ୍ଗେ ଏନାଆଁ ତସିମାଞ୍ଜାଦି ?”

୧୯ ☆ଜୀସୁ ଏଲେଇଚେସି, “ଇ ଦେଝୁଡ଼ିତି ନାସା କିଦୁ, ଅଡ଼େ ତାନି ଦିନାଟିଏ ନାନୁ ଏଦାଆଁ ଖେଶ୍ଟେ କେପିଇଁ □”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିତ୍ରା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଝୁଡ଼ି କିହାଲିତାକି ରୀ କଡ଼ି ସ ବାର୍ସା ଆହାମାନେ □”

୨୧ ସାମା ଜୀସୁ ଜାହାରା ଆଙ୍ଗା ଲେହେଁତି ଦେଝୁଡ଼ିତି ତସାନା ଇଦାଆଁ ଖେସାମାଚେସି □

୨୨ ଇଦାଆଁତାକି ଜୀସୁ ହାହାନା ନିଙ୍ଗାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣପିତେରି; ଅଡ଼େ ଦାମ୍ବୁ ସାସ୍ତେରି ଅଡ଼େ ଜୀସୁ ଖେସାମାଟି କାତାତି ନାନିତେରି □

☆ ୨:୧୯ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯

ଜୀସୁ ଲକ୍ଷ୍ମି ଗୁଣୁ ପୁନାସି

୨୩ ପିସପିଆନି ପାର୍ବୁ ଆହିମାଟି ବେଲାତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି □

୨୪ ସାମା ଜୀସୁ ଏ ଲକ୍ଷ୍ମି ନାମାଆନା ଏଝାରି ତାଣାଟି ଏଟକା ଡୟିତେସି, ଏନାଆଁତାକି ଇଚିହିଁ ଏଝାରାଇଁ ନେହିଁକିଁ ପୁଞ୍ଜାମାରେସି □

୨୫ ଅଡେ ଆମ୍ବାଆସି ମାଣସି କାତା ସାକି ହୀନେସି, ଇଦି ଏଝାଣାକି ଲଡା ହିଲାଆତେ, ଇଚିହିଁ ମାଣସି ବିତ୍ରା ଏନାୟି ମାନେ ଏଝାସି ତାନୁଏ ପୁଞ୍ଜାଲି ଆଡ଼ିମାରେସି □

୩

ଜୀସୁ ଅଡେ ନିକଦିମ

୧ ପାରୁସିୟାଁ ଗଟିଟି ନିକଦିମ ଇଞ୍ଜିଁ ର ମାଣସି ମାରେସି, ଏଝାସି ଜୀହୁଦି ଲକ୍ଷ୍ମି ସାଲୁଝି କିନାସି ମାରେସି □

୨ ଏଝାସି ଲାଆଁ ବେଲାତା ଜୀସୁ ତାଣା ଝାହାନା ଏଲେଇଚେସି, “ଏ ରାବି,* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ □ ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାଢେୟି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି □”

୩ ଜୀସୁ ଏଝାଣାଇଁ ଏଲେଇଚେସି, ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ, ଅଡେ ଝେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି □

୪ ନିକଦିମ ଏଝାଣାଇଁ ଝେଚେସି, “ବୁଡ଼ହା ଆଡ଼ିସାରେ ମାଣସି ଅଡେ ଝେଣ୍ଡେ ଏନିକିଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡାନା ଏଝାସି ଝେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ” ଏମ୍ବୁ ଅଡେ ସୁବୁଜୀଝୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡାଲି ଆଡ଼ଅସି □

* ୩:୨ ୩:୨ ଗୁରୁ

୬ ଆଜ୍ଞାଟି ଏନାୟି ଜାର୍ନା, ଏଦି ଆଜ୍ଞା; ଅଡ଼େ ସୁଦୁଜୀଝୁଟି ଏନାୟି ଜାର୍ନା ଆନେ, ଏଦି ସୁଦୁଜୀଝୁ □

୭ ନିଙ୍ଗେ ଝେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜି ନାନୁ ନିଙ୍ଗେ ଝେସ୍ତାଡେଏଁ, ଏଦାଆଁତାକି କାବା ଆଆନି □

୮ ଗାଲି ଆମ୍ବିୟାଝାକି ମନ କିନେ, ଏତାଲା ଝାକି ହାନେ, ଅଡ଼େ ନାନୁ ଝାରୁଇ ଏଦାନି ହାଡ଼ା ଝେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣ୍ଡାଟି ଝାନ୍ତେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଝୁଟି ଜାର୍ନା ଆହାମାନି ବାରେଜାଣା ଏଲେକିହିଁଏ □

୯ ନିକଦିମ ଏଝାଣାଲ୍ ଏଲେଇରେସି, “ଏଦି ଏନିକିଁ ଆହାଲି ଆଡ଼ିନେ ?”

୧୦ ଜାସୁ ଏଝାଣାଲ୍ ଏଲେଇରେସି; “ନାନୁ ଇସ୍ତାୟେଲତି ଗୁରୁ ଆହାନା ଜିକେଏ, ଇ ବାରେ ତେଲହି ହିଲଅତି କି ?

୧୧ ନାନୁ ନିଙ୍ଗେ ସାତା ଝେସିମାଞ୍ଜାଲ୍, ନାନୁ ଏନାଆଁ ପୁଞ୍ଜାମାଲ୍, ଏଦାନି କାତା ଝେସିମାଞ୍ଜାଲ୍, ଏନାଆଁ ମେସାମାଲ୍, ଅଡ଼େ ନାନୁ ନା କାତା ନାମିହିଲଅତି □

୧୨ ନାନୁ ଦାରୁତି କାତାତି ଝେସ୍ତାସାରେ ନାନୁ ନାମଅତି, ଆତିହିଁ ଲାକପୁରୁତି ହାଡ଼ା ଝେସ୍ତାସାରେ ଏନିକିଁ ନାମିଦି ?

୧୩ ଆମିନି ମାଣ୍ଡି ମୀରଏସି ଲାକପୁରୁଟି ରେଟା ଝାଡ଼େସି, ଏଝାଣି ପିସ୍ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି □”

୧୪ ଅଡ଼େ, ମସା ଏନିକିଁ ଲକୁ ହିଲାଆ ଟାୟୁତା ପିତାଡ଼ା ରାବୁତି ଲାକ ପେରହା ମାରେସି, ମାଣ୍ଡି ମୀରଏସି ଜିକେଏ ଏଲେକିହିଁଏ ଲାକ ପେରଝି ଆନେସି □

୧୫ ଏନିଇତିହିଁ ଆମ୍ବାଆସି ତାନି ତାଣ୍ଡା ନାମିନେସି, ଏଝାସି କାଲାକାଲାତି ଜୀଝୁ ବେଟା ଆନେସି □

୧୬ ଇତିହିଁ ମାହାପୁରୁ ଦାରୁତିତି ଏଚେକା ଜୀଝୁ ନଡ଼େସି, ଏଝାସି ତାନି ରଣ୍ଡିଏ ମୀରଏଣାଲ୍ ଦାନା ହୀଡେସି, ଏନିଇତିହିଁ ଏଝାଣି ତାଣ୍ଡା ନାମିନାସି ନାସା ଆଆନା କାଲାକାଲାତି ଜୀଝୁ ବେଟା ଆନେସି □

୧୭ ଇତିହିଁ ଦାରୁତିତା ନାହାୟି କିହାଲିତାକି ମାହାପୁରୁ ତାନି ମୀରଏଣାଲ୍ ଦାରୁତିତା ପାଣ୍ଡାଆନା, ଦାରୁତି ଏନିକିଁ ତାନିତାଣ୍ଡାଟି

ଗେଲ୍‌ପିଆନେ, ଏଦାଆଁତାକି ତାନି ମୀରଏଣାଇଁ ପାଣ୍ଡାତେସି □

୧୮ ଆମ୍ବାଆସି ତାନି ତାଣା ନାମିନେସି, ଏଞ୍ଜାସି ନୀହାଁୟି କିଞ୍ଚି ଆଅସି ଆମ୍ବାଆସି ନାମଅସି, ଏଞ୍ଜାସି ନୀହାଁୟି କିଞ୍ଚି ଆତେସିଏ, ଏନାଆଁତାକି ଇଚିହଁ ମାହାପୁରୁତି ରଣ୍ଡିଏ ମୀରଏଣା ଦରୁତି ନାମାହିଲଅସି □

୧୯ ଅଡେ ଏ ନୀହାଁୟି ଇଦି, ଇ ଦାରତିତା ଉଜେଡ଼ି ତଞ୍ଜା ଆହାମାନେ, ଅଡେ ଲକୁ ଉଜେଡ଼ି ପିସାନା ଆହେରିତି ଜୀଞ୍ଜୁ ନଡେରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି □

୨୦ ଇଚିହଁ ଆମ୍ବାଆରି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡେ ଏଡେତା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଝାଅରି □

୨୧ ସାମା ଆମ୍ବାଆରି ସାତା କାମା କିନେରି, ଏଞ୍ଜାରି ଉଜେଡ଼ିତା ଝାନେରି, ଏନିକଁ ତାନି କାମା ବାରେ ମାହାପୁରୁ ତାଣାଟି ତୀରି ଆତାୟି ଇଞ୍ଜା ତଞ୍ଜାଆନେ □

ଜୀସୁ ଅଡେ ଜହନ

୨୨ ଇଦାଆଁ ତାୟୁ ଜୀସୁ ଅଡେ ତାନି ସୀସୁୟାଁ ଜୀହୁଦା ରାଜିତା ହାରେରି, ଅଡେ ଏଞ୍ଜାସି ଏ ଗାୟୁତା ଡୟାନା ବାପ୍ତିସ୍ମାଁ ହୀହାଲି ମାଟ୍‌ହେସି □

୨୩ ଜହନ ଜିକେଏ ସାଲମତି ତାଗେ ଏନନ୍‌ତା ବାପ୍ତିସ୍ମାଁ ହୀହିମାରେସି, ଇଚିହଁ ଏମ୍ବାଆଁ ଗାଡ଼ି ଏୟୁ ମାରୁ, ଅଡେ ଲକୁ ଝାହାନା ବାପ୍ତିସ୍ମାଁ ଅହିମାରେରି □

୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆତେସି □

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରନି କାତାତାକି ବାଦିବାଦା ଆଡେରି □

୨୬ ଏଞ୍ଜାରି ଜହନଇଁ ଏଲେଇରେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଞ୍ଜାକି ନୀ ତଲେ ମାରେସି, ଆମ୍ବାଆରି କାତା ନୀନୁ ସାକି ହୀହାମାଞ୍ଜାତି, ମେହ୍‌ମୁ ଏଞ୍ଜାସି ବାପ୍ତିସ୍ମାଁ ହୀହିମାନେସି ଅଡେ ବାରେଜାଣା ଏଞ୍ଜାଣି ତାଣା ହାଜିମାନେରି □”

୨୭ ଜହନ ଏଲେଇରେସି, “ଲୀକପୁରୁଟି ମାହାପୁରୁ ହୀଆସାରେ ମାଣସି ଏନାଆଁ ମେଡ଼ାଆହାଲି ଆଡ଼ଅସି □

୨୮ ☆ନାନୁ କ୍ରୀସ୍ତୁତେସି ଆଏ, ସାମା ଏଝାଣି ନକିତା ପାଣ୍ଡୁଝି ଆହାମାଲ୍, ଇ କାତା ନାନୁ ମିଙ୍ଗେ ଝେସାମାଞ୍ଜାତେସି ଇଞ୍ଜି ମୀରୁ ନା ସାକି □

୨୯ ମାଙ୍ଗାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତତ୍ତୁ ନିତାନା ତାନି ହାଡ଼ା ଝେନେସି, ଏଝାସି ହନେଏଣି ହାଡ଼ା ଝେଞ୍ଜାନା ହାଡ଼େକା ରାହାଁ ଆନେସି □ ଏଲେକିହୁଏ ନା ରାହାଁ ଜିକେଏ ପୁରା ଆଡେ □

୩୦ ସାତେଏ ଏଝାସି କାଜାସି ଆନାୟି ମାନେ, ଅଡ଼େ ନାଙ୍ଗେ ଉଣା ଆନାୟି ମାନେ □”

ଲୀକପୁରୁଟି ଝାନାସି

୩୧ ଆମ୍ବାଆସି ଲୀକପୁରୁଟି ଝାନେସି, ଏଝାସି ବାରେକିହାଁ କାଜାସି, ଆମ୍ବାଆସି ଦାର୍ଡିତି ଜାନା ଆନେସି, ଏଝାସି ଦାର୍ଡିତି କାତା ଝେହ୍ନେସି; ଆମ୍ବାଆସି ଲୀକପୁରୁଟି ଝାନେସି ଏଝାସି ବାରେକାଣା କିହାଁ କାଜାସି □

୩୨ ଏଝାସି ଏନାଆଁ ମେସାମାନେସି ଅଡ଼େ ଏନାଆଁ ଝେଞ୍ଜାମାନେସି, ଏଡ଼ାଆଁ ଏଝାସି ସାକି ହୀହିମାନେସି, ସାମା ଆମ୍ବାଆସି ତାନି ହାଡ଼ାତି ଅପଅସି □

୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜିଏ କାତାତି ଆବା ମାନେସି □

୩୪ ସାମା ମାହାପୁରୁ ଆମ୍ବାଆରାଲ୍ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଣାକି ମାହାପୁରୁ ସୁଦୁଜୀଝୁ ହୀନେସି □

୩୫ ଆବା ମୀରୁଏଣାଲ୍ ଜୀଝୁ ନନେସି, ଅଡ଼େ ବାରେ ତାନି କେୟୁତା ହେରପା ମାନେସି □

୩୬ ଆମ୍ବାଆସି ମୀରୁଏଣାଲ୍ ନାମିନେସି, ଏଝାସି କାଲ୍ଲାକାଲ୍ଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରୁଏଣାଲ୍ ଅପଅସି,

ଏଞ୍ଜେଲ୍ ଜୀଞ୍ଜୁ ଜିକେଏ ମେହ୍ଅସି, ସାମା ଏଞ୍ଜେଲ୍ ମାହାପୁରୁତି ତଣ୍ଡତା
ଡ଼ୟିନେସି □

୪

ଜୀସୁ ଅଡ଼େ ସମିରଣ ଇୟା

୧ ପାରୁସିୟାଁ ଖେରେରି, ଜୀସୁ ଜହନ କିହାଁ ଗାଡ଼ି ସୀସୁୟାଁ
କିହିମାନେସି ଅଡ଼େ ବାପ୍ତିସ୍ମ* ହୀହିମାନେସି □

୨ ଜୀସୁ ତାନୁ ବାପ୍ତିସ୍ମ† ହୀହିହିଲିଆଡେସି, ସାମା ତାନି ସୀସୁୟାଁ
ବାପ୍ତିସ୍ମ‡ ହୀହିମାନେରି, ଇ କାତା ପାରୁସିୟାଁ ଖେଞ୍ଜାମାନେରି ଇଞ୍ଜି
ପ୍ରବୁ ଏଡ଼େତା ପୁରେସି,

୩ ଏଡ଼େତା ଜୀହୁଦା ଦେସା ପିସାନା ଅଡ଼େ ଖେଣ୍ଡେ ଗାଲିଲିତା
ହାରେରି □

୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାଗିତେ □

୫ ଅଡ଼େ ଏଞ୍ଜେଲ୍ ହାଜାନା ଜାକୁବ ତାନି ମୀର୍ସସି ଜସେପକି ଏମିନି
ବୁମି ହୀହାମାରେସି ଏ ତାଗେ ସମିରଣତି ସୁକାର ଦରୁଗାଟି ର
ନାୟୁତା ଏଗାହାରେସି □

୬ ଏ ଚାୟୁତା ଜାକୁବତି କୁହି ମାତେ, ଇଞ୍ଜା ଜୀସୁ
ଞ୍ଜାହାଜାମାଚାକି ଏ କୁହି ତାଗେ କୁଗିତେସି □ ଏଡ଼େତା ମାଦେନା
ଆହାମାରେ □

୭ ଅଡ଼େ ର ସମିରଣ ଇୟା ଏୟୁ ଅହାଲି ଖାଡ଼େ □ ଜୀସୁ ଏଦାନି
ଏଲେଇରେସି “ନାଙ୍ଗେ ଏୟୁ ଗସାଲି ହିୟାମୁ □”

୮ ତାନି ସୀସୁୟାଁ କାଡ଼ି କଡାଲି ଗାଡ଼ାତା ହାଜାମାରେରି □

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇରେ, “ନୀନୁ ର
ଜୀହୁଦି ଲକୁ ଆହାଁ, ନାନୁ ସମିରଣ ଆୟାଡେଏଁ, ଏନିକି ନା
କେୟୁଟି ଏୟୁ ଗସାଲି ରୀସି ମାଞ୍ଜାଦି ?” ଏନିଇଚିହିଁ ଜୀହୁଦିୟାଁ
ତଲେ ସମିରଣ ଲକୁଡ଼ି ଲେମ୍ବିନାୟି ହିଲେଏ □

୧୦ ଜୀସୁ ଏଦାନି ଏଲେଇରେସି, “ମାହାପୁରୁତି ଦାନା
ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଙ୍ଗେ

* ୪:୧ ୪:୧ ମୁଞ୍ଜନାୟି † ୪:୨ ୪:୨ ମୁଞ୍ଜନାୟି ‡ ୪:୨ ୪:୨ ମୁଞ୍ଜନାୟି

ଏଲେଇଞ୍ଜିମାଞ୍ଜାନେସି, ଏଞ୍ଜାସି ଆମ୍ବାଆସି, ଇଦାଆଁ ନୀନୁ ପୁଟିହୁଁମା, ନୀନୁ ଏଞ୍ଜାଣାଲ୍ ରାସ୍ତିମା, ଅଡ଼େ ଏଞ୍ଜାସି ନିଙ୍ଗେ ଜୀଞ୍ଜୁତି ଏୟୁ ହିୟାତେସିମା □”

୧୧ ଏ ଆୟାଟି ଏଲେଇଚେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡ଼େ ଇ କୁହି କୁଡ଼ହାମାନେ; ଆତିହୁଁ ନୀନୁ ଏମ୍ବିଟି ଏ ଜୀଞ୍ଜୁଗାଟି ଏୟୁ ବେଟାଆହାମାଞ୍ଜି ?

୧୨ ମା ଆକୁୟାତି ଆବା ଜାକୁବ ଇ କୁହି ମାଙ୍ଗେ ହୀହାମାଞ୍ଜାତେସି, ଅଡ଼େ, ତାନି ମୀରକା ଅଡ଼େ ତାନି କଡ଼ି ଗରି ଇମ୍ବାତି ଏୟୁ ଗସିମାରୁ, ଏଞ୍ଜାଣି କିହାଁ ନୀନୁ କି କାଜାତି ?”

୧୩ ଜୀସୁ ଏଲେଇଚେସି, “ଆମ୍ବାଆସି ଇ ଏୟୁ ଗହ୍ନେସି, ଅଡ଼େ ୱେଣ୍ଡେ ଏସ୍କି ଆନେସି;

୧୪ ସାମା ନାନୁ ଏମିନି ଏୟୁ ହିୟାଲ୍, ଏଞ୍ଜାଆଁ ଆମ୍ବାଆସି ଗହ୍ନେସି, ଏଞ୍ଜାସି ଏଚେଲାଞ୍ଜା ଏସ୍କି ଆଅସି, ଇଚିହୁଁ ନାନୁ ଏମିନି ଏୟୁ ହୀଲ୍, ଏଡ଼ି କାଲାକାଲାତି ଜୀଞ୍ଜୁତି ଉସା ଲେହେଁ ଏଞ୍ଜାଣି ତାଣାଟି ଡେଲାବୟା ହାନୁ □”

୧୫ ଆୟାଟି ଏଲେଇଚେ, “ଗୁରୁ, ନାଙ୍ଗେ ଏନିକ୍ ଏସ୍କି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିତା ୱାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମୁ □”

୧୬ ଜୀସୁ ଏଦାନି ଏଲେଇଚେସି, “ହାଲାମୁ, ନୀ ତକ୍ରାଲ୍ ହାଟାତାମୁ □”

୧୭ ଏ ଆୟାଟି ଏଲେଇଚେ, “ନା ତକ୍ରା ହିଲଅସି □” ଜୀସୁ ଏଦାନି ଏଲେଇଚେସି “ନୀ ତକ୍ରା ହିଲଅସି ଇଞ୍ଜିଁ ସାତା ୱେସାମାଞ୍ଜି □

୧୮ ନିଙ୍ଗେ ପାସାଜାଣା ତକ୍ରାୟାଁ ମାରେରି, ଅଡ଼େ ନୀଏଁ ନୀ ତଲେ ଆମ୍ବାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ୱେସାମାଞ୍ଜି □”

୧୯ ଆୟାଟି ଏଲେଇଚେ, “ଗୁରୁ, ନାନୁ ପୁଞ୍ଜିମାଲ୍ ନୀନୁ ର ମାହାପୁରୁ ଅଣ୍ଟପୁଡ଼ି ବଲୁ ୱେହ୍ନାତି, ଇଦାଆଁ ନାନୁ ପୁଞ୍ଜିମାଲ୍ □

୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡ଼େ ମୀ ଜୀହୁଦି ଲକୁ ଏଲେଇନେରି, ପ୍ରାତାନା କିନି ଚାୟୁ ଆହିମାନେ ଜିରୁସାଲମ □”

୨୧ ଜୀସୁ ଏଦାନି ଏଲେଇଚେସି, “ଇୟା ନା ହାଡ଼ାତି ନାମାମୁ, ଏମିନି ବେଲାତା ମାରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାତାନା କିଅତେରି ଇଲେତି କାଲମି ଖାନେ □

୨୨ ଆମ୍ବାଆରାଇଁ ମାରୁ ପୁଞ୍ଜାହିଲଅତେରି, ଏଞ୍ଜାଣାଇଁ ପ୍ରାତାନା କିହିମାଞ୍ଜେରି; ଆମ୍ବାଆରାଇଁ ମାରୁ ପୁଞ୍ଜାମାନାୟି, ଏଞ୍ଜାଣାଇଁ ପ୍ରାତାନା କିହିମାନାୟି, ଇଚିହିଁ ଗେଲ୍‌ପିନାୟି ଜୀହୁଦି ଲକୁ ତାଣାଟି ଖାନେ □

୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକୁ ଜୀହୁତଲେ ଅଡ଼େ ସାତା ତଲେ ଆବାଇଁ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ, ନୀଏଁ ଜିକେଏ ମାନେ; ଇଚିହିଁ ଆବା ଇଲେତି ପ୍ରାତାନା କିନାରାଇଁ ପାରିମାନେସି □

୨୪ ମାହାପୁରୁ ସୁଦୁଜୀହୁ ଗାଟାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀହୁ ଇଞ୍ଜା ସାତା ତଲେ ତାନି ପ୍ରାତାନା କିନାୟିମାନେ □”

୨୫ ଏ ଆୟାଟି ଜୀସୁଇଁ ଏଲେଇଚେ, “ନାନୁ ପୁଞ୍ଜାମାଇଁ, ମସିହା, ଆମ୍ବାଆରାଇଁ କ୍ରୀସ୍ତ ଇନେରି, ଏଞ୍ଜାସି ଖାନେସି; ଏଚେତା ଏଞ୍ଜାସି ଖାନେସି ମାଙ୍ଗେ ବାରେ କାତା ପୁଶ୍‌ମି କିୟାନେସି □”

୨୬ ଜୀସୁ ଏଦାନି ଏଲେଇଚେସି, “ନୀଏଁ ନୀ ତଲେ ହାଡ଼ା ଆହିମାନାଡେଏଁ ନାନୁ, ନାନୁ ଏଞ୍ଜାଡେଏଁ □”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାଟି ତଲେ ହାଡ଼ା ଆହିମାନାଣି ମେସାନା କାବା ଆଡ଼େରି, ଆଡ଼ିଜିକେଏ ନୀନୁ ଏନାଆଁ ମନ କିହିମାଞ୍ଜି, ଆଆଡ଼ିଁ ଏନାଆଁତାକି ଏଦାନିତଲେ ହାଡ଼ା ଆହିମାଞ୍ଜି ଇଞ୍ଜିଁ ? ଆମ୍ବାଆରି ଖେନାଆତେରି □

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ତ:କା ପିସାନା ଗାଡ଼ାତା ହାଜାନା ଲକୁଣି ଖେସ୍ତେ, “ଞ୍ଜାଦୁ, ରଅଣାଇଁ ମେହ୍‌ଦେରି,

୨୯ ନାନୁ ଏନା ଏନାଆଁ ନା ଜୀହୁତା କିହାମାଇଁ, ଏଞ୍ଜାସି ନାଙ୍ଗେ ବାରେ ଖେସ୍ତାଡେସି; ଏଞ୍ଜାସି ମସିହା ଆହାଡ଼ୟିନେସି ?”

୩୦ ଏମ୍ବାଟିଏ ଏମ୍ବାଟି ଲକୁ ଗାଡ଼ାଟି ହରାନା ଜୀସୁ ତାଣା ହାଚେରି □

୩୧ ଏଚିବେଲତା ସୀସୁୟାଁ ବାତିମାଲିହୁଁ ଏଲେଇଚେରି, “ଏ ଗୁରୁ, ତିନାମୁଁ”

୩୨ ସାମା ଜୀସୁ ଏଝାରାଇଁ ଏଲେଇଚେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି କାତା ପୁଞ୍ଜାହିଲଅଚେରି”

୩୩ ସୀସୁୟାଁ ତାମ୍ନୁ ତାମ୍ନୁ ହାଡ଼ାକାତା ଆଡ଼େରି, “ଆମ୍ବାଆୟି ତାଙ୍ଗେତାକି କାଦି ତାଟା ହୀହାମାନେ ହାବୁଲା ?”

୩୪ ଜୀସୁ ଏଝାରାଇଁ ଏଲେଇଚେସି, “ନାଙ୍ଗେ ପାଣ୍ଡାମାଞ୍ଜାନାଣା ଅଣ୍ଡୁ ଅଡ଼େ ତାନି କାମା ରାପ୍ନାୟି ଏଦିଏ ନା କାଦି”

୩୫ ଆନା ଦାଚାଲି ଅଡ଼େ ସାରି ଲେଞ୍ଜୁ ମାନେ, ଈ କାତା ମୀରୁ ଝେସିହିଲଅଚେରି ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଗୁଡ଼ିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମ୍ବାହାଚେୟିଏ

୩୬ ନୀଏଁ ଜିକେଏ ଦାଃଆନାରାକି କୁଲି ହୀପ୍‌କି ଆହିମାନେ ଅଡ଼େ କାଲାକାଲାତି ଜୀଝୁତାକି ପାଡ଼େୟି କୁଡ଼ି କିହିମାନେରି, ଏନିକିହୁଁ ଦାଃଆନାସି ଅଡ଼େ କୁଡ଼ିକିନାସି ରହେଁଏ ରାହାଁ କିନେରି

୩୭ ଏନାଆଁତାକି ଇଚିହୁଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଈ କାତା ସାତା

୩୮ ମୀରୁ ଏନାଆଁତାକି କାମା କିହାହିଲଅଚେରି, ଏଦାଆଁ ଦାଚାଲି ତାକି ନାନୁ ପାଣ୍ଡାଚେଏଁ; ଏଚକାତାରି କାମା କିହାମାନେରି, ଅଡ଼େ ମୀରୁ ଏଝାରି କାମାତି ଲାବା ବେଟାଆହିମାଞ୍ଜେରି

୩୯ “ନାନୁ ଏନା ଏନାଆଁ କିହାମାଇଁ, ଏ କାତା ଏଝାସି ନାଙ୍ଗେ ବାରେ ଝେସ୍ତାଚେସି” ଇଞ୍ଜୁଁ ଏମିନି ଆୟାଚି ସାକି ହୀହାମାଚେ, ଏଦାନି କାତାତାକି ଏ ଗାଡ଼ାତି ସମିରଣ ଲକୁ ବିଦ୍ରାଚି ହାରେକା ଜୀସୁଇଁ ନାମିଚେରି

୪୦ ଅଡ଼େ ସମିରଣ ଲକୁ ଜୀସୁ ତାଣା ଝାହାନା ତାମିତଲେ ଡ଼ୟାଲି ତାକି ତାଙ୍ଗେ ବାତିମାଲିଚେରି ଜୀସୁ ଏଝାରିତଲେ ଅଡ଼େ ରା ଦିନା ଡ଼ୟିଚେସି

୪୧ ଜୀସୁତି ବଲୁ ଝେଞ୍ଜାନା ହାରେକା ଲକୁ ନାମିଚେରି

୪୨ ଏଝାରି ଏ ଆୟାଚିଇଁ ଏଲେଇଚେରି, “ଝାବୁଇ ନୀନୁ ଏଲେଇଞ୍ଜାତାକି ମାମ୍ନୁ ନାମାହିଲଅମି, ସାମା ମାମ୍ନୁ ଝେଞ୍ଜାମାନମି,

ଅଡ଼େ, ଇଝାସି ସାତେଏ ଦାର୍ତ୍ତିତି ଗେଲ୍‌ପିନାସି, ଇଦାଆଁ ମାମ୍ବୁ ପୁଞ୍ଜାମାନମି □”

ଜୀସୁ ସାଲ୍‌ଝି କିନାଣି ମୀର୍‌ଏଣାଲ୍ ନେହ୍ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାଟି ହଡ଼ାନା ଗାଲିଲିତା ହାଚେସି □

୪୪ ☆ଇଚିହ୍ ଜୀସୁ ତାଜେତାକି ସାକି ହୀହ୍ ଏଲେଇଚେସି, “ମାହାପୁରୁ ଅଣ୍‌ପୁଡ଼ି ବଲ୍ଲୁ ଝେହ୍‌ନାରି ଜାହାରା ଦେସାତା ମାନ୍ତି ବେଟାଆଅରି □”

୪୫ ☆ଅଡ଼େ ଏଝାସି ଗାଲିଲିତା ଏଜାଲିଏ ଏ ଗାଲିଲିତାରି ଏଝାଣାଲ୍ ଆବିଚେରି, ଇଚିହ୍ ପିସ୍‌ପିଆନ୍ତି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଝାରି ଜିକେଏ ପାର୍ବୁତା ହାଜାମାଚେରି □

୪୬ ☆ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଝେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଜ୍ଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍କା ମୁହେଁ କାଜାସି ରଅସି ମାଚେସି, ତାନି ମୀର୍‌ଏସି କପର୍‌ନାହୁମତା ଆଡ଼ିହିଲିଆଚେସି □

୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଝାହାମାନେସି ଇଞ୍ଜ୍ ଝେଞ୍ଜାନା, ତାନି ତାଣା ହାଜାନା ଏଝାସି ଝାହାନା ଏନ୍‌କିକ୍ ତାନି ମୀର୍‌ଏଣାଲ୍ ନେହ୍ କିନେସି ଏଦାଆଁତାକି ବାଡ଼ିମାଲିଚେସି, ଇଚିହ୍ ଏଝାସି ହାନ୍ତିହ୍‌ଗେ ଆହାମାଚେସି

୪୮ ଜୀସୁ ଏଝାଣାଲ୍ ଏଲେଇଚେସି, “ସିନା ଅଡ଼େ କାବାଆନ୍ତି କାମାୟାଁ ମେହ୍‌ଆଡ଼ିହ୍ ମୀରୁ ଏନ୍‌ଜିକେଏ ନାମଅଚେରି □”

୪୯ ଏ ସାଲ୍‌ଝି କିନାସି ଏଲେଇଚେସି, “ଏ ପ୍ରବୁ, ନା ମୀର୍‌ଏସି ହାନ୍ତି ନକେଏ ନା ତଲେ ଝାମ୍ବୁ □”

୫୦ ଜୀସୁ ଏଝାଣାଲ୍ ଏଲେଇଚେସି, “ହାଲାମ୍ବୁ, ନୀ ମୀର୍‌ଏସି ନୀଡ଼ିନେସି □” ଏ ମାଣସିଲ୍ ଜୀସୁ ଏମିନି ହାଡ଼ା ଝେସ୍ତେସି, ଏଝାସି ଏଦାଆଁ ନାମାନା ହାଚେସି □

☆ ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ☆ ୪:୪୫ ୪:୪୫ ଜହ ୨:୨୩ ☆ ୪:୪୭ ୪:୪୭ ଜହ ୨:୧-୧୧

୫୧ ଅଡ଼େ, ଏଝାସି ହାଲୁଝନିଏ ତାନି ହଲିୟାଙ୍ଗା ଜିରୁତେଏ ନୀ ମୀରୁଏସି ନୀଡିତେସି ଇଞ୍ଜିଁ ଝେସ୍ତେରି □

୫୨ ଏଚିବେଲାତା କକାସି ନେହଁ ଆଡେସି, ଏଦାଆଁ ଏଝାସି ଝେରେସି □ ଏମ୍ବାଟିଏ ଏଝାରି ଏଲେଇଚେରି, “ରେଝଏନି ସାଡା ଗଂଟା ବେଲାତା ନମେରି ପିସ୍ତେ □”

୫୩ ଏମ୍ବାଟି ତାନି ଆବା ପୁରେସି ଜୀସୁ ଆମିନି ବେଲାତା “ନୀ ମୀରୁଏସି ନୀଡିତେସି” ଇଞ୍ଜିଁ ଝେସାମାରେସି, ଏଚିବେଲାତେଏ ଏଦି ଗଚଝି ଆଡେ □ ଏମ୍ବାଟିଏ, ଏଝାସି ଅଡ଼େ ତାନି ଇଜଡି ବାରେ ଇଲୁ କୁଟମି ଜୀସୁ ତାଶା ନାମିତେରି □

୫୪ ଜୀହୁଦାଟିଏ ଗାଲିଲିତା ଝେଶ୍ଟା ଝାହଁ, ଜୀସୁ ରୀ ପାଲି ତାକି ଇ କାବାଆନି କାମା କିତେସି □



ଜୀସୁ କଡ଼େ ଅଟର ବାର୍ସା ତାଶାଈଁ ନେହଁ କିନାୟି

୧ ଇଦାଶି ତାୟୁ ଜୀହୁଦି ଲକୁଡି ର ପାର୍ବୁ ଆଡେ, ଅଡ଼େ ଜୀସୁ ଜିରୁସାଲମତା ହାରେସି □

୨ ଜିରୁସାଲମତି ମେଶ୍ଟାୟାଁ ଦୁଝେରି ତାଗେ ର ବାନ୍ଦା ମାନେ; ଏବି ହାଡାତଲେ ବେଡ଼ସାୟିଦା ଇନେରି, ଏ ବାନ୍ଦାତା ପାସାଗଟା ପିଶ୍ଟାୟାଁ ମାନୁ □

୩ ଏମ୍ବାଆଁ କାଶାୟାଁ, ସଟାୟାଁ ଅଡ଼େ ଆଙ୍ଗା ଝାୟିଡି ରଟ ଗାଟାରି ହାରେକା ଜାଶା ନେହଁ ଆୟାଲି କାଟାହଁ ମାଶ୍ଟିତେରି;

୪ ଇଚିହଁ ଏଚିବେଲାତା ପ୍ରବୁଡି ର ଦୁଡୁ ବାନ୍ଦାତା ରେଚାନା ଏୟୁ ଝୀଟିହିସାରେ, ଅଡ଼େ ଏୟୁ ଝୀଡିଡି ତାୟୁ ଆମ୍ବାଆସି ତଲିଏ ହଡ଼ନେସି, ଏଝାଶାକି ଏନି ରଟ ଆହାମାଟି ଜିକେଏ ନେହଁ ଆହିମାରେସି* □

୫ କଡ଼େ ଅଟର ବାର୍ସା ପାଡେକା ରଟ ଗାଟାସି ରଅସି ଏମ୍ବାଆଁ ମାରେସି □

* ୫:୪ ୫:୪ ଇ କାତା ପୁଝଇ ପଡିତା ହିଲେଏ □

୬ ଜୀସୁ ଏଝାଣାଇଁ ତୁୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜି ପୁଞ୍ଜାହାଁ ଏଝାଣାଇଁ ଝେରେସି, “ନୀନୁ ଏନାଆଁ ନେହଁ ଆହାଲି ମନ କିହିମାଞ୍ଜି ?”

୭ ରଗ ଗାଟାସି ଏଝାଣାଇଁ ଏଲେଇରେସି, “ବାରୁ, ଏୟୁ ଝାଡିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନୀନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି □”

୮ ଜୀସୁ ଏଝାଣାଇଁ ଏଲେଇରେସି, “ନିଙ୍ଗାମୁ, ନୀ ପାସ୍ପନି ଡେକାହାଁ ତାକାମୁ □”

୯ ଏ ଦେବୁଣିଏ ଏଝାସି ନେହଁ ଆଡ଼େସି ଅଡ଼େ ତାନି ପାସ୍ପନି ଡେକାନା ତାକାଲି ମାଟ୍‌ହେସି □

ଏ ଦିନା ଜମିନି ଦିନା ମାଟେ □

୧୦ ଇଦାଆଁତାକି, ଜୀହୁଦିୟାଁ ନେହଁ ଆହାମାନି ମାଣସିଇଁ ଏଲେଇରେସି, “ନୀଞ୍ଜୁ ଜମିନି ଦିନା, ପାସ୍ପନି ଡେକା ଅହାଲି ନିଙ୍ଗେତାକି ମେରା ଆଏ □”

୧୧ ସାମା, ଏଝାସି ଏଝାରାଇଁ ଏଲେଇରେସି, “ଆମ୍ବାଆସି ନାଙ୍ଗେ ନେହଁ କିୟାତେସି, ଏଝାସି ନାଙ୍ଗେ ଏଲେଇଞ୍ଜାତେସି, ନୀ ପାସ୍ପନି ଡେକାନା ତାକାମୁ □”

୧୨ ଏଝାରି ଏଝାଣାଇଁ ଝେରେସି, “ନୀ ପାସ୍ପନି ଡେକାନା ତାକାମୁ ଇଞ୍ଜି ଏଲେଇଞ୍ଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହଁ ଆଡ଼ାସି ପୁଞ୍ଜା ହିଲାଆତେସି, ଇଚିହଁ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହ୍‌ଆରେଟୁ ହାଜାମାଟେସି □

୧୪ ଇଦାଆଁ ତାୟୁ ଜୀସୁ ମାହାପୂରୁ ଇଲୁତା ଏଝାଣାଇଁ ମେସାନା ଏଲେଇରେସି, “ମେହ୍‌ମୁ, ନୀନୁ ନେହଁ ଆହାମାଞ୍ଜି, ଅଡ଼େ ପାପୁ କିଆନି, ଏନିକି ନିଙ୍ଗେତାକି ଗାଡି କସ୍ତୁ ଝାଏ □”

୧୫ ଏ ମାଣସି ଝେଣ୍ଡା ହାଜାନା, ଆମ୍ବାଆସି ତାଙ୍ଗେ ନେହଁ କିହାମାଟେସି, ଏଝାସି ଜୀସୁ ଇଞ୍ଜି ଜୀହୁଦିଙ୍ଗାଣି ଝେସୁସି □

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହିମାତାକି ଜୀହୁଦିଙ୍ଗା ଏଝାଣାଇଁ ନିନ୍ଦା କିହାଲି ମାଟ୍‌ହେସି □

୧୭ ସାମା ଜୀସୁ ଏଝାରାଇଁ ଏଲେଇଚେସି, “ନା ଆବା ନୀଏଁ ପାତେକା କାମା କିହିମାନେସି, ଅଡ଼େ ନାନୁ ଜିକେଏ କାମା କିହିମାଇଁ □”

୧୮ ଇ ହାଡ଼ା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡ଼େ ଗାଡ଼ି ଅଣ୍ଡିପିତେରି, ଏଝାସି ଜମିନି ଦିନାତି ମେରାତି ଉରିତେସି ଝାରଇ ଏଡ଼ି ଆଏ, ସାମା ମାହାପୁରୁଇଁ ନା ଆବା ଇଞ୍ଜିଁ ଝେସାନା ତାଙ୍ଗେ ମାହାପୁରୁ ତଲେ ସମାନା କିହିମାଚେସି □

ମୀରୁଏଣି ଅଦିକାରା

୧୯ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହିମାନାଣି ମେହ୍ନେସି, ଏଦାଆଁ ପିସ୍‌ପେ ଏଝାସି ତାନୁଏ ଏନାଆଁ କିହାଲି ଆଡ଼ଅସି □ ଇଚିହିଁ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହିଁଏ କିନେସି □

୨୦ ଇଚିହିଁ ଆବା ମୀରୁଏଣାଇଁ ଜୀସୁ ନଚେସି, ଅଡ଼େ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଇଁ ତହ୍ନେସି, ଅଡ଼େ ମୀରୁ ଏନିକିଁ କାବା ଆଦେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହିଁ ଆଡ଼େ କାଜା କାଜା କାମା ତହ୍ନେସି □

୨୧ ଆବା ଏନିକିଁ ହାଡ଼ି ଲକୁଣି ନିକ୍‌ହାନା ଜୀସୁ ହୀନେସି, ଏଲେକିହିଁଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀସୁ ହୀନେସି □

୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକିଁ ଆବାଇଁ ମାନି କିହିମାନେରି, ଏଲେକିହିଁଏ ମୀରୁଏଣାଇଁ ଜିକେଏ ମାନି କିନେରି, ଏଦାଆଁତାକି ମୀରୁଏଣାକି ବାରେ ନୀହାଁୟି କିହାଲି ଅଦିକାରା ହୀହାମାନେସି □

୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଝାସି ତାଙ୍ଗେ ପାଣ୍ଡାତି ଆବାଇଁ ଜିକେଏ ମାନି କିଅସି □”

୨୪ “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଙ୍ଗେ ପାଣ୍ଡାତାଣାଇଁ ନାମିନାସି, ଏଝାସି କାଲ୍‌କାଲ୍‌କାତି

ଜୀଝୁ ବେଟା ଆହାମାନେସି, ଅଡ଼େ, ଏଝାସି ନୀହାଁୟି କିଝିଆଆନା ହାକିତି ଜୀଣାଆହାନା ରାଆଗାଟି ଜୀଝୁତା ହଡ଼ାମାନେସି □

୨୫ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ର ଦିନା ଝାନେ ନୀଏଁ ଜିକେଏ ଏତାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରଏଣି ହାଡ଼ାଟି ଝେନେରି ଅଡ଼େ ଆମ୍ବାଆରି ଝେନାରି ଏଝାରି ନୀଡିନେରି □

୨୬ ଇତିହାଁ ଆବା ଏନିକାଁ ତାନୁଏ ଜୀଝୁ ଗାଟାସି, ଏଲେକିହାଁଏ ଏଝାସି ମୀରଏଣାଇଁ ଜିକେଏ ଜୀଝୁ ଗାଟାସି ଆହାଲି ହାହାମାନେସି □

୨୭ ଅଡ଼େ, ଏଝାସି ମାଣସି ମୀରଏସି ଆହାମାନାକି ଏଝାସି ଏଝାଣାକି ନୀହାଁୟି କିନି ଅଦିକାରା ହୀତେସି □

୨୮ ଇଦାଆଁତାକି କାବା ଆଆଦୁ, ଇତିହାଁଏ ଏଟିବେଲା ହାଡ଼ି ଲକୁ ମାହାଣି ମାଣ୍ଡାଟି ତାନି ଗିୟାଁ ଝେନେରି ଅଡ଼େ ଆମ୍ବାଆରି ସାତା କାମା କିହାମାନେରି,

୨୯ ଏଝାରି ଜୀଝୁତା ଝେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହାମାନେରି, ଏଝାରି ନୀହାଁୟିତି ତଣ୍ଡୁ ତାକି ଝେଣ୍ଡେ ନିଙ୍ଗା ଝାନେରି, ଇଲେତି ଦିନା ଝାହିମାନେ □”

ଜୀସୁ ଝାକିଟି ସାକି

୩୦ “ନାନୁ ନା ତାଣ୍ଡାଟି ଏନାଆଁ କିହାଲି ଆଡ଼ଅଁ; ନାନୁ ଏନିକାଁ ଝେଇଁ, ଏଲେକିହାଁଏ ନୀହାଁୟି କିଇଁ, ଅଡ଼େ ନା ନୀହାଁୟି ଟିକାଣାତାୟି, ଇତିହାଁଏ ନାନୁ ନା ମନତଲେ କିହାଲି ଅଣ୍ପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣ୍ପିମାଇଁ □”

୩୧ “ନାନୁ ନାଙ୍ଗେତାକି ସାକି ହୀଇଁ, ଆଡ଼ିଜିକେଏ ନା ସାକି ସାତା ଆଏ □

୩୨ ନା କାତାଟି ଆମ୍ବାଆସି ସାକି ହୀନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ □

୩୩ ☆ମୀରୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହୀହାମାନେସି □

୩୪ ସାମା ନାଙ୍ଗେ ମାଣ୍ଡସି ତାଣାଟି ସାକି ଲଡ଼ା ଥାଏ, ସାମା ମୀରୁ ଏନିକି ଗେଲ୍‌ପି ଆଦେରି, ଏଦାଆଁତାକି ଇ ବାରେ ଝେସିମାଞ୍ଜାଇଁ
□

୩୫ ଜହନ ଡ଼ାଞ୍ଜିତି ମିଣ୍ଡସିମାନି ଦୀଞ୍ ମାରେସି, ଇଞ୍ଜା ମୀରୁ ଏଞ୍ଜାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାତେରି
□

୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏଦାଆଁତାକି ଇଚିହଁ ଆବା ନାଙ୍ଗେ ଏନି ଏନି କାମା ରାପୁହାଲି ହୀହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଝାକିଟି ସାକି ହୀହିମାନେସି
□

୩୭ ଅଡ଼େ ଏମିନି ଆବା ନାଙ୍ଗେ ପାଣ୍ଡାତେସି, ଏଞ୍ଜାସି ନା ତାକି ସାକି ହୀହାମାନେସି □ ମୀରୁ ଏଚେଲା ଏଞ୍ଜାଣି ହାଡ଼ା ଝେଞ୍ଜା ହିଲଅତେରି କି ତାନି ମୁମୁଚେସା ହିଲଅତେରି □

୩୮ ଅଡ଼େ ଏଞ୍ଜାଣି ବଲୁ ମୀ ହିୟାଁତା ଇଟାହିଲଅତେରି, ଇଚିହଁ ଏଞ୍ଜାସି ଆମ୍ବାଆରାଇଁ ପାଣ୍ଡାତେସି ମୀରୁ ଏଞ୍ଜାଣାଇଁ ନାମିହିଲଅତେରି
□

୩୯ ମୀରୁ ଦାମୁ ପତିତି କାତା ପାରିମାଞ୍ଜେରି, ଇଚିହଁ ଏମ୍ବାଆଁ କାଲାକାଲାତି ଜୀଞ୍ ବେଟାଆହାମାନମି ଇଞ୍ଜି ଅଣ୍ଡିମାଞ୍ଜେରି ଅଡ଼େ ଏ ଦାମୁ ପତି ନା ଝାକିଟି ସାକି ହୀହିମାନେ □

୪୦ ସାମା ମୀରୁ ଜୀଞ୍ ବେଟାଆହାଲି ତାକି ନା ତାଣା ଝାହାଲି ମନ କିହିହିଲଅତେରି □”

୪୧ “ନାନୁ ମାଣ୍ଡସିୟାଁ ତାଣାଟି ଗାଞ୍ଜୁରମି ପାରିହିଲଅଁ □

୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାଁତା ମାହାପୁରୁତି ଜୀଞ୍ଜୁନନାୟି ହିଲେଏ □

୪୩ ନାନୁ ନା ଆବା ଦରୁଟି ଝାହାମାଇଁ, ଅଡ଼େ ମୀରୁ ନାଙ୍ଗେ ଅପିମାଞ୍ଜଅତେରି; ଅର ରଅସି ତାନି ଦରୁଟି ଝାଡ଼ିହଁ, ମୀରୁ ଏଞ୍ଜାଣାଇଁ ଅପିଦେରି □

୪୪ ମୀରୁ ଏନିକି ନାମିମାଞ୍ଜେରି ? ମୀରୁ ମୀ ତାଣାଟି ଗାଞ୍ଜୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି

ଗାଝୁରମି ଏଦାଆଁ ବେଟାଆହାଲି ମନ କିହିହିଲଅତେରି

୪୫ ନାନୁ ଆବା ନକିତା ମୀ କପାଟି ଦହ୍ ଦସ୍ତାଲ୍, ଏଲେଇଞ୍ଜି ଅଣ୍‌ପାଆଦୁ; ଆମିନି ମସା ତାଶା ମୀରୁ ବାର୍ସୁ ଇଟାମାଞ୍ଜେରି, ଏଞ୍ଜାସିଏ ମୀ କପାଟି ଦହ୍ ଦସି ମାଞ୍ଜାନେସି □

୪୬ ଇଚିହ୍ ମୀରୁ ମସାଲ୍ ନାମା ମାଟିହ୍, ନାଞ୍ଜେ ଜିକେଏ ନାମାତେରିମା, ଇଚିହ୍ ଏଞ୍ଜାସି ନା କାତେଏ ରାଟାମାନେସି □

୪୭ ସାମା ମୀରୁ ଏଞ୍ଜାଣି ରାଟାମାନି କାତା ନାମା ହିଲଅତେରି, ଆତିହ୍ ନା କାତା ଏନିକ୍ ନାମିଦେରି ?”



ଜୀସୁ ପାସାମାଣା ଲକୁଣି ତାହ୍‌ନାୟି

(ମାଟି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମ୍‌ଦୁରି, ଇଚିହ୍ ତିବିରିୟା ସାମ୍‌ଦୁରି ଆତାଲାଞ୍ଜାକି ହାରେସି □

୨ ଅଡେ ଏଞ୍ଜାସି ରଗ ଗାଟାରାଲ୍ ଏନି ଏନି କାବାଆନି କାମା କିହାମାରେସି, ଏ ବାରେ ମେସାନା ହାଟ୍‌ରେକା ଲକୁ ଏଞ୍ଜାଣି ଜେଟ ଜେଟ ହାରେରି □

୩ ଏମ୍‌ପାଟିଏ ଜୀସୁ ସାୟୁୟା ତଲେ ର ହରୁ ଲାକ ହାଜାନା କୁରିତେସି □

୪ ଏଚିବେଲା ଜୀହୁଦି ଲକୁଡି ପିସ୍‌ପିଆନି ପାର୍ବୁ ତାଗେ ଆହାମାତେ □

୫ ହାଟ୍‌ରେକା ଲକୁ ତାନି ତାଶା ଞ୍ଜାହିମାନାଣି ମେସାନା, ଜୀସୁ ପିଲିପଲ୍ ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର ଆମ୍‌ପିଟି ରାନ୍ଦା କତିନାୟି ?”

୬ ସାମା ଏଞ୍ଜାସି ପିଲିପଲ୍ ତାୟିପାରି କିୟାଲି ଏଲେଇଚେସି, ଇଚିହ୍ ଏଞ୍ଜାସି ଏଦାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି □

୭ ପିଲିପ ଏଞ୍ଜାଣାଙ୍କୁ ଏଲେଇରେସି, “ବାରେ ଲକୁଡାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାତି* ରୁଟି ଜିକେଏ ହାଲାର □”

୮ ତାନି ସୀସୁୟା ବିତ୍ରାଟି, ସିମନ ପିତର ତାୟି ଆନ୍ଦ୍ରିୟ ଦରୁଗାଟାସି ଜୀସୁଙ୍କୁ ଏଲେଇରେସି,

୯ “ଇମ୍ପାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣକା ରିଣ୍ଡି ମାନୁ, ସାମା ଇଚେକା ଲକୁଡାକି ଏଞ୍ଜି ହାଲିନ୍ଦୁ କି ?”

୧୦ ଜୀସୁ ଏଲେଇରେସି, “ଲକୁଣି କୁପକି କିଦୁ □” ଏ ଟାୟୁତା ହାରେକା ଗାକି ଜାଡ଼ା ମାଚେ □ ଏମ୍ପାଆଁ ପାସାମାଣା ଆବାୟା କୁଗିତେରି □

୧୧ ଏମ୍ପାଟିଏ ଜୀସୁ ରୁଟି ଆସାନା ମାହାପୁରୁଙ୍କୁ ଜହରା ହୀହାନା ଏମ୍ପାଆଁ କୁଗାମାନାରାକି ଏଦାଆଁ ବାଟିକିହାଁ ହୀତେରି, ମୀଣକା ଜିକେଏ ଏଲେକିହାଁଏ ବାଟିକିତେରି, ଏଚେକା ମନ୍ କିତେରି ଏଞ୍ଜାରାକି ଏଚେକା ହୀତେରି □

୧୨ ଅଡ଼େ ଏଞ୍ଜାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଙ୍କୁ ଏଲେଇରେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକି ଇଚାୟି ଜିକେଏ ନସ୍ତ ଆଏ □”

୧୩ ଏଚେଟିଏ ଲକୁ ତିଟି ତାୟୁ ପାସାଗଟା ରୁଟି ବିତ୍ରାଟି ହାରାମାଟି ମୁକାୟା ବାର ତାଲି କୁଡ଼ି କିତେରି □

୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇରେରି, “ଆମିନି ମାହାପୁରୁ ଅଣ୍ଡୁତି ବଲୁ ଖେକ୍ନାସି ଦାରତିତା ଖାନାୟି ମାଚେ, ଏଞ୍ଜାସି ସାଚେଏ ଇଞ୍ଜାସି □”

୧୫ ଏଦାଆଁତାକି ଏଞ୍ଜାରି ଖାହାନା ରାଜା କିୟାଲି ବାଲମିଟି ଆସା ଅୟାନେରି ଇଞ୍ଜା ପୁଞ୍ଜାନା ଜୀସୁ ଏଚକା ଆହାନା ରଅସିଏ ଦାରିତା ମାଟି ହରୁ ଲାକ ହଚାହାଚେସି □

ଜୀସୁ ଏୟୁ ଲାକ ତାକିନାୟି

(ମାଟି ୧୪:୨୨-୩୩; ମାର୍କ ୭:୪୫-୫୨)

* ୭:୭ ଖେଣ୍ଡି ଟାକା ର ରୁପାଟାକା ର ଦିନାତି କୁଲି ମାଟି ୨୦:୨

୧୬ ମିତ୍ରଅଲ୍ଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି
□

୧୭ ଅଡ଼େ ସାମ୍ବୁରି ଆତାଲା ମାନି କପରନାହୁମ ଖାକି ହାଜାଲି
ଡଂଗତା ହଡ଼େରି □ ଆନ୍ଦେରି ଆହାହାଚେ, ଅଡ଼େ, ଜୀସୁ ଏଚିବେଲା
ପାତେକା ଏଞ୍ଜାରିତାଣା ଖାହା ହିଲାଆତେସି □

୧୮ ଇଞ୍ଜା କାଜା ଗାଲି ଖେଚିମାଚାକି ସାମ୍ବୁରିତା ଆଜିହପେତି ଏୟୁ
ଉଣ୍ଡାୟାଁ ନିଙ୍ଗିମାଚୁ □

୧୯ ଏଚିବେଲା ଏଞ୍ଜାରି ସ୍ୱ କିଲମିଚର ହେକ ହାଜାଲିଏ ଜୀସୁ
ସାମ୍ବୁରିତା ତାକିହ୍ ଡଂଗ ଖାକି ଖାହିମାନାଣି ମେସାନା ଆଜିତେରି
□

୨୦ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ଆଜାଆଦୁ ଇଞ୍ଜାତେଏଁ
ନାନୁ □”

୨୧ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଡଂଗତା ଅହାଲି ମନ୍ କିତେରି,
ଅଡ଼େ, ଏମିନି ସାମ୍ବୁରି ଗାରୁତା ହାଜିମାଚେରି, ଦେବୁଣିଏ ଏ
ଚାୟୁତା ଡଂଗ ଏଡେ □

ଜୀସୁଇଁ ଲକୁ ପାରିନାୟି

୨୨ ଏ ଚାୟୁତା ର ଡଂଗ ପିସ୍ପେ ଏଚ୍ଚକାତି ଡଂଗୟାଁ ହିଲାଆଚୁ,
ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆତେସି, ସାମା
ଞ୍ଜାରଇ ସୀସୁୟାଁ ହାଜାମାଚେରି, ଇଦାଆଁ ଆମିନି ଲକୁ ତାନି ଅର
ନେଚୁ ସାମ୍ବୁରି ଆତାଲା ନିଚାମାଚେରି ଏଞ୍ଜାରି ମେସାମାଚେରି □

୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଚି ତିଞ୍ଜାଲି
ହାହାମାଚେସି, ତିବିରିୟାଟି ଅଡ଼େ ଏଚରଗଟା ଡଂଗାୟାଁ ଏ ଚାୟୁତା
ଞ୍ଜାଚୁ □

୨୪ ଇଞ୍ଜା ଜୀସୁ ତାନି ସୀସୁୟାଁ ଏମ୍ବାଆଁ ହିଲାଆତେରି, ଇଦାଆଁ
ମେସାନା ବାରେ ଲକୁ ଇ ଡଂଗତା ହଚାନା ଜୀସୁଇଁ ପାରି ପାରିହ୍
କପରନାହୁମତା ଖାଡ଼େରି □

ଜୀସୁ ଜୀଞ୍ଜୁତି ରାନ୍ଦା

୨୫ ଏଞ୍ଜାରି ସାମ୍ବୁରି ଆତାଲା ଜୀସୁଇଁ ବେଗାଆହାନା ଖେଚେରି,
ଏ “ଗୁରୁ, ନାନୁ ଏଚିବେଲା ଇମ୍ବାଆଁ ଖାଡ଼ି ?”

୨୭ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା କାବାଆନି କାମା ମେସ୍ତାକି ନାଙ୍ଗେ ପାରିମାଞ୍ଜାଦେରି ଏଡି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ ପାରିମାଞ୍ଜାଦେରି □

୨୮ ସୀରନି ରାନ୍ଦା ତାକି କାମା କିଆନା, କାଲ୍ଲକାଲ୍ଲାତି ଜୀଝୁତାକି ଡୟିନି ରାନ୍ଦା ତାକି କାମା କିଦୁ, ଏ ରାନ୍ଦା ମାଣ୍ଡସି ମୀରୁଏସି ମିଙ୍ଗେ ହିୟାନେସି, ଇତିହିଁ ତାନି ଆବା ମାହାପୁରୁ ଏଝାଣାକି ଅଦିକାରା ହୀହାମାନେସି □”

୨୯ ଏମ୍ବାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁତି ବାରେ କାମା କିହାଲିତାକି ମାଙ୍ଗେ ଏନାଆଁ କିହାଲି ଆନେ ?”

୩୦ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି ମାହାପୁରୁତି କାମା □”

୩୧ ଏଚେଟିଏ ଏଝାରି ଏଝାଣାଇଁ ଝେଚେରି, “ଆତିହିଁ ନୀନୁ ସିନାଲେହେଁ ଏନାଆଁ କିହିମାଞ୍ଜି, ଏଡାଆଁ ମେସାନା ମାନ୍ସୁନିଙ୍ଗେ ନାମାନମି ?

୩୨ ମା ଆକୁ ଆବାୟାଁ ଲକୁ ଡୟାଆ ଟାୟୁତା ‘ମାନା’† ତିଞ୍ଜା ମାଚେରି, ଦାମ୍ବୁପତିତା ରାସ୍ତାକି ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଟି ରାନ୍ଦା ହୀତେସି □”

୩୩ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ମସା ମିଙ୍ଗେ ଲାକପୁରୁଟି ରାନ୍ଦା ହୀହାମାଞ୍ଜାଅସି, ସାମା ନା ଆବା ମିଙ୍ଗେ ଲାକପୁରୁଟି ସାତା ରାନ୍ଦା ହିୟାନେସି;

୩୪ ଇତିହିଁ ଆମିନି ରାନ୍ଦା ଲାକପୁରୁଟି ଝାହାନା ଦାର୍ତତି ଲକୁଣି ଜୀଝୁ ହୀନେ, ଏଡି ମାହାପୁରୁ ହିୟାତି ରାନ୍ଦା □”

୩୫ ଏଝାରି ଜୀସୁଇଁ ଏଲେଇଚେରି, “ପ୍ରୁ, ମାଙ୍ଗେ ବାରେଦିନା ଏ ରାନ୍ଦା ହିୟାମୁ □”

୩୬ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁଏ ଜୀଝୁତି ରାନ୍ଦାତେସି; ଆମ୍ବାଆସି ନା ତାଣା ଝାନେସି, ଏଝାସି ଏଚେଲା ହାକି ଆଅସି, ଅଡେ ନା ତାଣା ନାମିନାସି, ଏଚେଲା ଏସ୍ତାକି ଆଅସି □

† ୭:୩୧ ୭:୩୧ ମାନା ଇତିସାରେ ଇସ୍ରାୟେଲ ଲକୁକି ମାହାପୁରୁ ହୀହାମାଟି କାଦିତି ଦରୁ

୩୬ ସାମା ନାନୁ ମିଙ୍ଗେ ୱେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି ଜିକେଏ ନାମିମାଞ୍ଜଅତେରି □

୩୭ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ୱାନ୍ନେରି; ଅଡେ ନା ତାଣା ୱାନ୍ନାଣାଇଁ, ନାନୁ ଏଚେଲାଞ୍ଜା ପାଙ୍ଗାତା ପିହ୍ଅଁ □

୩୮ ଇଚିହ୍ ନାନୁ ଅଣ୍ପିନି ଲେହେଁ କିହାଲି ୱାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ପୁ ତଲେ କିହାଲି ଲାକପୁରୁଟି ୱାହାମାଇଁ □

୩୯ ଅଡେ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଞ୍ଜାରି ବିତ୍ରାଟି ଆମ୍ବାଆରାଇଁ ଜିକେଏ ଏନିକ୍ ନାନୁ ଜାକ୍ଅଁ, ସାମା ରାନି ଦିନାତା ଏଞ୍ଜାରାଇଁ ହାଡାରି ତାଣାଟି ନିକ୍ଇଁ, ଇଦି ଏଞ୍ଜାଣି ଅଣ୍ପୁ □

୪୦ ଇଚିହ୍ ଆମ୍ବାଆସି ମୀରୁଏଣାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକ୍ କାଲାକାଲାତି ଜୀଞ୍ଜୁ ବେଟା ଆନ୍ନେସି, ଇଦି ନା ଆବାତି ଅଣ୍ପୁ, ଅଡେ ନାନୁ ଏଞ୍ଜାଣାଇଁ ରାନି ଦିନାତା ହାଡାରି ତାଣାଟି ନିକ୍ଇଁ □”

୪୧ ନାନୁ ଲାକପୁରୁଟି ରେଟା ୱାହାମାନି ରାନ୍ନାତେଏଁ ଇଞ୍ଜ୍ ଏଞ୍ଜାସି ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି କପାଟି ଏଲେଇଞ୍ଜି ଜଲ୍ଲକି ଆଡେରି □

୪୨ “ଇଞ୍ଜାସି ଜସେପ ମୀରୁଏସି ଜୀସୁ ଆଏକି, ଅଡେ ମାର ଇଞ୍ଜାଣି ଇୟା ଆବାତି ପୁଞ୍ଜାହିଲାଆୟି କି ? ଆତିହ୍ ନାନୁ ଲାକପୁରୁଟି ରେଟା ୱାହାମାଇଁ ଇଞ୍ଜ୍ ଏଞ୍ଜାସି ନୀଏଁ ଏନିକ୍ ୱେସିମାନେସି ?”

୪୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ମୀରୁ ମୁରୁମୁର ଜଲ୍ଲକି ଆଆଦୁ □”

୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କଡିନେସି, ଏଞ୍ଜାସିଦେଁ ନା ତାଣା ୱାହାଲି ଆଡିନେସି, ଅଡେ ନାନୁ ରାନି ଦିନାତା ଏଞ୍ଜାଣାଇଁ ହାଡାରି ତାଣାଟି ନିକ୍ଇଁ □

୪୫ ମାହାପୁରୁ ଅଣ୍ପୁତି ବଲୁ ୱେହ୍ନାରି ଦାମ୍ବୁପତିତା ରାସ୍କି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି □ ଆମ୍ବାଆସି ଆବାତି କାତା ୱେଞ୍ଜାନା ଜାପାମାନେସି, ଏଞ୍ଜାସି ନା ତାଣା ୱାନ୍ନେସି □

୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ
ତାଣାଟି ଖାହାମାନାସି, ଖାରଇ ଏଞ୍ଜାସି ମେସାମାନେସି □

୪୭ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମ୍ବାଆସି ନାମିନେସି,
ଏଞ୍ଜାସି କାଲାକାଲାତି ଜୀଝୁ ବେଟା ଆହାମାନେସି □

୪୮ ନାନୁ ଜୀଝୁତି ରାନ୍ଦାତେଏଁ □

୪୯ ମୀ ଆକୁ ଆବାୟାଁ ଲକୁ ଡୟାଆ ଟାୟୁତା ମାନା ତିଞ୍ଜାନା,
ହାଡେରି □

୫୦ ଆମ୍ବାଆରି ଏନିକିଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି
ଲାକପୁରୁଟି ଖାନ୍ତି ରାନ୍ଦା ଇଦି □

୫୧ ନାନୁ ଲାକପୁରୁଟି ଖାହାମାନି ଏ ଜୀଝୁଗାଟି ରାନ୍ଦାତେଏଁ;
ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନୀତିନେସି; ହାଅ,
ନାନୁ ଏମିନି ରାନ୍ଦା ହାଇଁ, ଏଞ୍ଜି ନା ଡଙ୍ଗା, ନାନୁ ଏଞ୍ଜାଆଁ ଦାରୁତିତି
ଜୀଝୁତାକି ହାଇଁ □”

୫୨ ଇ ହାଡା ୱେଞ୍ଜାନା ଜୀହୁଦିୟାଁ କାରୁବି ଆହାନା ଏଲେଇଣ୍ଡି
ଆଡେରି, “ଇଞ୍ଜାସି ଏନିକିଁ ମାଙ୍ଗେ ତାନି ଡଙ୍ଗା ତିଞ୍ଜାଲି ହିୟାଲି
ଆଡାନେସି ?”

୫୩ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ସାତା ୱେସିମାଞ୍ଜାଇଁ,
ମାଣସି ମୀରୁଏଣା ଡଙ୍ଗା ତିନାଆସାରେ ଅଡେ ତାନି ନେତେରି
ଗହଆସାରେ, ମୀ ତାଣା ଜୀଝୁ ହିଲେଏ □

୫୪ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି,
କାଲାକାଲାତି ଜୀଝୁ ବେଟା ଆନେସି, ଅଡେ ନାନୁ ଏଞ୍ଜାଣାଇଁ ରାନ୍ତି
ଦିନାତା ହାଡାରି ତାଣାଟି ନିକ୍ଇଁ □

୫୫ ଇଚିହଁ ନା ଡଙ୍ଗା ସାତା ରାନ୍ଦା ଅଡେ ନା ନେତେରି ସାତା
ଗହନାୟି □

୫୬ ଆମ୍ବାଆସି ନା ଡଙ୍ଗା ତିନେସି ଅଡେ ନା ନେତେରି ଗହନେସି,
ଏଞ୍ଜାସି ନା ତାଣା ଡୟିନେସି ଅଡେ ନାନୁ ଏଞ୍ଜାଣି ତାଣା ଡୟିଇଁ □

୫୭ ଜୀଝୁତି ଆବା ନାଙ୍ଗେ ଏନିକିଁ ପାଣ୍ଡାମାଞ୍ଜାନେସି ଅଡେ
ନାନୁ ତାନିତାଣାଟି ନୀତାମାଇଁ, ଏଲେକିହଁଏ ଆମ୍ବାଆସି ନାଙ୍ଗେ
ତିଞ୍ଜାନେସି, ଏଞ୍ଜାସି ଜିକେଏ ନା ତାଣାଟି ନୀତିନେସି □

୫୮ ଆମିନି ରାନ୍ଦା ଲାକପୁରୁଟି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନକିଁ ତିଞ୍ଜାନା ହାଡେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଞ୍ଜାସି କାଲାକାଲା ତାକି ଜୀଝୁତଲେ ଡୟିନେସି □”

୫୯ ଜୀସୁ କପରନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଝେସିମାଗାଟି ଇ ବାରେ କାତା ଝେସ୍ତେସି □

କାଲାକାଲା ଜୀଝୁତି ବଲୁ

୬୦ ଜୀସୁତି ସୀସୁୟାଁ ବିତ୍ରାଟି ହାଡେରକା ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡିନେସି ?”

୬୧ ଏଞ୍ଜାରି ଇ କାତାତାକି ଝେସ୍ପି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସୀସୁୟାଁ ଏଲେଇଚେସି, “ଇ କାତା ମିଙ୍ଗେ ଅପାଆଗାଟାୟି ଆହିମାନେ କି ?

୬୨ ଆଡିହିଁ ମାଣସି ମୀରଏସି ତଲିଏ ମାଟି ଟାୟୁତା, ଝେଶ୍ତେ ହାନାଣି ମେସିହିଁ, ଏନାଆଁ ଇଞ୍ଜେରି ?

୬୩ ମାହାପୁରୁଟି ଜୀଝୁ ନୀତାଲି ହୀନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଝେସ୍ତାତି ବଲୁ ବାରେ, ସୁଦୁଜୀଝୁ ଅଡେ ନୀତିନି ବଲୁ □

୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଡିହିଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଞ୍ଜାଣାଲୁଁ ସାଡୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି □

୬୫ ଅଡେ ଏଞ୍ଜାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଲୁଁ, ଆବା ହେଲ ହୀଆଡିହିଁ ଆମ୍ବାଆସି ନା ତାଣା ଝାୟାଲି ଆଡଅସି □”

୬୬ ଏ ଦିନାଟିଏ ତାନି ସୀସୁୟାଁ ବିତ୍ରାଟି ହାଡେରକା ଜାଣା ଅପାଆନାହାଁ ହାଜାଡୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡେ ହାଲାଆତେରି □

୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଝେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି ?”

‡ ୨:୫୯ ୨:୫୯ ସିନଗର

୨୮ ✧ ସିମନ ପିତର ଏଞ୍ଜାଣାଇଁ ଏଲେଇରେସି, “ପ୍ରଭୁ ଆମ୍ଭାଆରି ତାଣା ହାନମି ? କାଲାକାଲାତି ଜୀବୁତି ବଲୁ ନୀ ତାଣା ମାନେ □

୨୯ ନୀନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍ଡିତି ଇଦାଆଁ ମାନ୍ସୁ ନାମା ମାନମି ଅଡ଼େ ପୁଞ୍ଜାମାନମି □”

୩୦ ଜୀସୁ ଏଞ୍ଜାରାଇଁ ଏଲେଇରେସି, “ନୀନୁ ଏନାଆଁ ମୀ ବାରଜାଣାତେରି ମିଙ୍ଗେ ଆଚାମାଞ୍ଜିଅଁ କି ? ଅଡ଼େ ମୀ ବିଦ୍ରାଟି ରଅସି ସୟତାନ □”

୩୧ ଏଞ୍ଜାସି ଇସ୍ତାରିୟତ ସିମନ ମୀରଏସି ଜୀହୁଦାଇଁ ସିନିକିହାନା ଏଲେଇରେସି, ଇଚିହଁ ଏଞ୍ଜାସି ବାରଜାଣା ସୀସୁୟାଁ ବିଦ୍ରାଟି ରଅସି, ଅଡ଼େ ଏଞ୍ଜାସି ଜୀସୁଇଁ ସାତୁ କେୟୁତା ହେରପାଲି ହାଜିମାରେସି □



ଜୀସୁ ଅଡ଼େ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାରେସି, ଇଚିହଁ ଜୀହୁଦିୟାଁ ଏଞ୍ଜାଣାଇଁ ପାୟାଲି ଅଣ୍ଡିପି ମାରାକି ଏଞ୍ଜାସି ଜୀହୁଦା ରାଜିତା ରେଜାଲି ମନ କିହି ହିଲିଆତେସି □

୨ ସାମା ଜୀହୁଦି ଲକୁତି “ଗରାୟାଁ ଗୁଡାତା ବାସାଆନି” ପାର୍ବୁ ତାଗେ ଖାହିମାଚାକି □

୩ ଜୀସୁତି ତାୟିୟାଁ ଏଞ୍ଜାଣାଇଁ ଏଲେଇରେସି, “ନୀନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହ୍ନେରି ଇଦାଆଁତାକି ନୀନୁ ଇମ୍ବାଟି ହଚା ହାଜାନା ଜୀହୁଦା ରାଜିତା ହାଲାମୁ □

୪ ଇଚିହଁ ଲକୁତାଣା ଖେଙ୍ଗାଲି ମନ କିନାସି ତାନି କାମା ତୁଗୁଆଁ କିଅସି □ ନୀନୁ ଇ ବାରେ କାମା କିହିମାଞ୍ଜି, ଆତିହଁ ନୀନୁ ଦାର୍ତି ନକିତା ତସାକତାମୁ □”

୫ ଇଚିହଁ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲିଆତେରି □

୬ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ □”

✧ ୭:୨୮ ୭:୨୮ ମାତି ୧୭:୧୭; ମାର୍କ ୮:୨୯; ଲୁକ ୯:୨୦

୭ ଦାରୁଡ଼ିଆରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହିଁ ତାନି କାମା ବାରେ ଲାଗେଏତାୟି ଇଞ୍ଜିଁ ନାନୁ ସାକି ହାହାନା ତସିମାଇଁ □

୮ ମାରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇଚିହିଁ ନା ଦିନା ଖାହାହିଲେଏ □

୯ ଏଝାସି ଏଝାରାଇଁ ଇ ବାରେ କାତା ଝେସାନା ଗାଲିଲିତା ତୟିତେସି □

ଗରାୟା ଗୁଡ଼ାତା ବାସାଆନ୍ତି ପାରୁତା ଜୀସୁ

୧୦ ଜୀସୁତି ତାୟିୟାଁ ଏ ପାରୁତା ହାଚି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହୁଆରେଟୁ ମେଣେଏ ହାଚେସି □

୧୧ ପାରୁ ବେଲାତା ଜୀହୁଦି ଲକୁ ଏଝାଣାଇଁ ପାରି ପାରିହିଁ, “ଏଝାସି ଏୟିୟା ମାନେସି ଇଞ୍ଜିଁ ଝେଚେରି ?”

୧୨ ବାରେ ଲକୁ ଏଝାଣି ତାକି କିଲିବିଲି ଆହିମାଚେରି, ଏଚରଜାଣା “ଏଝାସି ନେହିଁ ମାଣ୍ଡସି” ଇଚେରି; ଅଡ଼େ ଏଚରଜାଣା “ଆଏ, ଏଝାସି ଲକୁଣି ନାଡ଼ି କିହିମାନେସି” ଇଞ୍ଜିଁ ଇଚେରି □

୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆଚେରି □

୧୪ ସାମା ପାରୁତି ମାଦି ପାଚେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟ୍‌ହେସି □

୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇଚେରି, “ଇଝାସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁଚେସି ?”

୧୬ ଜୀସୁ ଏଝାରାଇଁ ଏଲେଇଚେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଙ୍ଗେ ପାଣ୍ଡାତାଣାଝାୟି □

୧୭ ଆମ୍ବାଆସି ତାନି ଅଣ୍ଡୁ ତଲେ କିହାଲି ଅଣ୍ଡିନେସି, ଆଡ଼ିସାରେ ଇ ଜାପୁନାୟି ମାହାପୁରୁ ତାଣାଟି ଖାହାମାନେ, କି, ନା ତାଣାଟି ଝେସିମାଇଁ, ଏଦାଣି ଏଝାସି ପୁନେସି □

୧୮ ଆମ୍ବାଆସି ନାଦିଏ ଇନେସି, ଏଝାସି ତାନି ଗାଝୁରମି ପାରିନେସି, ସାମା ଆମ୍ବାଆସି ତାଙ୍ଗେ ପାଣ୍ଡାମାଞ୍ଜାନାଣା ଗାଝୁରମି ପାରିନେସି,

ଏଝାସି ସାତା, ଅଡ଼େ ଏଝାଣି ତାଣା ଏନାୟି ଲାଗେଏ କିନାୟି ହିଲେଏ
□

୧୯ ମସା ମିଙ୍ଗେ ମେରା ହୀହାମାଞ୍ଜଅସି କି ? ଆଡ଼ିଜିକେଏ ମୀ ବିତ୍ରାଟି ଆମ୍ବାଆତେରି ମେରାତି ମାନଝି ଆହି ହିଲଅତେରି, ମୀରୁ ଏନାଆଁତାକି ନାଙ୍ଗେ ପାୟାଲି ଅଣ୍ଡିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ନିଙ୍ଗେ ଆମ୍ବାଆସି ପାୟାଲି ଅଣ୍ଡିମାଞ୍ଜାନେସି ?”

୨୧ ଜୀସୁ ଏଝାରାଇଁ ଏଲେଇଚେସି, “ନାନୁ ର କାବାଆନ୍ତି କାମା କିତେଏଁ, ଅଡ଼େ ମୀରୁ ବାରେ କାବା ଆଡ଼େରି □

୨୨ ଇଦାଆଁତାକି ମସା ମିଙ୍ଗେ ତଲୁ ଦାପି କିନି ମେରା ହୀହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ?

୨୩ ☆ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାତି ମେରା ଭରିହିଲଅତେରି, ଆତିହିଁ ନାନୁ ଜମିନି ଦିନାତା ର ମାଣ୍ଡସିତି ଗୁଡ଼ା ଆଙ୍ଗା ନେହିଁ କିୟାଲିଏ ମୀରୁ ନାଙ୍ଗେ ଏନାଆଁତାକି କପା ଆହିମାଞ୍ଜାଦେରି ?

୨୪ ଝାରଇ ଲାକ ଲାକ କାତା ମେସାନା ନୀହାଁୟି କିଆଦୁ ସାତା ତଲେ ନୀହାଁୟି କିଦୁ □”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଝେସ୍‌ପି ଆଡ଼େରି, “ଆମ୍ବାଆରାଇଁ ଇଝାରି ପାୟାଲି ଅଣ୍ଡିମାନେରି ଇଝାସି ଏଝାସି ଆଏକି ?

୨୬ ଅଡ଼େ ମେହ୍‌ଦୁ, ଏଝାସି ଲକୁ ପୁଣ୍ଡେ କାତା ଝେସିମାନେସି, ଇଞ୍ଜା ଏଝାଣାଇଁ ସାଲଝି କିନାରି ଏନାଆଁ କିହିହିଲଅରି □ ଏଝାସି କ୍ରୀସ୍ତ ଇଞ୍ଜାଁ ଏଝାରି ଏନାଆଁ ସାତା ତଲେ ପୁଚେରି କି ?

୨୭ ଆତିହିଁ ଏଝାସି, ଆମ୍ବିଟି ଝାହାମାନେସି, ଇଦାଆଁ ମାର ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ଝାନେସି, ଏଚିବେଲାତା ଆମ୍ବାଆସି ପୁନଅସି, ଇଚିହିଁ ଏଝାସି ଆମ୍ବିଟି ଝାହାମାନେସି □”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ୱେସି ୱେସିହୁଁ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ବିଟି ୱାହାମାଲ୍ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍ପୁ ତଲେ ୱାହାହିଲଅଁ, ସାମା ନାଜେ ପାଣ୍ଡାତାସି ଏଞ୍ଜାସି ସାତା, ମୀରୁ ଏଞ୍ଜାଣାଲ୍ ପୁଞ୍ଜାହିଲଅତେରି □

୨୯ ନାନୁ ଏଞ୍ଜାଣାଲ୍ ପୁଞ୍ଜାମାଲ୍, ଇଚିହୁଁ ନାନୁ ଏଞ୍ଜାଣି ତାଣାଟି ୱାହାମାଲ୍, ଅଡ଼େ ଏଞ୍ଜାସି ନାଜେ ପାଣ୍ଡାତେସି □”

୩୦ ଏମ୍ବାଟିଏ ଜୀସୁଲ୍ ଆସାଲି ତାକି ଅଣ୍ପିତେରି; ସାମା ଆମ୍ବାଆରି କେୟୁ ଏଞ୍ଜାଣି ମୁହେଁ ଏଆତେ, ଇଚିହୁଁ ଏଞ୍ଜାଣାଲ୍ ଆହୁନି କାରୁ ଏଚେତା ଏକାହିଲିଆତେ □

୩୧ ସାମା ଲକୁ ବିତ୍ରାଟି ହାରେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜାସି ଏନ୍ଦି ଏନ୍ଦି କାବାଆନ୍ଦି କାମା ବାରେ କିହିମାନେସି, କ୍ରୀସୁ ୱାହାନା ଇଞ୍ଜାଣି କିହାଁ ଏଦାଆଁ ଆଗାଡ଼ା କିନେସି ?”

ଜୀସୁଲ୍ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାମି ବିତ୍ରା ୱେସ୍ପି ଆହିମାଗାଣି ପାରୁସିୟାଁ ୱେଚେରି ଅଡ଼େ ପାରୁସିୟାଁ ଅଡ଼େ କାଜା ପୁଜେରାଙ୍ଗା ଜୀସୁଲ୍ ଦସାଲି ଜାମାନାଙ୍ଗାଣି ପାଣ୍ଡିତେରି □

୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମୀ ତଲେ ଗାଡ଼େକା ତାକି ତୟାହାଁ ନାଜେ ପାଣ୍ଡାତାଣା ତାଣା ହାଲ୍ □

୩୪ ମୀରୁ ନାଜେ ପାରାଦେରି, ସାମା ବେଟାଆୟଅତେରି; ଅଡ଼େ, ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ୱାହାଲି ଆଡ଼ଅତେରି □”

୩୫ ଜୀହୁଦିୟାଁ ତାମ୍ବୁତାମ୍ବୁସୁ ୱେସ୍ପି ଆଡ଼େରି, “ଇଞ୍ଜାସି ଆମ୍ବିୟା ହାଜିମାନେସି, ମୀରୁ ଏଞ୍ଜାଣାଲ୍ ବେଟାଆହାଲି ଆଡ଼ାଆୟି ଏଦାଆଁ ଇଞ୍ଜାସି ଇତାଲା ଆତାଲା ଜାଙ୍ଗାହାଜାମାନି ଗ୍ରିକ୍ ଲକୁଲ୍ ଜାପୁହାଲି ହାଜିମାନେସି କି ?”

୩୬ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ୱାହାଲି ଆଡ଼ଅତେରି, ଇଞ୍ଜୁଁ ଏଞ୍ଜାସି ୱେସ୍ପାଟି ଇ କାତା ଏନାୟି ଇଞ୍ଜୁଁ ୱେସ୍ପି ଆଡ଼େରି ?”

ଜୀସୁହାନି ଜାରଣା ଏୟୁ

୩୭ ରାଜି ଦିନା, ଇଚିସାରେ ପାର୍ବୁତି କାଜା ଦିନା, ଜୀସୁ ନିଚାନା କାଜା ରିୟାତଲେ ଏଲେଇଚେସି, ଆମ୍ବାଆସି ଏସ୍‌କି ଆଡ଼ିହ୍, ଏଞ୍ଜାସି ନା ତାଗେ ଖାହାନା ଗସ୍‌ପେସି □

୩୮ ଅଡେ ଆମ୍ବାଆସି ନା ତାଣା ନାନିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେ, ଏଞ୍ଜାଣି ହିୟାଟି ଜୀଞ୍ଜୁତି ଜାରଣା ଏମୁ ହନୁ* □”

୩୯ ଜୀସୁ ସୁଦୁଜୀଞ୍ଜୁତି କାତା ଖେସିମାଚେସି, ଆନିନି ଗାଗାରି ଜୀସୁ ତାଣା ନାନି ମାଚେରି, ଏଞ୍ଜାରି ସୁଦୁଜୀଞ୍ଜୁ ବେଟାଆନାୟି ମାଚେ, ଜୀସୁ ଗାଞ୍ଜୁରମି ବେଟାଆହା ହିଲାଆତାକି ଏଞ୍ଜାରାକି ଏଚେତା ସୁଦୁଜୀଞ୍ଜୁ ହୀପକି ଆହାହିଲାଆତେ □

ଲକୁ ବିତ୍ରା ବାଗା ଆନାୟି

୪୦ ଏଚେତା, ଲକୁ ଏ କାତା ଖେଚେରି, ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇଞ୍ଜାସି ସାତେଏ ମାହାପୁରୁ ଅଣ୍‌ପୁତି ବଲୁ ଖେହ୍‌ନାସି □”

୪୧ ଏଟକାତାରି ଏଲେଇଚେରି, “ଏଞ୍ଜାସି ମସିହା!”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା!‡ ଏନାଆଁ ଗାଲିଲିଟି ଖାନେସି କି ?

୪୨ ଦାମ୍ବୁ ସାସ୍‌ପେରିତା ରାସ୍‌କି ଆହାମାନେ, କ୍ରୀସ୍ତ ଦାଞ୍ଜୁଦ ରାଜା କୁଡାଟି ଇଞ୍ଜା ଦାଞ୍ଜୁଦ ଏନିନି ଟାୟୁତା ବାସା ଆହାମାଚେସି, ଏ ବେତଲିହିମ ନାୟୁଟି ଖାନେସି □”

୪୩ ଇଦାଆଁତାକି ଲକୁ ତାନି ବିତ୍ରାଟି ଏଞ୍ଜାଣି ତାକି ବାଗା ଆଡେରି;

୪୪ ଅଡେ, ତାନି ବିତ୍ରାଟି ଆମ୍ବା ଆମ୍ବାଆରି ଏଞ୍ଜାଣାଲ୍ ଆସାଲି ଅଣ୍‌ପି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡାଆତେରି □

ସାଲୁଞ୍ଜି କିନି ଜୀହୁଦିୟା ନାମାଆ ଗାଗାୟି

୪୫ ଏଚେଟିଏ ଜାମାନାଙ୍ଗା କାଜା ପୂଜେରା ଅଡେ ପାରୁସିୟା ତାଣା ଖେଣ୍ଡା ହାଚେରି, ଅଡେ ଏଞ୍ଜାରି ଏଞ୍ଜାରାଲ୍ ଖେଚେରି, “ଏଞ୍ଜାଣାଲ୍ ଏନାଆଁତାକି ଆସା ତାଆତେରି ?”

* ୭:୩୮ ୭:୩୮ ଇ କାତା ପୁଃଇ ପତିତା ହିଲେଏ † ୭:୪୧ ୭:୪୧ କ୍ରୀସ୍ତ ‡ ୭:୪୧ ୭:୪୧ କ୍ରୀସ୍ତ

୪୭ ଜାମାନାଙ୍କା ଏଞ୍ଜରାଙ୍କ ଏଲେଇଚେରି, “ଇ ମାଣ୍ଡି ଏନିକ୍ ହାଡ଼ା ଝେହ୍ନାସି, ଏଲେକିହ୍ ଏମିନି ମାଣ୍ଡି ଏଚେଲା ଝେସାହିଲଅସି □”

୪୭ ପାରୁସିୟା ଏଞ୍ଜରାଙ୍କ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡେରି ?

୪୮ ପାରୁସିୟା ବିତ୍ରାଟି କି ସାଲଝି କିନାରି ବିତ୍ରାଟି ଆମ୍ବାଆରି ଏଞ୍ଜାଣି ତାଣା ନାମାମାନେରି କି ?

୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଞ୍ଜାରି ବାକା ଗାଟି ଲକୁ □”

୫୦ ☆ଏମିନି ନିକଦିମ ଇଦାଆଁ ନକେଏ ଜୀସୁଙ୍କ ମେସାଲି ତାକି ଝାହାମାରେସି ଇଞ୍ଜା ଏଞ୍ଜାସି ଏଞ୍ଜାରି ବିତ୍ରାଟି ପାରୁସି ମାରେସି, ଏଞ୍ଜାସି ଏଞ୍ଜରାଙ୍କ ଝେଚେସି,

୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାନି ମାଣ୍ଡି ପୁନାଆନା ମା ମସାତି ମେରା ଏନାଆଁ ଏଞ୍ଜାଣାଙ୍କ ଦହ କିନେ ?”

୫୨ ଏଞ୍ଜାରି ଏଞ୍ଜାଣାଙ୍କ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲିତି ଲକୁ କି ? ଗାଲିଲିତି ଏନି ମାହାପୁରୁ ଅଣପୁଡ଼ି ବଲୁ ଝେହ୍ନାରି ଏଚେଲା ଝାହାଲି ଆଡ଼ଅରି, ଇଦାଆଁ ସାସ୍ତେରିତା ସିନିକିମ୍ବୁ □”

୫୩ ଅଡ଼େ ଏଞ୍ଜାରି ବାରେଜାଣା ଜାହାରା ଇଜ ହାଚେରି □

୮

ଦାଢ଼େଣି ଆୟାଟି

୧ ସାମା ଜୀସୁ ଜୀତ ହରୁତା ହାଚେସି □

୨ ଅର ଦିନା ଲାଈ ଏଞ୍ଜାସି ମାହାପୁରୁ ଇଲୁତା ଝେଣ୍ଡା ଝାଡ଼େସି, ଅଡ଼େ, ବାରେ ଲକୁ ଏଞ୍ଜାଣି ତାଣା ଝାହାଲିଏ, ଏଞ୍ଜାସି କୁଗାନା ଜାପ୍‌ହାଲି ମାଟ୍‌ହେସି □

୩ ମେରା ଜାପ୍‌ନାରି ଅଡ଼େ ପାରୁସିୟା ଦାରି କାମାତା ଆସ୍‌ପି ଆହାମାନି ର ଇୟାନି ତାଡେରି, ବାରେଜାଣା ନକିତା ନିପ୍‌ହାନା ଜୀସୁଙ୍କ ଏଲେଇଚେରି □

୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍ପି ଆଡେ □
 ୫ ଇଲେତି ଇୟାସିକାଣି ଖାଲ୍‌କା କୁତାନା ଝେଟାଲିତାକି ମସା
 ମା ମେରାତା ହୁକୁମି ହାହାମାଞ୍ଜାନେସି; ଆତିହିଁ ନୀନୁ ଏନାଆଁ
 ଝେସିମାଞ୍ଜାଦି ?”

୬ ଏଞ୍ଜାରି ଜୀସୁଇଁ ଏନିକିଁ ପାନ୍ଦାତା ମେଡ଼ହାଲି ଆଡ଼ିନେରି,
 ଇଦାଆଁତାକି ଏଞ୍ଜାରି ଏଞ୍ଜାଣାଇଁ ତାୟିପାରି କିହାଲି ଝେରେରି, ସାମା
 ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟ୍‌ହେସି □

୭ ଏଞ୍ଜାରି ଏମ୍ବାଆଁ ନିଚାନା ଝେଶ୍ଟେ ଝେଞ୍ଜାଲିଏ, ଜୀସୁ ତାୟିଁ
 ପେର୍‌ହାନା ଏଞ୍ଜାରାଇଁ ଏଲେଇରେସି, “ମୀ ବିତ୍ରାଟି ଆମ୍ବାଆସି
 ଏରେଲା ଏନି ପାପୁ କିହାହିଲଅସି, ଏଞ୍ଜାସି ମୁଲୁଏ ଖାଲି କୁତାପେସି
 □”

୮ ଅଡେ ଝେଶ୍ଟେ ଜୀସୁ ମୁନୁକାପାନା ବୁମିତା ରାଚାଲି ମାଟ୍‌ହେସି □

୯ ଜୀସୁତି ହାଡା ଝେଞ୍ଜାନା ଏଞ୍ଜାରି କାଜାରିଟିଏ ମାଟ୍‌ହାଁ ରଅଣି
 କ୍ରେଚ ରଅସି ହାଜାଲି ମାଟ୍‌ହେରି, ଏମ୍ବାଆଁ ଖାଠ୍‌ଇ ଜୀସୁ ଅଡେ ମାଦି
 ମାନି ଏ ଇୟା ଡୟିଡେ □

୧୦ ଜୀସୁ ତାୟିଁ ପେର୍‌ହାନା ଏଦାନି ଏଲେଇରେସି, “ଏ ଇୟା
 ଏଞ୍ଜାରି ଏମ୍ବିୟା ? ଆମ୍ବାଆରି ନିଙ୍ଗେ ତଣ୍ଡ ହାହାଲି ହିଲଅରି କି ?”

୧୧ ଏଦି ଏଲେଇରେ, “ଆଏ, ପ୍ରବୁ, ଆମ୍ବାଆରି ହିଲଅରି □”

ଏମ୍ବାଟିଏ ଜୀସୁ ଏଦାନି ଏଲେଇରେସି; “ନାନୁ ଜିକେଏ ନିଙ୍ଗେ ତଣ୍ଡ
 ହିୟଅଁ; ହାଲାମୁ, ସାମା ଅଡେ ପାପୁ କିଆନି* □”

ଜୀସୁ ଦାର୍ତ୍ତିତ ଉଜେଡ଼ି

୧୨ ☆ଜୀସୁ ଝେଶ୍ଟେ ପାରୁସିୟାଁଇଁ ଏଲେଇରେସି, “ନାନୁ ଦାର୍ତ୍ତିତ
 ଉଜେଡ଼ି, ଆମ୍ବାଆସି ନା କ୍ରେଚ ଖାନ୍‌ସି, ଏଞ୍ଜାସି ଜୀଞ୍ଜୁତି ଉଜେଡ଼ି
 ବେଟା ଆନ୍‌ସି ଅଡେ ଏରେଲା ଜିକେଏ ଆନ୍‌ରେରିତା ତାକଅସି □”

୧୩ ☆ପାରୁସିୟାଁ ଏଞ୍ଜାଣାଇଁ ଏଲେଇରେରି, “ନୀଏଁ ନୀନୁ
 ନିଙ୍ଗେତାକି ସାକି ହାହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି
 ଏଦି ସାତା ପାରମାଣା ହିଲାଆଗାଟାୟି □”

* ୮:୧୧ ୮:୧୧ ଇ ବାରେ କାତା ବାରେ ପତିଣାଁ ହିଲେଏ ☆ ୮:୧୨ ୮:୧୨ ମାତି ୫:୧୪;
 ଜହ ୯:୫ ☆ ୮:୧୩ ୮:୧୩ ଜହ ୫:୩୧

୧୪ ଜୀସୁ ଏଝାରାଇଁ ଏଲେଇରେସି, “ଆଏ ନାନୁ ନା ତାକି ସାକି ହୀତି ଜିକେଏ, ନାନୁ ଏନାଆଁ ୱେସିମାଞ୍ଜାଇଁ ଏଡ଼ି ସାତା, ଇଚିହିଁ ନାନୁ ଆମ୍ବିଚି ୱାହାମାଇଁ ଅଡ଼େ ଏମ୍ବିୟା ହାଜିମାଇଁ ଏନାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଚି ୱାଇଁ ଅଡ଼େ ଏମ୍ବିୟା ହାଇଁ □

୧୫ ମୀରୁ ୱାରଇ ମାଣସିୟାଁ ଲେହେଁ ବିଚାରା କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ □

୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହିଁ ନାନୁ ରଅତେଏଁ ଆଏ ସାମା ଏମିନି ଆବା ନାଞ୍ଜେ ପାଣ୍ଡାମାଞ୍ଜାନାସି ନା ତଲେ ମାନେସି □

୧୭ ମୀ ମସାତି ମେରାତା ରାସ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଝାରି ଏନାଆଁ ଇନେରି ଏଡ଼ି ସାତା □

୧୮ ନାନୁ ନାଞ୍ଜେତାକି ସାକି ହାହିମାଇଁ, ଅଡ଼େ, ନାଞ୍ଜେ ପାଣ୍ଡାମାଞ୍ଜାନି ଆବା ଜିକେଏ ନା ୱାକିଚି ସାକି ହାହିମାନେସି □”

୧୯ ଏଝାଣାଇଁ ଏଝାରି ୱେରେରି, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଞ୍ଜେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଞ୍ଜେ ପୁଞ୍ଜାଚିହିଁ ମା, ନା ଆବାଇଁ ଜିକେଏ ପୁରେରିମା □”

୨୦ ମାହାପୁରୁ ଇଲୁଚି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଝାଣାଇଁ ଆହୁଆତେରି ଏନାଆଁତାକି ଇଚିହିଁ ତାନି ବେଲା ୱାହା ହିଲାଆତେ □

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ୱେଣ୍ଡେ ଏଝାରାଇଁ ଏଲେଇରେସି, “ନାନୁ ହାଜିମାଇଁ, ମୀରୁ ନାଞ୍ଜେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି □ ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅତେରି □”

୨୨ ଇଞ୍ଜାଁ ଜୀହୁଦିୟାଁ ଏଲେଇରେରି, “ଇଝାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଝାରାଇଁ ଏଲେଇରେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଝାହାମାଇଁ □ ମୀରୁ ଇ ଦାର୍ଡିଟି, ନାନୁ ଇ ଦାର୍ଡିଟି ଆଏ □

୨୪ ଏଦାଆଁତାକି ନାନୁ ଝେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଦେରି □ ନାନୁ ଏଝାତେଏଁ ଇଞ୍ଜିଁ ଝେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି □”

୨୫ ଏମ୍ବାଟିଏ ଏଝାରି ଏଝାଣାଇଁ ଝେରେରି, “ନୀନୁ ଆମ୍ବାଆତି ?”

ଜୀସୁ ଏଝାରାଇଁ ଏଲେଇରେସି, “ଇ ହାଡ଼ା ନାନୁ ମୁଲୁଟିଏ ଝେସାମାଞ୍ଜାଇଁ □

୨୬ ମିଜେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଝାସି ସାତା, ଅଡ଼େ ନାନୁ ଏଦାଆଁ ଝେଞ୍ଜାମାଇଁ; ଏ ବାରେ ଦାର୍ଡିଟି ଝେସିମାଇଁ □”

୨୭ ଏଝାସି ମାହାପୁରୁ ଆବା କାତା ଝେସିମାରେସି, ଏଝାରି ତେଲ୍‌ହାଲି ଆଡ଼ାଆତେରି □

୨୮ ଏଦାଆଁତାକି ଜୀସୁ ଏଲେଇରେସି; “ଏରେତା ମୀରୁ ମାଣ୍ଡିସି ମୀର୍‌ଏଣାଇଁ ଗାଝୁରମି ହାଦେରି, ଏରେତା ନାନୁ ଏ ମାଣ୍ଡିସିତେଏଁ ଅଡ଼େ ନାନୁ ଜାହାରାଝାଣି ଏଦାଆଁ କିଆନା, ଆବା ନାଜେ ଏନିକିଁ ଜାପୁହା ମାଞ୍ଜାନେସି, ଏଲେକିଁ ଇ ବାରେ କାତା ଝେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି □

୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଝାସି ନା ତଲେ ମାନେସି, ଏଝାସି ନାଜେ ରଅତେଏଁ କିହିଁ ପିସାମାଞ୍ଜଅସି, ଇତିହିଁ ନାନୁ ତାନି ରାହ୍ନା ଆନି କାମା କିଇଁ □”

୩୦ ଜୀସୁ ଇ ବାରେ ହାଡ଼ା ଝେଞ୍ଜାନା ହାରେକା ଜାଣା ତାନି ତାଣା ନାମିତେରି □

ପିସ୍‌ପିଆଡ଼ି ଲକ୍ଷୁ ଅଡ଼େ କଡ଼ିତି ହଲ୍ଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଙ୍ଗାଣି ଏଲେଇରେସି, “ନା ବଲୁତା ତାରିଆହ୍ନା ଡ଼ୟିଦେରି, ଆତିହିଁ ମୀରୁ ସାତେଏ ନା ସାସୁୟାତେରି □

୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ
□”

୩୩ ☆ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମ୍ମୁ ଅବ୍ରାହାମତି
କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି,
ଆତିହ୍ମ ମୀରୁ ମୁକ୍ଲଞ୍ଜି ଆଦେରି ଇଞ୍ଜ୍ମ ଏନିକ୍ମ ଝେସିମାଞ୍ଜାଦି
?”

୩୪ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ମିଙ୍ଗେ ସାତା
ଝେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଞ୍ଜାସି ପାପୁତି
ହଲେଏସି □

୩୫ ହଲେଏସି କାଚ୍‌ଲେଏ ତାକି ଇଲୁ କୁଟମିତା ଡ଼ୟଅସି, ମୀରୁଏସି
ଇଲୁ କୁଟମିତା କାଚ୍‌ଲେଏ ତାକି ଡ଼ୟନେସି □

୩୬ ମୀରୁଏସି ମିଙ୍ଗେ ମୁକ୍ଲଞ୍ଜି କିୟାନେସି, ମୀରୁ ସାତେଏ
ମୁକ୍ଲଞ୍ଜି ଆଦେରି □

୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଇଁ; ସାମା
ନା ବଲୁ ମୀ ହିୟାତି ଟାୟୁତା ହିଲାଆକି ମୀରୁ ନାଙ୍ଗେ ପାୟାଲି
ଅଣ୍ପିମାଞ୍ଜେରି □

୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ
ଝେସିମାଞ୍ଜାଇଁ □ ଏଦାଆଁତାକି ମୀରୁ ଜିକେଏ ମୀ ଆବା ତାଣାତି
ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ □”

୩୯ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମା ଆବା
□” ଜୀସୁ ଏଞ୍ଜାଣାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା
ମାସ୍‌କାତେରି, ଆତିହ୍ମ ଅବ୍ରାହାମ କିହାମାଟି କାମା କିଦୁ;

୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ମିଙ୍ଗେ ଝେସିମାଞ୍ଜାଇଁ,
ନାନୁ ଇଲେତି ଲକୁ, ମୀରୁ ନାଙ୍ଗେ ପାୟାଲି ତାକି ଅଣ୍ପିମାଞ୍ଜାଦେରି;
ଅବ୍ରାହାମ ଇଲେତି କାମା କିଆତେସି □

୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି □”

ଏଞ୍ଜାରି ଜୀସୁଇଁ ଏଲେଇଚେରି; “ମାମ୍ମୁ ଦାରିକାମାଟି ଜାର୍ନା
ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ □”

୪୨ ଜୀସୁ ଏଞ୍ଜରାଙ୍କ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡ଼ିହିଁମା, ମୀରୁ ନାଙ୍ଗେ ଜୀସୁ ନୟାତେରମା, ଇଚିହିଁ ନାନୁ ମାହାପୁରୁ ତାଣାଟି ଖାହାମାଇଁ; ନାନୁ ନା ତାଣାଟି ଖାହାହିଲଅଁ, ସାମା ଏଞ୍ଜାସି ନାଙ୍ଗେ ପାଣ୍ଡାତେସି □

୪୩ ନାନୁ ଏନାଆଁ ଖେସିମାଞ୍ଜାଇଁ, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଖେଞ୍ଜାଲି ଆଡ଼ିହିଲଅତେରି □

୪୪ ମୀରୁ ମୀ ଆବା ସୟତାନତି ମୀରକା ମାସ୍କାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣ୍ପୁ □ ଏଞ୍ଜାସି ମୂଲୁଟିଏ ଲକୁଣି ପାୟିନାସି, ଅଡ଼େ ଏଞ୍ଜାସି ସାତାତା ତୟଅସି, ଇଚିହିଁ ଏଞ୍ଜାଣି ତାଣା ସାତା ହିଲେଏ □ ଏଚିବେଲା ଏଞ୍ଜାସି ମିଚି ଜଲିନେସି, ଏଚେତା ତାନିତାଣାଟି ଜଲିନେସି; ଇଚିହିଁ ଏଞ୍ଜାସି ମିଚି ଗାଟାସି ଇଞ୍ଜା ମିଚିତି ତାଞ୍ଜି □

୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାନିମାଞ୍ଜଅତେରି □

୪୬ ନାନୁ ପାପୁ ଗାଟାତେଏଁ ଇଞ୍ଜାଁ ମୀ ବିତ୍ରାଟି ଆମ୍ବାଆତେରି ପାରମାଣା କିହାଲି ଆଡ଼ିଦେରି ? ନାନୁ ସାତା ଖେସ୍ତାସାରେ, ନାଙ୍ଗେ ମୀରୁ ଏନାଆଁତାକି ନାନିମାଞ୍ଜଅତେରି ?

୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି, ଏଞ୍ଜାସି ମାହାପୁରୁତି ବଲୁ ଖେନେସି; ମୀରୁ ମାହାପୁରୁ ତାଣାଟି ଖାହାହିଲଅତେରି, ଏନାଆଁତାକି ଇ ବଲୁ ଖେଞ୍ଜିହିଲଅତେରି □”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦୟାଁ ଜୀସୁଙ୍କ ଏଲେଇଚେରି, “ନାନୁ ସମିରଣତି ଇଞ୍ଜାଁ ନିଙ୍ଗେ ବୃତୁ ଆଲଗାମାଞ୍ଜାନେ, ଏନାଆଁ ମାମ୍ବୁ ସାତା ଖେସି ହିଲଅନି କି ?”

୪୯ ଜୀସୁ ଏଞ୍ଜରାଙ୍କ ଏଲେଇଚେସି; “ନାଙ୍ଗେ ବୃତୁ ଆଲଗା ମାଞ୍ଜେଏ, ନାନୁ ନା ଆବାଙ୍କ ମାନି କିହିମାଇଁ, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି □

୫୦ ନାନୁ ନା ଗାଞ୍ଜୁରମି କିହାଲି ଅଣପି ହିଲଅଁ; ରଅସି ଅଣପିମାନେସି ଏଞ୍ଜାସି ନା ଖାକିଟି ବିଚାରା କିନେସି □

୫୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁତି ମାନଝି ଆନେସି, ଏଝାସି ଏଚେଲା ହାଅସି □”

୫୨ ଜୀହୁଦିୟାଁ ଏଝାଣାଇଁ ଏଲେଇଚେରି, “ନୀଏଁ ମାମ୍ବୁପୁଚମି, ନିଙ୍ଗେ ବୃତୁ ଆଲ୍‌ଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ବାରେଜାଣା ହାଡ଼େରି, ଅଡ଼େ ନୀନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନଝି ଆନେସି, ଏଝାସି ଏଚେଲା ଜିକେଏ ହାଅସି □

୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜି ଅଣ୍‌ପିମାଞ୍ଜି ? ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଜିକେଏ ହାଡ଼େରି; ନୀନୁ ଆମ୍ବାଆତି ଇଞ୍ଜି ଝେସିମାଞ୍ଜି ?”

୫୪ ଜୀସୁ ଏଲେଇଚେସି, “ନାନୁ ନା ଗାଝୁରମି କିହିମାଇଁ, ଆତିହିଁ ନା ଗାଝୁରମି ଏନାୟି ଆଏ; ଆମ୍ବାଆସି ନାଙ୍ଗେ ଗାଝୁରମି କିୟାନେସି ଏଝାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜେରି;

୫୫ ମୀରୁ ଏଝାଣାଇଁ ଏଚେଲା ପୁଞ୍ଜାହିଲଅଡ଼େରି, ସାମା ନାନୁ ଏଝାଣାଇଁ ପୁଞ୍ଜାମାଇଁ □ ଏଝାଣାଇଁ ପୁଞ୍ଜାହିଲଅଁ ଇଞ୍ଜି ନାନୁ ଝେସିହିଁ, ମୀ ଲେହେଁ ନାନୁ ଜିକେଏ ମିତି ଗାଟାଡ଼େଏଁ ଆଇଁ, ସାମା ନାନୁ ଏଝାଣାଇଁ ପୁଞ୍ଜାମାଇଁ ଅଡ଼େ ତାନି ବଲୁତି ମାନଝି ଆଇଁ □

୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିଡ଼େସି, ଅଡ଼େ ଏଦାଆଁ ମେସାନା ଏଝାସି ରାହାଁ ଆଡ଼େସି □”

୫୭ ଜୀହୁଦିୟାଁ ଏଝାଣାଇଁ ଏଲେଇଚେରି, “ନିଙ୍ଗେ ରୀ କଡ଼ି ଦସ ବାର୍ସା ଆହାମାଞ୍ଜେଏ, ନୀନୁ ଏନାଆଁ ଅବ୍ରାହାମାଇଁ ମେସାମାଞ୍ଜି ?”

୫୮ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଅବ୍ରାହାମତି ଜାର୍ନା ନକେଏ ନାନୁ ମାଇଁ □”

୫୯ ଏଝାରି ଏଝାଣାଇଁ ଝେଚାଲିତାକି ଝାଲ୍‌କା ପେରହା କଡ଼ିଡ଼େରି, ସାମା ଜୀସୁ ମାହାପୁରୁ ଇଲୁତି ମେହ୍‌ଆରେରୁ ହଡ଼ାହାଚେସି □



ଜୀସୁ ଜାର୍ନାଟିଏ କାଣାଇଁ ନେହିଁକିନାୟି

୧ ଜୀସୁ ହାଜିମାଟାଟି ର ଜାର୍ନାଟିଏ କାଣାକ୍ ବେଟାଆଡେତସି □

୨ ତାନି ସୀସୁୟାଁ ଖେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଣା ଆହାନା ଜାର୍ନା ଆଡେତସି, ତାନୁ କି ତାମି ଇୟା ଆବା ପାପୁ କିତାକି ?”

୩ ଜୀସୁ ଏଲେଇଚେସି, “ଇଝାସି କି ତାମି ଇୟା ଆବା ପାପୁ କିତାକି ଆଏ, ସାମା ମାହାପୁରୁତି କାମା ଏନିକ୍ ଇଝାଣି ତାଣାଟି ତସ୍ପିଆନେ, ଏଦାଆଁତାକି ଇଦି ଆହାମାନେ □

୪ ଦିନା ମାଞ୍ଜା ମାଞ୍ଜାନା, ନାଲେ ପାଣ୍ଡାମାଞ୍ଜାନାଣା କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେତ ଲାଆଁ ଖାହିମାନେ □

୫ ନାନୁ ଏଚେପାତେକା ଦାର୍ତ୍ତିତା ମାକ୍, ଏଚେପାତେକା ନାନୁ ଦାର୍ତ୍ତିତି ଉଜେଡ଼ିତେଏଁ □”

୬ ଇ କାତା ଏଲେଇଞ୍ଜାନା, ଜୀସୁ ଇରୁଆତା ହୁପାନା ହୁପକା ତଲେ କାଦ କିତେସି; ଅଡେ ତାନି ରୀ କାଣ୍‌କାଣାଁ ରୁବିତେସି ଅଡେ ଏଞ୍ଜାଣାକ୍ ଏଲେଇଚେସି,

୭ ହାଲୀମୁ “ସିଲହ* ବାନ୍ଦାତା ମୁମୁନରହା ଖାମୁ □” ଏମ୍ବାଟିଏ ଏଞ୍ଜାସି ହାଜାନା ନରହା କତାନା ଖେଣ୍ଡା ଖାହିମାଟାଟି ମେସାଲି ଆଡ଼ିତେସି □

୮ ତାନି ପାଡ଼ିତାରି, ଅଡେ ଏମିନିଗାଟାରି ଏଞ୍ଜାଣାକ୍ ନକେଏ ରୀସ୍ପି ମାଟାଣି ମେସାମାଚେରି, ଏଞ୍ଜାରି ଖେଚେରି, “ଇଝାସି ଏଦାଆଁ କୁଗାନା ରୀସ୍ପି ମାଚେସି ଏଞ୍ଜାସି ଆଏକି ?”

୯ ଏଚରଜାଣା ଏଲେଇଚେରି, “ଇଝାସିଏ ଏଞ୍ଜାସି;” ଅଡେ ଏଚରଜାଣା ଏଲେଇଚେରି, “ଆଏ, ଏଞ୍ଜାଣିଲେହେଁ ତାସି □” ଏଞ୍ଜାସି ଏଲେଇଚେସି, “ନାନୁଏ ଏଞ୍ଜାତେଏଁ □”

୧୦ ଲକୁ ଏଞ୍ଜାଣାକ୍ ଖେଚେରି, “ଆଡିହ, ନୀନୁ ନୀଏଁ ଏନିକ୍ ମେସାଲି ଆଡ଼ିମାଞ୍ଜି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାକ୍ ଜୀସୁ ଇନେରି, ଏଞ୍ଜାସି ଇରୁଆତି କାଦ କିହାନା ନା କାଣ୍‌କାଣାଁ ରୁବାଚେସି ଅଡେ ସିଲହତା

☆ ୯:୫ ୯:୫ ମାତି ୫:୧୪; ଜହ ୮:୧୨

* ୯:୭ ୯:୭ ସିଲହ ଇତିସାରେ ପାଣ୍ଡୁଞ୍ଜି ଆହାମାନାୟି

ହାଜାହାଁ ମୁମ୍ନୁନରହା କଡାମୁ ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମ୍ନୁନରହାଲିଏ ମେସାଲି ଆଡ଼ିତେଏଁ □”

୧୨ “ଏଝାସି ଆମ୍ବିୟା ?” ଇଞ୍ଜିଁ ଏଝାଣାଲ୍ ଝେଚେରି, ଏଝାସି ଏଲେଇଚେସି, “ନାନୁ, ପୁଞ୍ଜାହିଲଅଁ □”

ପାରୁସିୟାଁ ଇ କାମାତି ତାୟିପାରି କିନାୟି

୧୩ ଆମ୍ବାଆସି ନଚେଏ କାଣା ମାଚେସି, ଏଝାଣାଲ୍ ପାରୁସିୟାଁ ତାଣା ତାଚେରି □

୧୪ ଜାସୁ ଏମିନି ଦିନା କାଦ କିହାନା ତାନି କାଣ୍‌କା ନେହଁ କିହାମାଚେସି, ଏ ଦିନା ଜମିନି ଦିନା ମାଚେ □

୧୫ ପାରୁସିୟାଁ ଏଝାଣାଲ୍ ଝେଚେରି, ଏନିକଁ ଏଝାସି ମେସାଲି ଆଡ଼ିତେସି ? ଏଝାସି ଏଲେଇଚେସି, “ନା କାଣ୍‌କାଣାଁ ଏଝାସି ଇଚାଣି କାଦ ରୁବାଚେସି, ନାନୁ ହାଜାନା ମୁମ୍ନୁନରହାନା ଝାଚେଏଁ ଅଡ଼େ ମେସାଲି ଆଡ଼ିମାଲ୍ □”

୧୬ ପାରୁସିୟାଁ ତାନି ବିତ୍ରାଟି ଏଚରଜାଣା ଏଲେଇଚେରି, “ଏଝାସି ମାହାପୁରୁ ତାଣାଟି ଝାହାହିଲଅସି, ଇଚିହଁ ଏଝାସି ଜମିନି ଦିନାତି ମାନଝି ଆହିହିଲଅସି □” ଅଡ଼େ ଏଚରଜାଣା ଏଲେଇଚେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକଁ କିହାଲି ଆଡ଼ିନେସି ?” ଇଲେଆହଁ ଏଝାରି ତାନି ବିତ୍ରା ବାଚା ଆଡେ ?

୧୭ ପାରୁସିୟାଁ ଅଡ଼େ ଝେଶ୍ଟେ ଏ କାଣାଲ୍ ଝେଚେରି, “ଏଝାସି ନୀ କାଣ୍‌କା ନେହଁ କିୟାଚେସି, ଏଝାଣି କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇଚେସି “ଏଝାସି ର ମାହାପୁରୁ ଅଣ୍‌ପୁତି ବକୁ ଝେହ୍‌ନାସି □”

୧୮ ଏଝାସି ଜାର୍ନାଟିଏ କାଣା ମାଚେସି ଅଡ଼େ ନୀଏଁ, ଇ ହାଡା ତାନି ଇୟା ଆବାତି ଝେନାଆ ପାଚେକା, ଜାହୁଦିୟାଁ ନାମାଆଚେରି □

୧୯ ଏଝାରି ତାନି ଇୟା ଆବାତି ଝେଚେରି, “ମୀ ଆମିନି ମୀରଏସି କାଣା ଆହାନା ଜାର୍ନା ଆହାମାଚେସି ଇଞ୍ଜିଁ ଏଲେଇଶ୍‌ମିତେରି ଇଝାସି ଏନାଆଁ ଏ ମୀ ମୀରଏସି ? ଆଡିହଁ ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇରୁ, “ହାଅ, ଏଝାସି ମା . ମୀରଏସି, ଏଝାସି କାଣା ଆହାନା ଜାର୍ନା ଆହାମାଚେସି ଏଦାଆଁ ମାମ୍ବୁ ପୁଞ୍ଜାମାନମି;

୨୧ ସାମା ଏଝାସି ନୀର୍ବି ଏନିକିଁ ମେସାଲି ଆଡ଼ିମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି, ଅଡ଼େ ଆମ୍ବାଆସି ଏଝାଣାଇଁ ମେସପି କିହାମାନେସି, ମାମ୍ବୁ ଏଦାଆଁ ଜିକେଏ ପୁଞ୍ଜାହିଲଅମି; ଏଝାଣାଇଁ ଝେଞ୍ଜୁ, ଏଝାସି କାଜାସି ଆଡ଼େସିଏ, ଏଝାସି ତାନି କାତା ତାନୁଏ ଝେସାଲି ଆଡ଼ିନେସି □”

୨୨ ଏଝାଣି ତାନି ଇୟା ଆବା ଜୀହୁଦି ଲକୁଡି କାଜାରାଇଁ ଆଜିମାଚାକି ଇ ବାରେ କାତା ଝେସ୍ତୁ ଏନାଆଁତାକି ଇଚିହିଁ ଆମ୍ବାଆସି ଜୀସୁଇଁ କ୍ରୀସୁ ଇଞ୍ଜିଁ ଇନେସି, ଏଝାଣାଇଁ ଜୀହୁଦି ଲକୁଡି କୁଚମି ଇଲୁଚିଠି ପେଚ୍ଚି ଆଚେ ଇଞ୍ଜିଁ ଜୀହୁଦି ଲକୁ ଏ ନଚେଏ କାତା ଆହାମାଚେରି □

୨୩ ଏଦାଆଁତାକି ତାନି ଇୟା ଆବା ଏଲେଇରୁ, “ଏଝାସି କାଜାସି ଆଡ଼େସିଏ, ଏଝାଣାଇଁ ଝେଞ୍ଜୁ □”

୨୪ ପାରୁସିୟାଁ ଏ ଜାର୍ନାଟିଏ କାଣାଇଁ ଅଡ଼େ ଝେଣ୍ଡେ ହାଚାନା ଏଲେଇଚେରି, “ମାହାପୁରୁଇଁ ଗାଝୁରମି କିହାନା ଏଲେଇନାମ୍ବୁ, ଆମ୍ବାଆସି ନିଜେ ନେହିଁ କିହାମାଞ୍ଜାନେସି, ଏଝାସି ର ପାପୁ ଗାଟାସି ଇ କାତା ମାମ୍ବୁ ପୁଞ୍ଜାମାନମି □”

୨୫ ଏଝାସି ଏଲେଇଚେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଇଁ; ନାନୁ କାଣା ମାଚେସି, ନୀର୍ବି ମେସାଲି ଆଡ଼ିମାଇଁ □”

୨୬ ଏଝାରି ଏଝାଣାଇଁ ଏଲେଇଚେରି, “ଏଝାସି ନିଜେ ଏନାଆଁ କିୟାଚେସି ? ଏନିକିଁ ଏଝାସି ନୀ କାଣ୍‌କା ଦେପି କିୟାଚେସି ?”

୨୭ ଏଝାସି ଏଲେଇଚେସି, “ନଚେଏ ଝେସା ରାହାମାଞ୍ଜାଇଁ, ଅଡ଼େ ମୀରୁ ଝେନାଆଚେରି; ଅଡ଼େ ଝେଣ୍ଡେ ଏନାଆଁତାକି ଝେଞ୍ଜାଲି ଅଣ୍ଡିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସୀସୁ ଆହାଲି ଅଣ୍ଡିମାଞ୍ଜେରି □”

୨୮ ଏଞ୍ଜରୀ ଏଞ୍ଜାଣାଙ୍କୁ ଲାଗାନା ଏଲେଇଚେରି, “ନୀନୁ ତାନି ସୀସୁତି, ସାମା ମାମ୍ବୁ ନୁସାତି ସୀସୁୟାତମି □

୨୯ ମାମ୍ବୁ ପୁଞ୍ଜାମାନମି, ମାହାପୁରୁ ମସାଙ୍କୁ କାତା ଆହାମାଚେସି, ସାମା ଇ ମାଣ୍ସି ଆମ୍ବିଟି ଖାହାମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି □”

୩୦ ଏଞ୍ଜସି ଏଞ୍ଜରାଙ୍କୁ ଏଲେଇଚେସି, “ଇଦି ରଣ୍ଡି କାବାଆନି କାତା ଏଞ୍ଜସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅତେରି, ସାମା ଏଞ୍ଜସି ନାଙ୍ଗେ କାଣ୍ଟା ଦେପି କିୟାତେସି □

୩୧ ମାମ୍ବୁ ପୁଞ୍ଜାମାନମି, ମାହାପୁରୁ ପାପୁଗାଟି ଲକ୍ଷୁତି ହାଡ଼ା ଖେନଅସି, ଆମିନି ଗାଟାରି ମାହାପୁରୁଙ୍କୁ ମାନି କିନେରି ଅଡ଼େ ତାନି ଅଣ୍ଟୁ ତଲେ କାମା କିନେରି, ଏଞ୍ଜରି ହାଡ଼ାତି ଏଞ୍ଜସି ଖେନେସି □

୩୨ ତଲି କାଲ୍ଲାଟିଏ ଆମ୍ବାଆସି ଜାର୍ନା କାଣାଙ୍କୁ ମେସପିକିତି କାତା ଏରେଲା ଖେଣ୍ଡି ଆହାହିଲାଆତେ □

୩୩ ଇଞ୍ଜସି ମାହାପୁରୁ ତାଣାଟି ଖାହା ହିଲାଆତେ, ଏଦାଆଁ କିହାଲି ଆଡ଼ାଆତେସିମା □”

୩୪ ଏଞ୍ଜରୀ ଏଞ୍ଜାଣାଙ୍କୁ ଏଲେଇଚେରି, “ପାପୁ ତଲେ ନୀନୁ ଜାର୍ନା ଆହାନା ପାପୁ ତଲେ ପାଡ଼ାଆଡ଼ି, ନୀନୁ ମାଙ୍ଗେ ଜାପୁହି ମାଞ୍ଜାଦି ?” ଏଦାଆଁତାକି ଏଞ୍ଜରୀ ଏଞ୍ଜାଣାଙ୍କୁ ଜୀହୁଦି ଲକ୍ଷୁତି କୁଟମି ଇଲୁଟିଃ ପେରହାତୁସ୍ତେରି □

ସୁଦୁଗାଟି ମାଣ୍ଟକି ମେହ୍‌ଆ ଗାଟାନ୍ତି

୩୫ ଏଞ୍ଜରୀ ଏଞ୍ଜାଣାଙ୍କୁ ପେରହା ମାନେରି, ଇଞ୍ଜା ଜୀସୁ ଇ କାତା ଖେଞ୍ଜାନା, ଏଞ୍ଜାଣାଙ୍କୁ ମେସାନା ଏଲେଇଚେସି, “ନୀନୁ ଏଦାଆଁ ମାଣ୍ଟସି ମୀରୁଏଣି ତାଣା ନାମିମାଞ୍ଜି ?”

୩୬ ଏଞ୍ଜସି ଏଞ୍ଜାଣାଙ୍କୁ ଏଲେଇଚେସି, “ପୁରୁ, ଖେସ୍ତାମ୍ବୁ ଏଞ୍ଜସି ଆମ୍ବାଆସି, ଆତିହେଁ ନୀନୁ ଏଞ୍ଜାଣାଙ୍କୁ ନାମିଙ୍କୁ □”

୩୭ ଜୀସୁ ଏଞ୍ଜାଣାଙ୍କୁ ଏଲେଇଚେସି, “ନୀନୁ ଏଞ୍ଜାଣାଙ୍କୁ ମେସାମାଞ୍ଜି, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି, ଏଞ୍ଜସିଏ □”

‡ ୯:୩୪ ୯:୩୪ ସିନଗର

୩୮ ଏମ୍ବାଟିଏ ଏଞ୍ଜେଲ୍ ଏଲେଇରେସି, “ନାନୁ ନାମିମାଲ୍, ପ୍ରବୁ!”
ଇଞ୍ଜା ଜୀସୁ ନକିତା ମେଣ୍ଡାକୁତାନା ଜହରା କିତେସି □

୩୯ ଜୀସୁ ଏଲେଇରେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜା ମେହ୍‌ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନାନୁ ଦାର୍‌ତିତା ଖାହାମାଲ୍ □”

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଝେଞ୍ଜାନା,
ଏଞ୍ଜାଣାଲ୍ ଏଲେଇରେରି, “ମାମ୍‌ଜିକେଏ ଏନାଆଁ କାଣାୟାଁତମି ?”

୪୧ ଜୀସୁ ଏଞ୍ଜାରାଲ୍ ଏଲେଇରେସି, “କାଣାୟାଁ ଆହାମାଟିହ୍ ମାରୁ ଦହ୍ ହିଲ୍‌ଆଗାଟାତେରି ଆତେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମାରୁ ହାରେକା ପାପୁତା ମାଞ୍ଜେରି □”

୧୦

ମେଣ୍ଡାୟାଁ ଅଡେ ଗଡୁ

୧ ଜୀସୁ ଏଲେଇରେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍,
ଆମ୍ବାଆସି ଦାରା ଖାକିଟି ମେଣ୍ଡାୟାଁ ମାନ୍ଦାତା ହଡୁଅସି, ସାମା ଅର
ଖାକିଟି ଡେଞ୍ଜାନା ହଡୁନେସି, ଏଞ୍ଜେସି ସରୁ ଇଞ୍ଜା ଡଂଗେଏସି;

୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଞ୍ଜେସି ମେଣ୍ଡା ଗଡୁ
□

୩ ଦାରାତା କାଃଆନାସି ଏଞ୍ଜାଣାକି ଦାରା ଦେଟା ହାନେସି, ଅଡେ,
ଏଞ୍ଜେସି ତାନି ମେଣ୍ଡାୟାଁଆଁ ଦରୁ ଆସାନା ହାଟିନେସି, ଏଞ୍ଜେ ତାନି
ହାଟିନାଣି ଝେନୁ ଅଡେ ଏଞ୍ଜେସି ଏ ମାନ୍ଦାତି ପାଙ୍ଗାତା ଜିରୁ ନକି
କିହାନା ଅନେସି □

୪ ମେଣ୍ଡାୟାଁଣି ପାଙ୍ଗାତା ଅନାଟି ମେଣ୍ଡାୟାଁ ଗଡୁ ନକି ନକିତା
ତାକିନେସି, ଅଡେ ମେଣ୍ଡାୟାଁ ତାନି ଜେଟ ଜେଟ ତାକିନୁ, ଇଚିହ୍
ଏଞ୍ଜେ ଏଞ୍ଜାଣି ଗିୟାଁ ତେଲ୍‌ହାଉ □

୫ ସାମା ଏଞ୍ଜେ ପୁନାଆତି ଲକୁ ଜେଟ ଏଚେଲା ଜିକେଏ ତାକାଉ,
ସାମା ଏଞ୍ଜାଣି ଦାରି ଦାରିଟି ହଗାଡୁହନୁ, ଇଚିହ୍ ଏଞ୍ଜେ ପୁନାଆତାରି
ଗିୟାଁ ତେଲ୍‌ହିନୁ □”

୨ ଜୀସୁ ଏଞ୍ଜରାଲ୍ ଇ ପୁଣ୍ଡିକିନି କାତା ୱେସାନା ଏଲେଇଚେସି,
ସାମା ଏଞ୍ଜସି ଏନା ଏନାଆଁ ୱେସିମାଚେସି, ଏ ବାରେ ଏନାୟି ଇଞ୍ଜି
ଏଞ୍ଜାରି ପୁନାଆଚେରି □

ଜୀସୁ ନେହ୍ ଫେଣ୍ଟାୟା ଗଡୁ

୩ ଜୀସୁ ଅଡେ ୱେଣ୍ଟେ ଏଲେଇଚେସି, “ସାତା ସାତା ନାନୁ ମିଙ୍ଗେ
ଞ୍ଜେସିମାଞ୍ଜାଲ୍, ନାନୁ ଫେଣ୍ଟାୟା ଦୁଞ୍ଜେରିଡେସ୍ □

୪ ଏଚରଜାଣା ନା ନଚେଏ ୱାହାମାନେରି, ଏଞ୍ଜାରି ବାରେ ସର୍କା
ଅଡେ ଡ଼ଗାୟା, ସାମା ଫେଣ୍ଟାୟା ଏଞ୍ଜାରି କାତା ୱେନାଆଡୁ □

୫ ନାନୁ ଆହିମାଲ୍ ଦାରା □ ଆମ୍ବାଆସି ନା ତାଣାଟି ହଡୁନେସି,
ଏଞ୍ଜସି ଗେଲ୍ପି ଆନେସି ଇଞ୍ଜା ବିତ୍ରା ୱାହାନା ଅଡେ ପାଙ୍ଗାତା
ହାଜାନା ହାରା ବେଗାଆନେସି □

୬ ସରୁ ୱାରୁଇ ସରୁ କିହାଲି, ପାୟାଲି ଅଡେ ନାସା କିହାଲି
ଞ୍ଜାନେସି; ଏଞ୍ଜାରି ଏନିକ୍ ଜୀସୁ ବେଗାଆନେରି ଅଡେ ହାରେକା
ବେଗାଆନେରି ଏଦାଆତାକି ନାନୁ ୱାହାମାଲ୍ □”

୭ “ନାନୁ ନେହ୍ ଫେଣ୍ଟାୟା ଗଡୁଚୁଡେସ୍; ନେହ୍ ଫେଣ୍ଟାୟା ଗଡୁ
ଫେଣ୍ଟାୟା ତାକି ତାନି ଜୀସୁ ହାନେସି □

୮ ଆମ୍ବାଆସି ଫେଣ୍ଟାୟା ଗଡୁ ଆଏ, ଗତି ଦ଼ଗ୍‌ଣେଏସି, ଜାହାରା
ଫେଣ୍ଟାୟା ହିଲାଇ ଏଞ୍ଜସି କ୍ଳାଠନି ୱାନାଣି ଫେସାନା ଫେଣ୍ଟାୟା ପିସା
ହଣ୍ଡନେସି ଅଡେ କ୍ଳାଠନି ୱାହାନା ଏ ବାରେଡି ସିନାସାତ୍ରା କିନେ,

୯ ଇଚିହ୍ ଏଞ୍ଜସି ଗତି ଦ଼ଗ୍‌ଣେଏସି, ଇଞ୍ଜା ଫେଣ୍ଟାୟାକି ଅଣ୍ପୁ
ହିଲେଏ,

୧୦ ନାନୁ ନେହ୍ ଫେଣ୍ଟାୟା ଗଡୁ □ ଆବା ଏନିକ୍ ନାଙ୍ଗେ
ପୁଞ୍ଜାମାଞ୍ଜାନେସି ଅଡେ ନାନୁ ଆବାଲ୍ ପୁଞ୍ଜାମାଲ୍,

୧୧ ଏନିକ୍ ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଲ୍
ପୁଞ୍ଜାମାଲ୍, ଏଲେକିହ୍ ଏ ନାନୁ ନା ଫେଣ୍ଟାୟାଲ୍ ପୁଲ୍, ଅଡେ ନା
ଫେଣ୍ଟାୟା ଜିକେଏ ନାଙ୍ଗେ ପୁଞ୍ଜାନୁ, ଅଡେ ଫେଣ୍ଟାୟା ତାକି ନାନୁ ନା
ଜୀସୁ ହାଇଲ୍ □

☆ ୧୦:୧୪ ୧୦:୧୫ ମାତି ୧୧:୨୭; ଲୁକ ୧୦:୨୨

୧୭ ଏମିନି ମେଣ୍ଟାୟାଁ ଇ ମାନ୍ଦାତାଇ ଆଏ, ନା ଇଲେତି ମେଣ୍ଟାୟାଁ ମାନୁ, ଏଝାଆଁ ଜିକେଏ ନାଜେ ତାନାୟି ଆରେ, ଅଡେ ଏଝି ନା ହାଡା ତେଲ୍‌ହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡେ ରଣ୍ଡିଏ ଗଡୁ ଆନେସି □”

୧୭ “ନାନୁ ନା ଜୀଝୁ ହୀନାକି ଆବା ନାଜେ ଜୀଝୁ ନୟାଁନେସି, ଅଡେ ନାନୁ ନା ଜୀଝୁ ଝେଣ୍ଡେ ଅହାକତାଲି ନାନୁ ଏଦାଆଁ ହୀଇ □

୧୮ ନା ଜୀଝୁ ଏଟକାତାରି ଆମ୍ବାଆରି ଅହାଲି ଆଡଅରି, ଏଦାଆଁ ନାନୁ ନା ଅଣ୍‌ପୁ ତଲେ ହୀଇଁ, ନା ଜୀଝୁ ହୀହାଲିତାକି ଅଡେ ଏଦାଆଁ ଝେଣ୍ଡେ ଅହାକତାଲି ତାକି ନା ଅଦିକାରା ମାନେ □ ଇଦାଆଁ କିହାଲି ଆବା ମାହାପୁରୁ ନାଜେ ହୁକୁମି ହୀହାମାଞ୍ଜାନେସି □”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡୁହା ହଡେ □

୨୦ ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଏଝାଣାଇଁ ବୁଡୁ ଆଲ୍‌ଗାମାନେ, ଏଝାସି ବାୟା ଆହାମାନେସି, ଏନାଆଁତାକି ଏଝାଣି କାତା ଝେଞ୍ଜିମାଞ୍ଜେରି ?”

୨୧ ଏଟକାତାରି ଏଲେଇଚେରି, “ଇ ବାରେ କାତା ବୁଡୁ ଆଲ୍‌ଗାମାନାରି କାତା ଆଏ; ବୁଡୁ ଏନାଆଁ କାଣାତି କାଣ୍‌କା ମେସ୍‌ପି କିହାଲି ଆଡିନେ □”

ଜୀସୁଇଁ ଅପାଆଗାଗାୟି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେରପିନି ପାର୍ଗୁ ଆଡେ; ଏଦି ପେନିବେଲା ମାଚେ,

୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି □

୨୪ ଏମ୍ବାଟିଏ ଜୀହୁଦି ଲକୁ ସାରିଝାକି ମୁତାନା ଝେଞ୍ଜାଲି ମାଟ୍‌ହେରି, “ଏଚରଦିନା ପାତେକା ମା ମନତା ଆନାମାନା କିୟାଦି ? ନୀନୁ ଜୀସୁତି ଇଚିହିଁ ମାଜେ ନେହିଁକିଁ ଝେସ୍ତାମୁ □”

୨୫ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ଝେସାମାଞ୍ଜାଇଁ, ସାମା ମୀରୁ ନାମିହିଲଅଡେରି; ନା ଆବା ଦରୁଟି ନାନୁ ଏମିନି ବାରେ କାମା କିହିମାଇଁ, ଏ ବାରେ ନା ଝାକିଟି ସାକି ହୀହିମାନେ;

୨୬ ଆଡିଜିକେଏ ମୀରୁ ନାମିହିଲଅଡେରି, ଇଚିହିଁ ମୀରୁ ନା ମେଣ୍ଟାୟାଁତେରି ଆଏ □

୨୭ ନା ମେଣ୍ଟାୟାଁ ନା ହାଡ଼ା ଖେନୁ ଅଡ଼େ ନାନୁ ଏଝାଆଁ ପୁଇଁ, ଅଡ଼େ ଏଝି ନା ଜେଚ ଜେଚ ତାକିନୁ,

୨୮ ଅଡ଼େ ନାନୁ ଏଝାସିକାକି କାଲାକାଲାତି ଜୀଝୁ ହାଇଁ, ଅଡ଼େ ଏଝି ଏଚେଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଟି ଏଝାଆଁ ମୀଞ୍ଜା ଅୟଅସି □

୨୯ ନା ଆବା ନାଞ୍ଜେ ଏନାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଗାୟି,* ଇଞ୍ଜା ଆବା ତାଣାଟି ଆମ୍ବାଆସି ମୀଞ୍ଜାଲି ଆଡ଼ଅସି □

୩୦ ଆବା ଅଡ଼େ ନାନୁ ରଅତମିଏ □”

୩୧ ଜୀହୁଦି ଲକୁ ଏଝାଣାଇଁ ଝେଚାଲି ଅଡ଼େ ଝେଣ୍ଡେ ଝାଲୁକା ତାଟିହୁଁ ଝାଡ଼େରି □

୩୨ ଜୀସୁ ଏଝାରାଇଁ ଏଲେଇଚେସି, “ନାନୁ ଆବା ତାଣାଟି ହାରେକା ନେହୁଁ କାମାୟାଁ ମିଙ୍ଗେ ତସାମାଞ୍ଜାଇଁ; ଏ ବାରେ କାମାୟାଁ ବିତ୍ରାଟି ଏମିନି କାମାତାକି ନାଙ୍ଗେ ଝାଲୁକା ଝେଟି ମୀଞ୍ଜାଦେରି ?”

୩୩ ଜୀହୁଦିୟାଁ ଏଝାଣାଇଁ ଏଲେଇଚେରି, “ନେହୁଁ କାମାତାକି ନିଙ୍ଗେ ଝାଲୁକା ଝେଟିମୀଞ୍ଜାଅମି, ସାମା ମାହାପୁରୁ ନିନ୍ଦା କିହିମାନାକି, ନୀନୁ ମାଣ୍ଡସି ଆହାନା ମାହାପୁରୁତେଏଁ ଇଞ୍ଜିମାନାକି □”

୩୪ ଜୀସୁ ଏଝାରାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାତେଏଁ ‘ମୀରୁ ମାହାପୁରୁୟାଁତେରି □’

୩୫ ଆମ୍ବାଆରି ତାଣା ମାହାପୁରୁତି ବଲୁ ତଞ୍ଜାଆଡ଼େ, ଏଝାରି ମାହାପୁରୁୟାଁ ଇଟିହୁଁ ଦାମ୍‌ସି ସାସ୍‌ସିରି ଉଜେଏ କିହାଲି ଆଡ଼ଅସି,

୩୬ ଆବା ମାହାପୁରୁ ନାଙ୍ଗେ ସୁଦୁ କିହାନା ଦାରଡିତା ପାଣ୍ଡାମାଞ୍ଜାନେସି □ ଇଞ୍ଜା ନାନୁ ନାଙ୍ଗେ ମାହାପୁରୁ ମୀରୁଏଣାତେଏଁ ଇଞ୍ଜିମାନାକି ମାହାପୁରୁ ନିନ୍ଦା କିହିମାଞ୍ଜି ଇଞ୍ଜୁଁ ଏନିକୁଁ ଏଲେଇଞ୍ଜି ମୀଞ୍ଜାଦେରି ?

୩୭ ନାନୁ ନା ଆବାତି ବାରେ କାମା କିହା ହିଲାଆଡ଼ିହୁଁ ନାଙ୍ଗେ ନାମାଆଦୁ;

* ୧୦:୨୯ ୧୦:୨୯ ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଡ଼ି ବାରେକିହାଁ ଦାରାଗାଗାୟି, ଇଦାଣି ଅର୍ତ୍ତ ଆମିନି ଆବା ନାଙ୍ଗେ ଇ ଲକୁଇଁ ହାହାମାଞ୍ଜାନେସି, ଏଝାରି କିହାଁ କାଜାସି □

୩୮ ସାମା ନାନୁ କିହିମାଲ୍, ଆତିହ୍ମି ମୀରୁ ନାଲେ ନାମି ମାଞ୍ଜିଅତେରି, ଆତିଜିକେଏ ଆବା ନା ତାଣା ମାନେସି ଅଡ଼େ ନାନୁ ଆବା ତାଣା ମାଲ୍, ଇଦାଆଁ ମୀରୁ ଏନିକ୍ ପୁଞ୍ଜେରି ଅଡ଼େ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ □”

୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଶ୍‌ପିତେରି, ସାମା ଏଞ୍ଜାସି ଏଞ୍ଜାରି କେୟୁତା ହେର୍‌ପି ଆଆନା ଏମ୍ବାଟି ହଡ଼ାହାଚେସି □

୪୦ ☆ଏମ୍ବାଟି ଏଞ୍ଜାସି ଅଡ଼େ ଖେଶ୍‌ଶେ ଜର୍‌ଦନ ଆତାଲା ହାଜାନା, ତଲି ଜହନ ଏମିନି ଚାୟୁତା ବାପ୍ତିସ୍ମା ହାହିମାଚେସି, ଏ ଚାୟୁତା ଖାହାନା ଡ଼ୟିତେସି □

୪୧ ଅଡ଼େ ହାରେକା ଲକୁ ଏଞ୍ଜାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆତେସି, ସାମା ଇ ମାଶ୍‌ସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା □”

୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ତାଣା ନାମିତେରି □

୧୧

ଲାଜର ହାନାୟି

୧ ☆ବେତନିୟାତି ଲାଜର ଦରୁଗାଗାସି ରଅସି ନଚେରି ଆହାମାଚେସି; ତାମି ତାଜିସ୍ମା ମରିୟମ ଅଡ଼େ ମାର୍ତ୍ତା ଏ ନାୟୁତା ଡ଼ୟିମାରୁ □

୨ ☆ଏମିନି ଇୟା ପ୍ରବୁଇଁ ନିୟୁଁ ଖାକ୍‌ହାନା ତାନି ତାୟୁଁ ବୁଶାୟାଁ ତଲେ ଏଞ୍ଜାଣି ପାଃଆନାୟା ଜେଜା ମାଚେ, ଇଦି ଏ ମରିୟମ; ତାନି ତାୟି ଲାଜର ନଚେରି ଆହାମାଚେସି □

୩ ଏଦାଆଁତାକି ଏ ତାଜିସ୍ମା ଜୀସୁ ତାଣା କାରୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହ୍ମି ମାଞ୍ଜି ଏଞ୍ଜାସି ନଚେରି ଆହାମାନେସି □”

୪ ସାମା ଜୀସୁ ଇ କାତା ଖେଞ୍ଜାନା ଏଲେଇଚେସି, “ଇ ନଚେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକ୍ ଏମ୍ବାଟି ମାହାପୁରୁତି ମୀର୍‌ଏସି ଗାଞ୍ଜୁରମି ବେଟା ଆଚେସି □”

☆ ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି ☆ ୧୧:୧ ୧୧:୧ ଲୁକ ୧୦:୩୮, ୩୯ ☆ ୧୧:୨ ୧୧:୨ ଜହ ୧୨:୩

୫ ଜୀସୁ ମାର୍ତୀ, ତାନି ତାଙ୍ଗି ମରିୟମଙ୍କ ଅଡ଼େ ଲାଜରଙ୍କ ଜୀସୁ ନହୁଁ ମାଚେସି □

୬ ଏଚେତା ଏଞ୍ଜାସି ନମେରି ଆହାମାନେସି ଇଞ୍ଜୁଁ ଖେଚେସି, ଏଚେତା ଏଞ୍ଜାସି ଏମିନିତାଣା ମାଚେସି, ଏ ଟାୟୁତା ରୀ ଦିନା ଡୟିତେସି □

୭ ଏଚେଟିଏ ଏଞ୍ଜାସି ସୀସୁୟାଁଙ୍କ ଏଲେଇଚେସି, “ଜୀବୁ ମାର୍ ଖେଣ୍ଡେ ଜୀହୁଦା ରାଜିତା ହାନ □”

୮ ସୀସୁୟାଁ ଏଞ୍ଜାଣାଙ୍କ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଙ୍ଗେ ଖାଲୁକାତଲେ ଖେଚାଲି ଅଣ୍ଡି ମାଞ୍ଜାଚେରି, ଅଡ଼େ ଖେଣ୍ଡେ ନୀନୁ ଏମ୍ପାଆଁ ହାଜିମାଞ୍ଜି ?”

୯ ଜୀସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ପାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଞ୍ଜାସି ଦାରତିତି ଉଜେଡ଼ି;

୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଚିହୁଁ ଏଞ୍ଜାସି ହିୟାଁତା ଉଜେଡ଼ି ହିଲେଏ □”

୧୧ ଇ ବାରେ କାତା ଖେସ୍ତି ତାୟୁ ଏଞ୍ଜାରାଙ୍କ ଅଡ଼େ ଏଲେଇଚେସି, “ମା ତଡ଼େ ଲାଜର ଇଦା କିହାମାନେସି, ସାମା ଏଞ୍ଜାଣାଙ୍କ ଇଦାଟି ନିକ୍‌ହାଲି ନାନୁ ହାଜିମାଙ୍କ □”

୧୨ ଏମ୍ପାଟିଏ ସୀସୁୟାଁ ଏଞ୍ଜାଣାଙ୍କ ଏଲେଇଚେରି, “ପ୍ରବୁ ଏଞ୍ଜାସି ତୁରାନା ଇଦା କିହାମାଚିହୁଁ ନେହୁଁ ଆନେସି □”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଞ୍ଜାଣି ଇଦା କିହାମାନି କାତା ଖେସ୍ତାଚେସି ଇଞ୍ଜୁଁ ଅଣ୍ଡିମାଚେରି □

୧୪ ଏଚିବେଲା ଜୀସୁ ତୀରେତଲେ ଏଲେଇଚେସି, “ଲାଜର ହାହାମାନେସି;

୧୫ ଅଡ଼େ ନାନୁ ଏମ୍ପାଆଁ ହିଲାଆଚେଏଁ, ଏଦାଆଁତାକି ମୀ ତାକି ରାହାଁ କିହିମାଙ୍କ, ଏନିକ୍‌ ମୀରୁ ନାମିଦେରି; ସାମା ଜୀବୁ ମାର୍ ଏଞ୍ଜାଣି ତାଣା ହାନ □”

୧୭ ଏମ୍ବାଟିଏ ତମା, ଆମ୍ବାଆରାଇଁ ଦିଦୁମ ଇଞ୍ଜିଁ ଇନେରି, ଏଞ୍ଜାସି ତାମି ତ଼ଣେ ସୀସୁୟାଁଇଁ ଏଲେଇରେସି, “ଜାଦୁ, ମାର୍ ଜିକେଏ ହାଜାନା ଏଞ୍ଜାଣିତଲେ ହାନ □”

ଜୀସୁଏ ଖେଣ୍ଡେ ନିଞ୍ଜିନାସି ଅଡ଼େ ଜୀସୁ

୧୭ ଜୀସୁ ବେତନିୟାତା ଏଜାନା ଖେରେସି, ଏଞ୍ଜାସି ସାରି ଦିନା ଆଡ଼େସି ମାହୁଣି ମାଣ୍ଡାତା ଇଟାମାନେରି □

୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାରେ,

୧୯ ଅଡ଼େ ଜୀହୁଦିୟାଁ ବିତ୍ରାଟି ହାରେକା ମାର୍ତ୍ତା ଇଞ୍ଜାଁ ମରିୟମଇଁ ତାମି ତାୟିତି ଦୁକୁ ତୁକ୍‌ହାଲି ଏମ୍ବାଆଁ ଖାହାମାରେରି □

୨୦ ଜୀସୁ ଖାହିମାନେସି ଇଞ୍ଜିଁ ଏଡ଼େତା ମାର୍ତ୍ତା ଖେରେ, ଏଡ଼େତା ମାର୍ତ୍ତା ଏଞ୍ଜାଣାଇଁ ବେଟାଆୟାଲି ହାରେ, ସାମା ମରିୟମ ଇଜ କୁଗାନା ଡ଼ୟିତେ □

୨୧ ମାର୍ତ୍ତା ଜୀସୁଇଁ ଏଲେଇରେ, “ପ୍ରବୁ ନୀନୁ ଇମ୍ବାଆଁ ମାଟିହୁଁମା, ନା ତାୟି ହାଆଡେସିମା,

୨୨ ସାମା ନୀନୁ ମାହାପୁରୁଇଁ ଏନାଆଁ ରୀହୁଦି, ମାହାପୁରୁ ନିଙ୍ଗେ ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଇଁ □”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡ଼େ ଖେଣ୍ଡେ ନିଞ୍ଜିନେସି □”

୨୪ “ମାର୍ତ୍ତା ଜୀସୁଇଁ ଏଲେଇରେ, ଏଞ୍ଜାସି ତାୟୁ ଖେଣ୍ଡେ ନିଞ୍ଜିନି ଦିନାତା ନିଞ୍ଜିନେସି, ଇଦାଆଁ ନାନୁ ପୁଞ୍ଜାମାଇଁ □”

୨୫ ଜୀସୁ ଏଦାନି ଏଲେଇରେସି, “ନାନୁ ଖେଣ୍ଡେ ନିଞ୍ଜିନାତେଏଁ ଅଡ଼େ ଜୀସୁତେଏଁ; ଆମ୍ବାଆସି ନାଙ୍ଗେ ନାମାନେସି, ଏଞ୍ଜାସି ହାଡ଼ି ଜିକେଏ ନୀଡ଼ିନେସି,

୨୬ ଆମ୍ବାଆସି ନୀଡ଼ିନେସି ଅଡ଼େ ନାନିନେସି, ଏଞ୍ଜାସି ଏରେଲା ଜିକେଏ ହାଅସି; ଇ କାତା ନାନିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାରୁଡିତା ଖାନାୟି ମାରେ, ନୀନୁ ଏ କ୍ରୀସୁ ମାହାପୁରୁ ମୀରୁଏଣାଡି, ଇ କାତା ନାନିମାଇଁ □”

ଜୀସୁ ଡାତେସି

୨୮ ଈ କାତା ଖେସାନା ମାର୍ତ୍ତା ହାଜାନା ତାନି ତାଜି ମରିୟମଙ୍କ ଏଟକା ହାଟାନା ଏଲେଇଚେ, “ଗୁରୁ ଖାତେସିଏ ନିଜେ ପାରିମାଞ୍ଜାନେସି □”

୨୯ ମରିୟମ ଈ କାତା ଖେଜାନା ଦାପେ ନିଜାନା ଏଝାଣି ତାଣା ହାଚେ □

୩୦ ଏଚିବେଲା ଜୀସୁ ନାୟୁଁ ବିତ୍ରା ଖାହାହିଲାଆତେସି, ସାମା ମାର୍ତ୍ତା ଏଝାଣାଇଁ ଏମିନି ଚାୟୁତା ବେଟାଆହାମାଚେ, ଏଚେପାତେକା ଏ ଚାୟୁତେଏ ମାଚେସି □

୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକ୍‌ହିମାଚେରି, ଏଝାରି ମରିୟମ ଦାପେ ନିଜାନା ପାଜାତା ହାଚାଣି ମେସାନା, ଏଦି ମାହୁଣି ମାଣ୍ଡାତା ଡାହାଲି ହାଜିମାନେ, ଈ କାତା ଅଣ୍‌ପାନା ଏଦାନି ଜେଚ ଜେଚ ହାଚେରି □

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାଚେସି, ମରିୟମ ଏ ଚାୟୁତା ହାଜାନା ଏଝାଣାଇଁ ମେସାନା ଏଝାଣି କତାୟାଁ ଡଇ ରିହାନା ଏଲେଇଚେ, “ପ୍ରୁ ନୀନୁ ଇମ୍ବାଆଁ ମାଟିହୁଁମା ନା ତାୟି ହାଆତେସିମା □”

୩୩ ଜୀସୁ ମରିୟମ ଅଡେ ତାନିତଲେ ଖାହାମାନି ଜୀହୁଦି ଲକୁ ଡାହିମାନାଣି ମେସାନା ଜୀଝୁତା ହାଚେକା ଦୁକୁ ଆହାନା ଖେଚେସି,

୩୪ “ଏଝାଣାଇଁ ଆମ୍ବିୟା ଇଟାମାଞ୍ଜେରି?” ଏଝାରି ଏଲେଇଚେରି, “ପ୍ରୁ, ଖାହାନା ସିନକମୁ?”

୩୫ ଜୀସୁ ଡାତେସି □

୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡି ଆଡେରି, “ଏଝାସି ଏଝାଣାଇଁ ଏଚେକା ଜୀଝୁ ନହୁଁମାଚେସି □”

୩୭ ସାମା ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଈ ମାଣ୍ଡିଏ ଏ କାଣାଇଁ ମେସପି କିହାମାଚେସି, ଏଝାସି ଇଝାଣାଇଁ ହାକିଟି ଗେଲ୍‌ପାଲି ଆଡିତେସିମା ?”

ହାଡି ଲାଜରଙ୍କ ଜୀଝୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଖାତେସି; ଏଦି ର ପାଝୁ ମାଚେ, ଇଞ୍ଜା ପାଝୁ ଦୁଝେରିତା ର କାଜା ଖାଲି ମାଚେ □

୩୯ ଜୀସୁ ଏଲେଇରେସି, “ଇ ଖାଲି ଗୁଚି କିଦୁ □” ହାଡ଼ାଣି ତାଙ୍ଗି ମାର୍ତ୍ତୀ ଏଲେଇରେ, “ପ୍ରଭୁ, ଏଝାସି ଗାନ୍ଦା ଆହାହାରେସିଏ, ଇଚିହିଁ ହାହାନା ସାରି ଦିନା ଆଡେସିଏ □”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡ଼ିହିଁ ମାହାପୁରୁତି ଗାଝୁରମି ମେହ୍ଦି, ଇ କାତା ନାନୁ ନିଙ୍ଗେ ଝେସାମାଞ୍ଜାଆଡେସି?”

୪୧ ଅଡେ ଏଝାରି ଖାଲି ଗୁଚି କିଡେରି □ ଅଡେ ଜୀସୁ ଲାକଝାକି ସିନିକିହାନା ଏଲେଇରେସି, “ଆଡ଼ା ନା ପ୍ରାଡାନା ଝେଚି ଇଞ୍ଜିଁ ନାନୁ ନିଙ୍ଗେ ଜହରା କିହିମାଞ୍ଜାଇ □

୪୨ ନୀନୁ କାଲେଏ ନା ପ୍ରାଡାନା ଝେଞ୍ଜିମାଞ୍ଜି, ଇ କାତା ନାନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁରୁ ନିଚାମାନେରି, ନୀନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜିଁ ଏଝାରି ଏନିକିଁ ନାମିନେରି, ଏଡ଼ାଆଁତାକି ଏଝାରି ତାକି ନାନୁ ଏଲେଇରେସି □”

୪୩ ଏଝାସି ଏଲେଇଞ୍ଜାନା କାଜା ଗିୟାଁତଲେ ଏଲେଇରେସି, “ଲାଜର ପାଙ୍ଗାତା ହଡ଼ା ଝାମୁ □”

୪୪ ଦେବୁଣିଏ ଲାଜର ପାଙ୍ଗାତା ହଡ଼ାଝାଡେସି; ତାନି କେସ୍ତା କଡାଣା ମାହଣି ମାଣ୍ଡାତି ହିମ୍ବୁରିକା ତଲେ ରୁପି ଆହାମାରୁ, ଇଞ୍ଜା ତାନି ମୁମ୍ବୁତା ଇଚାୟି ପାସକି ପିଡ଼ଗିଞ୍ଜି ଆହାମାରେ □ ଜୀସୁ ଏଝାରାଇଁ ଏଲେଇରେସି, “ହିମ୍ବୁରିକା ହୁକଦୁ ଏଝାସି ତାକାପେସି □”

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାରେକା ଜୀହୁଦି ଲକୁ, ଇଚିହିଁ ଆମ୍ବାଆରି ମରିୟମ ତାଣା ଝାହାମାରେରି ଅଡେ ଜୀସୁତି କାମା ମେସାମାରେରି, ଏଝାରି ଏଝାଣାଇଁ ନାମିଡେରି □

୪୬ ଅଡେ ଏଝାରି ବିତ୍ରାତି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାରେସି ଏ ବାରେ ଏଝାରାଇଁ ଝେସ୍ତେରି □

୪୭ ଇ କାତା ଝେଞ୍ଜାନା ପାରୁସିୟାଁ ଅଡେ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇରେରି, “ମାରୁ ଏନି କିନାୟି ଇ ମାଣ୍ଡିସି ହାରେକା କାବାଆନି କାମାୟାଁ କିହିମାନେସି □

୪୮ ମାର ଏଞ୍ଜାଣାଙ୍କ ଏଲେକିହିଁ ପିସ୍ତ୍ରହିଁ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡ଼େ ରମିୟ ଲକୁ ଖାହାନା ଇ ଟାୟୁ କୁଡ଼ା ବାରେତି ନାସା କିନେରି □”

୪୯ ସାମା ଏଞ୍ଜାରି ବିତ୍ରାଟି ର କାଜା ପୂଜେରା, ଇତିହିଁ କୟାପା ଏ ବାର୍ସାତି କାଜା ପୂଜେରା ଏଞ୍ଜାରାଙ୍କ ଏଲେଇଚେସି, “ମୀରୁ ଏନାଆଁ ପୁଞ୍ଜାହିଲଅତେରି ?

୫୦ ବାରେ କୁଡ଼ାତାରି ନାସା ଆନି କିହ୍ନା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ, ଇଦାଆଁ ମୀରୁ ଅଶ୍ପି ହିଲଅତେରି □”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆତେସି, ସାମା ଏଞ୍ଜାସି ଏ ବାର୍ସାତି କାଜା ପୂଜେରା ମାଚାକି ଇ ତାୟୁ ଆନି କାତା ତାନି ଗୁତିଟି ହଚାମାଚେ, ଜୀସୁ ଏ କୁଡ଼ାତି ଲକୁ ତାକି,

୫୨ ଅଡ଼େ ଖାରଇ ଏ କୁଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଇଦାଆଁତାକି ଇ କାତା ଝେକ୍‌ହେସି □

୫୩ ଇଞ୍ଜା ଏ ଦିନାଟିଏ ଏଞ୍ଜାଣାଙ୍କ ପାୟାଲି ତାକି ପାରୁ ପାରିତେରି □

୫୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ରା ପାଙ୍ଗାଝେଙ୍ଗେ ରେଆତେସି, ସାମା ଏଞ୍ଜାସି ଏ ଟାୟୁଟି ହଚା ହାଜାନା ଲକୁ ହିଲାଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡ଼େ ସୀସୁୟା ତଲେ ଏମ୍ବାଆଁ ତୟିତେସି □

୫୫ ଏଚିବେଲା ଜୀହୁଦି ଲକୁତି ପିସ୍ପିଆନି ପାରୁ ତାଗେ ମାଚେ, ଅଡ଼େ ନାସ୍‌କାଟି ହାରେକା ଲକୁ ଜାହାରାଙ୍କ ଅଟ୍‌ହା କତାଲି ପିସ୍ପିଆନି ପାରୁ ନକେଏ ଜିରୁସାଲମତା ହାଚେରି □

୫୬ ଏମ୍ବାଟିଏ ଏଞ୍ଜାରି ଜୀସୁଙ୍କ ପାରି ପାରିହିଁ ମାହାପୁରୁ ଇଲୁତା ନିଚାମାଚାଟି ତାମ୍ବୁ ତାମ୍ବୁ ଏଲେଇଶ୍ପି ଆଡେରି, “ମୀରୁ ଏନାଆଁ ଅଶ୍ପିମାଞ୍ଜେରି ? ଏଞ୍ଜାସି କି ପାରୁତା ଖାଅସି ?”

୫୭ କାଜା ପୂଜେରାଙ୍ଗା ଅଡ଼େ ପାରୁସିୟା ଏଞ୍ଜାଣାଙ୍କ ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା

ଝେସାଲି ତାକି ହୁକୁମି ହୀହାମାଚେରି □

୧୨

ଜୀସୁଇଁ ନିମ୍ନୁ ରୁବିନାୟି

(ମାତି ୨୭:୭-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସ୍ପିଆନି ପାର୍ବୁତି ସ ଦିନା ନକେଏ ବେତନିୟାତା ଝାଡେସି; ଏମିନି ଲାଜରଇଁ ହାଡାରି ତାଣାଟି ନିକ୍‌ହା ମାଚେସି, ଏଝାସି ଏ ଟାୟୁତା ମାଚେସି □

୨ ଏଦାଆଁତାକି ଏଝାରି ଏଝାଣାକି ଏ ଟାୟୁତା ଲାଆଁୟାଁ ର ବଜି କିଡେରି; ମାର୍ତା ବାଟି କିହିମାଚେ, ଅଡେ ଆମିନି ଗାଟାରି ଏଝାଣିତଲେ ତିଞ୍ଜାଲି କୁଗାମାଚେରି, ଲାଜର ଏଝାରି ବିତ୍ରାଟି ରଅସି ମାଚେସି □

୩ ☆ଏଚିବେଲା ମରିୟମ ଆଦା ଗାଜୁ ଗାନ୍ଦା ନିମ୍ନୁ ତାଚାନା ଜୀସୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କଡ଼ାଣି କେଡେ, ଅଡେ ବାରେ ଇଲୁତା ନିମ୍ନୁ ଗାନ୍ଦା ଆଡେ □

୪ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ ଜୀସୁଇଁ ସାତୁୟାଁ କେୟୁତା ହେରପାଲି ହାଜିମାଚେସି, ଏଝାସି ଏଲେଇଚେସି,

୫ “ଇ ନିମ୍ନୁ ତାନି ଝାଞ୍ଜା ଟାକାୟାଁ ତାକି ପାରପି ଆହାନା ଏନାଆଁତାକି କାକୁଲି ଗାଟାରାକି ହୀପୁକି ଆଆଡେ ?”

୬ ଏଝାସି କାକୁଲି ଗାଟାରାଇଁ ଅଣ୍ଡିମାଚେସି ଇଞ୍ଜିଁ ଏଲେଇଚେସି, ଏଦି ଆଏ, ସାମା ଏଝାସି ର ସରୁ ଅଡେ ଏଝାଣି ତାଣା ଟାକାୟାଁ ମଣା ମାଚାକି, ଏମ୍ବାଆଁ ଏନା ଏନାଆଁ ଇଟକି ଆହିମାଚେ, ଏଦାଆଁ ସରୁ କିହିମାଚେସି □

୭ ସାମା ଜୀସୁ ଏଲେଇଚେସି, “ଇଦାଆଁ ପିହୁଦୁ, ଏନିକିଁ ନା ମାଡହା ମୁହନି ଦିନାତାକି ଏଦି ଏଦାଆଁ ଇଟାଲି ଆଡିନେ □

୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ □”

ଲାଜର କପାଟି ପାରୁ ପାରିନାହିଁ

୯ ଏତେଟିଏ ହାତ୍ତରକା ଜୀହ୍ୱଦି ଲକୁ ଏଞ୍ଜିଏ ଏମ୍ପାଆଁ ମାନେସି ଇଞ୍ଜି ପୁଞ୍ଜାନା ଖାଉଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜିଏ ହାକିଟି ନିକହା ମାଚେସି, ଏଞ୍ଜିଶାଇଁ ମେସାଲି ଖାତେରି □

୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିତେରି,

୧୧ ଇଚିହଁ ଏଞ୍ଜିଶି ତାକି ଜୀହ୍ୱଦିୟାଁ ବିତ୍ରାଟି ହାତ୍ତରକା ହାଜାନା ଜୀସୁ ତାଶା ନାମି ମାଚେରି □

ଜୀସୁ ଜିରୁସାଲମତା ରାହାଁଟି ହତ୍ତନାହିଁ

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଖାହାମାନି ହାତ୍ତରକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜି ଖେଚେରି

୧୩ ଇଞ୍ଜା କାଜୁରି ମାଟାୟାଁ ଆସାନା ଜୀସୁଇଁ ବେଟାଆହାଲି ଖାତେରି ଅଡେ କାଜା ଗିୟାତଲେ ଏଲେଇଚେରି, “ହସାନା □ ପ୍ରବୁତି ଦରୁତଲେ ଆମ୍ପାଆସି ଖାହିମାନେସି, ଏଞ୍ଜିଏ ନେହେଁ; ଇସ୍ରାୟେଲତି ରାଜାଇଁ ମାହାପୁରୁ ବର ହାପାସି □”

୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା ଖାହିମାଚେସି, ଏନିକଁ ରାସ୍‌କି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ ମେହଦୁ ମୀ ରାଜା ଖାହିମାନେସି,

ଏଞ୍ଜିଏ ଗାଡ଼ଦେ ତାଲୁ ଲାକ କୁଗାନା ଖାହିମାନେସି □”

୧୬ ଏତିବେଲା ସୀସୁୟାଁ ଏଦାନି କାତା ପୁଞ୍ଜାଲି ଆଡ଼ାଆତେରି, ସାମା ଜୀସୁ ଗାଞ୍ଜୁରମିଟି ଖେଶ୍ଟେ ନିଜାଲିଏ ଏଞ୍ଜିରି ଅଣ୍‌ପୁତା ଖାତେ, ଇ ବାରେ କାତା ସାସ୍ତେରିତା ରାସ୍‌କି ଆହାମାନେ, ଇଚିହଁ ଏଲେକିହଁ ଏ ଏଞ୍ଜିରି କାମା କିହାମାଚେରି □

୧୭ ଜୀସୁ ହାତି ଲାଜରଇଁ ମାହୁଣି ମାଶ୍ଟାଟି ହାଟାନା ନିକହାମାଚି ବେଲାତା ଏମିନିଗାଟାରି ଏଞ୍ଜିଶିତଲେ ମାଚେରି, ଏଞ୍ଜିରି ଇ ବାରେ କାତା ସାରିଞ୍ଜାକି ଖେକହା ମାଚେରି □

୧୮ ଇଦାଆଁତାକି ଲକୁ ବାରେ ଏଞ୍ଜାଣାଇଁ ବେଟାଆହାଲି ହାଜାମାଚେରି, ଅଡ଼େ ଏଞ୍ଜାସି ଇ କାବାଆନି କାମା କିହାମାଚେସି ଇଞ୍ଜାଁ ଖେଞ୍ଜାମାଚେରି □

୧୯ ଇଦାଆଁ ମେସାନା ପାରୁସିୟାଁ ତାମି ବିତ୍ରା କାତା ଆଡେରି, “ମେସିମାଞ୍ଜେରି ମାର ଏନାଆଁ କିହାଲି ଆଡ଼ିହିଲ୍ଲାଆୟି; ଦାର୍ତତି ବାରେ ଲକୁ ଏଞ୍ଜାଣି ଜେଟ ହାଜିମାନେରି □”

ଏଚେକା ଗ୍ରିକ୍ ଲକୁ ଜୀସୁଇଁ ପାରିନାୟି

୨୦ ପାରୁଁ ବେଲ୍ଲାତା ପ୍ରାତାନା କିହାଲି ଜିରୁସାଲମତା ଖାହାମାନି ଲକୁ ବିତ୍ରା ଏଚେକା ଗ୍ରିକ୍ ଲକୁ ମାଚେରି □

୨୧ ଏଞ୍ଜାରି ଗାଲିଲିତି ବେଡ଼ସାୟିଦାତି ପିଲିପ ତାଣ୍ଡା ଖାହାନା ବାତିମାଲିହଁ ଏଲେଇଚେରି, “ବାବୁ, ମାମ୍ବୁ ଜୀସୁଇଁ ମେସାଲି ଅଣ୍ଡିମାନମି □”

୨୨ ପିଲିପ ହାଜାନା ଆନ୍ଦ୍ରିୟଇଁ କାବୁ ହାତେସି ଅଡ଼େ ରିଆରି ହାଜାନା ଜୀସୁଇଁ ଖେସ୍ତେରି □

୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମାଣ୍ଡସି ମୀରଏସି ଗାଞ୍ଜୁରମି ଆନି ବେଲ୍ଲା ଖାହାମାନେ □

୨୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଗହଁ ପାଡ଼େୟି ବୁମିତା ରିହାନା ହାନି ପାଚେକା ଏଦି ରଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଦି ହାଡ଼ିସାରେ ଏମ୍ବାଟି ହାରେକା ପାଡ଼େୟିକା ଆନୁ □

୨୫ ✨ଆମ୍ବାଆସି ଜାହାରା ଜୀଞ୍ଜୁତି ଜୀଞ୍ଜୁ ନନେସି, ଏଞ୍ଜାସି ଏଦାଆଁ ହାରଞ୍ଜି କିନେସି, ଆମ୍ବାଆସି ଜାହାରା ଜୀଞ୍ଜୁତି ଇ ଦାର୍ତତିତା ଅପଅସି, ଏଞ୍ଜାସି ଏଦାଆଁ କାଲ୍ଲାକାଲ୍ଲା ତାକି ଗେଲ୍ପିନେସି □

୨୬ ଆମ୍ବାଆସି ନା ସେବା କାମାକିନାସି ଆନେସି, ଆତିହଁ ଏଞ୍ଜାସି ନା ଜେଟ ଖାପେସି; ଅଡ଼େ ନାନୁ ଆମ୍ବିୟା ଡ଼ୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡ଼ୟିନେସି; ଆମ୍ବାଆସି ନା ସେବା କିନେସି, ଆତିହଁ ଆବା ଏଞ୍ଜାଣାଇଁ ମାନି କିନେସି □

ଜୀସୁ ତାନି ହାକିତି କାତା ଏଲେଇନାୟି

୨୭ ନୀଏଁ ନା ଜୀଝୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାଇଁ ? ଆବା ଇ ଲାଗେଏ ତାଣାଟି ଗେଲ୍‌ପାମ୍, ସାମା ଏଦାଆଁତାକି ନାନୁ ଇ ଗାଝୁତା ଝାହାମାଇଁ □

୨୮ ଆବା ନୀ ଦରୁ ଗାଝୁରମି ଆପେ □”

ଏଚିବେଲାତା ହାଗୁ ଲାକଟି ଇ ହାଡ଼ା ଆଡେତ ନାନୁ ଏଝାଣାଇଁ ଗାଝୁରମି କିହାମାଇଁ ଅଡେତ ଗାଝୁରମି କିଇଁ □

୨୯ ଇଞ୍ଜା ଏମ୍ପାଆଁ ଦାରି ନିଚାମାଟି ଲକୁ ବାରେ ଇ ହାଡ଼ା ଝେଞ୍ଜାନା ଏଲେଇଚେରି, “ଇଦି ହାଗୁ ଗୁଣିହିମାନେ □” ଅଡେତ ଏଟ୍‌କାତାରି ଏଲେଇଚେରି, “ଲାକପୁରୁତି ଦୂତୁ ଏଝାଣିତଲେ କାତା ଆହିମାନେ □”

୩୦ ଜୀସୁ ଏଲେଇଚେସି, “ଇ ହାଡ଼ା ନାଞେତାକି ଆହା ହିଲେଏ, ସାମା ଇ ହାଡ଼ା ମିଞେତାକି ଆହାମାନେ □

୩୧ ନୀଏଁ ଇ ଦାରତି ବିଚାରା କିନି ଦିନା; ନୀଏଁ ଇ ଦାରତିତି ସାଲୁଝି କିନାଇ ତଇ ମେଡପିଆନୁ □

୩୨ ନାନୁ ଏଚିବେଲା ଦାରତିଟି ଲାକପୁରୁ ଅଝିଆଇଁ, ଏଚିବେଲା ବାରେତି ନା ତାଣା ରେଜା ଅଇଁ □”

୩୩ ଏଝାସି ଏନିକ୍ ହାହାଲି ହାଜିମାନେସି, ଏଝାସି ଇ କାତାତା ଏଲେଇଚେସି □

୩୪ ଲକୁ ଏଝାଣାଇଁ ଏଲେଇଚେରି, “ମସିହା କାଲେଏ ତୁୟିନେସି ଇଞ୍ଜା ମାମ୍‌ମୁସାତି ମେରାତା ଝେଞ୍ଜାମାନମି, ଆତିହ୍ ମାଣ୍‌ସି ମୀରୁଏସି ଲାକ ପେରୁଝି ଆନେସି ଇଞ୍ଜା ନୀନୁ ଏନିକ୍ ଏଲେ ଇଞ୍ଜିମାଞ୍ଜି ? ଏ ମାଣ୍‌ସି ମୀରୁଏସି ଆମ୍‌ଆସି ?”

୩୫ ଜୀସୁ ଏଝାଣାଇଁ ଏଲେଇଚେସି, “ଅଡେତ ଗାଡ଼େକା ତାକି ଉଜେଡ଼ି ମୀ ତାଣା ମାନେ □ ଆନ୍ଦେରି ମିଞେ ଏନିକ୍ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍‌ଆସି ଆନ୍ଦେରିତା ତାକିନେସି, ଏଝାସି ଆମ୍‌ୟା ହାଜିମାନେସି ପୁଞ୍ଜାଲି ଆଡ଼ଅସି □

୩୬ ମୀରୁ ଏନିକ୍ ଉଜେଡ଼ିତି ମୀରୁକା ମାସକା ଆଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ

□” ଜୀସୁ ଇ ବାରେ କାତା ଝେସାନା ହାରେସି ଇଞ୍ଜା ଏଝାରି ତାଣାଟି
ଡଗୁାନା ଡ଼ିୟିତେସି □

ଲକୁ ନାମାଆ ଗାଗାୟି

୩୭ ଏଝାରି ନକିତା ଏରେକା କାବାଆନି କାମାୟା କିହାମାରେସି,
ଆଡ଼ିଜିକେଏ ଏଝାରି ଏଝାଣି ତାଣା ନାମା ହିଲାଆତେରି,

୩୮ ଏନିକି ମାହାପୁରୁ ଅଣ୍ଟପୁତି ବଲୁ ଝେହ୍ନି ଜିସାୟ ତାଣାଟି
ରାଡ଼ାମାନି କାତା ପୁରା ଆନେ,

“ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

ଆମ୍ବାଆରି ତାଣା ପୁରୁ ତାନି ବାଡ଼ୁଲୁ ତସାମାନେସି ?”

୩୯ ଇଦାଆଁତାକି ଏଝାରି ନାମାଲି ଆଡ଼ିହିଲାଆତେରି, ଇଞ୍ଜା
ଜିସାୟ ଏଲେଇଞ୍ଜାମାରେସି,

୪୦ ସାତେଏ ମାହାପୁରୁ ଏଝାରି କାଣ୍ଟକା କାଣା କିହାମାନେସି □

ଏଦାଆଁତାକି ଏଝାରି ହିୟାତା ଏନାଆଁ ମେସାଲି ଆଡ଼ଅରି, ଇଞ୍ଜା
ହିୟାତା ଏନାଆଁ ତେଲହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହ୍ନି ଆହାଲିତାକି ଏଝାରି ନା ତାଣା ଝେଶ୍ଟା ଝାହିହିଲଅରି
□”

୪୧ ଜିସାୟ ଜୀସୁ କ୍ରୀସ୍ତୁଟି ଗାଝୁରମି ମେସେସି ଏଦାଆଁତାକି ଏଝାସି
ଏଝାଣି କାତା ଝେସେସି □

୪୨ ଆଡ଼ିଜିକେଏ ଜୀହୁଦି ଲକୁତି କାଜାରି ହାରେକା ଏଝାଣି ତାଣା
ନାନିତେରି, ସାମା ଏରେତା ଜୀହୁଦି କୁଲମିଟି ପେରହାନେରି ଇଞ୍ଜା
ପାରୁସିୟା ଆଜିତାକି ବାରେଜାଣା ଏ କାତାବାର୍ତ୍ତା ଆହି ହିଲାଆତେରି,

୪୩ ଇତିହ୍ନି ଏଝାରି ମାହାପୁରୁ ତାଣାଟି ଗାଝୁରମି କିହାଁ ମାଣ୍ଟସିୟା
ତାଣାଟି ଗାଝୁରମି ଜୀହୁ ନହିମାରେରି □

ମାଣ୍ଟସିୟା ତାଣାଟି ଜୀସୁଟି କାତା ବିଚାରା କିନାୟି

୪୪ ଜୀସୁ କାଜା ଗିୟାତଲେ ଏଲେଇରେସି, “ଆମ୍ବାଆସି ନା ତାଣା
ନାନିନେସି, ଏଝାସି ନା ତାଣା ନାମଅସି, ସାମା ନାକେ ପାଣ୍ଡାତାଣାକ୍
ନାନିନେସି;

୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଙ୍ଗାନା, ତାନି ହିମ୍ବୁରି ଇଚିତେସି ଇଞ୍ଜା ର ତୁଝାଲା ତାନି ଟେତେଲିତା ରୁପା କଡିତେସି □

୫ ତାୟୁ ଏଝାସି ମୁତାତା ଏୟୁ କଡିତେସି, ଅଡେ ସାସୁୟାତି କତାୟା ନରହାନା ତାନି ଟେତେଲିତା ମାନି ତୁଝାଲା ତଲେ ଦେଜାଲି ମାଟ୍‌ହେସି □

୬ ଏଚିବେଲା ଜୀସୁ ସିମନ ପିତର ଦାରିତା ଝାଡେସି; ଏଝାସି ଏଝାଣାକ୍ ଏଲେଇଚେସି, “ପ୍ରବୁ ନୀନୁ ନା କତାୟା ନରହି ମାଞ୍ଜାଦି ?”

୭ ଜୀସୁ ଏଝାଣାକ୍ ଏଲେଇଚେସି, “ନୀନୁ ଏନାଆଁ କିହିମାକ୍ ନୀନୁ ନୀଏଁ ଏନାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି □”

୮ ପିତର ଏଲେଇଚେସି, “ଆଏ, ନା କତାୟା ଏଚେଲାଝା ନରହଅତି □” ସାମା ଜୀସୁ ଏଲେଇଚେସି, “ନୀନୁ ନୀ କତାୟା ନରହାଆତିହିଁ ନୀନୁ ଅଡେ ନା ସାସୁ ଆୟାଲି ଆଡ଼ଅତି □”

୯ ସିମନ ପିତର ଏଲେଇଚେସି, “ପ୍ରବୁ, ଆତିହିଁ କତାୟା ଏନାଆଁକି, ନା କେସ୍‌ମା ଅଡେ ତାୟୁଁ ଜିକେଏ ନରହାନୁ □”

୧୦ ଜୀସୁ ଏଝାଣାକ୍ ଏଲେଇଚେସି, “ଆମ୍ବାଆସି ଏୟୁ ମୀହାମାନେସି, ଏଝାଣି କତାୟା ନରନି କିହାଁ ଏନାୟି ଲଡ଼ା ହିଲେଏ, ମୀରୁ ଅଡ଼ଝି ଆହାମାଞ୍ଜେରି; ସାମା ବାରେଜାଣା ଆଏ □”

୧୧ ଇଚିହିଁ ଆମ୍ବାଆସି ଏଝାଣାକ୍ ସାତୁୟା କେୟୁତା ହେରପିନେସି ଜୀସୁ ତଲିଏ ଏଝାଣାକ୍ ପୁଞ୍ଜାମାଚେସି; ଏନାଆଁତାକି ଏଝାସି ଏଲେଇଚେସି, “ମୀରୁ ବାରେଜାଣା ଅଡ଼ଝି ଆହାହିଲଅତେରି □”

୧୨ ☆ତାୟୁ ଜୀସୁ ଏଝାରି କତାୟା ନରହାନା ତାନି ହିମ୍ବୁରି ପରହାନା ଝେଣ୍ଡେ ତିଞ୍ଜାଲି କୁଚିତେସି ଇଞ୍ଜା ଝେଚେସି, “ନୀନୁ ମିଙ୍ଗେ ତାକି ଏନାଆଁ କିହିମାକ୍ ମୀରୁ ପୁଞ୍ଜାଲି ଆଡ଼ିତେରି କି ?

୧୩ ମୀରୁ ନାଙ୍ଗେ ଗୁରୁ ଇଞ୍ଜିଁ ହାଡ଼ିମାଞ୍ଜାଦେରି, ଏଦି ସାତା; ଇଚିହିଁ ନୀନୁ ଏଝାଡେସି □

୧୪ ମୀ ଗୁରୁ ଅଡ଼େ ପ୍ରବୁତେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଇ ଆତିହୁଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ □

୧୫ ଇତିହୁଁ ନାନୁ ମିଙ୍ଗେତାକି ଏନିକୁଁ କିହାମାଇଁ ମୀରୁ ଜିକେଏ ଏଲେକିହୁଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଇଁ □

୧୬ ☆ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଝି ଆଡାସି ତାନି ପାଣ୍ଡୁତାଣା କିହାଁ କାଜାସି ଆଏ □

୧୭ ମୀରୁ ଇ ବାରେ ପୁଞ୍ଜାନା ଏଲେକୁଁ କିଦେରି ଇତିହୁଁ ମୀରୁ ନେହାଁତେରି □”

୧୮ “ନାନୁ ମୀ କାତା ଝେସିହିଲଅଁ; ଏନିଲେହେଁତି ଲକୁଣି ନାନୁ ଆଡାମାଇଁ, ଏ କାତା ନାନୁ ପୁଞ୍ଜାମାଇଁ; ସାମା ଦାମ୍ବୁ ପତିତି ଇ ବଲୁ ଏନିକୁଁ ପୂରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଡ଼ି ତିନେସି ଏଞ୍ଜାସି ନା କପାଟି ନିଙ୍ଗିତେସି □’

୧୯ ଏଦି ଗଟଝି ଆନାଟି ନାନୁ ଏଞ୍ଜାତେଏଁ ଇଞ୍ଜୁଁ ମୀରୁ ନାମିଦେରି, ଏଦାଆଁତାକି ଗଟଝି ଆନି ନକେଏ ନାନୁ ମିଙ୍ଗେ ଝେସିମାଞ୍ଜାଇଁ □

୨୦ ☆ସାତା ସାତା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ନା ତାଣାଟି ପାଣ୍ଡୁଝି ଆଡାଣାଇଁ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡୁତାଣାଇଁ ଆବିନେସି □”

ସାତୁୟାଁ କେୟୁତା ହେରପିନି କାତା ଝେହନାୟି

(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀସୁ ଇ ବାରେ କାତା ଝେସି ତାୟୁ ଜୀଞ୍ଜୁତା ହାରେକା ଦୁକୁ ଆହାନା ବାରେତି ନକିତା ଝେକହେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେରପାନେସି □”

☆ ୧୩:୧୭ ୧୩:୧୭ ମାତି ୧୦:୨୪; ଲୁକ ୬:୪୦; ଜହ ୧୫:୨୦ ☆ ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୨୨ ଏଞ୍ଜେଲ୍ ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀସୁୟାଁ ତାମ୍ବୁ ତାମ୍ବୁ ସୁନିକିଞ୍ଜି ଆଡେରି □

୨୩ ଏଞ୍ଜେଲ୍ ବିତ୍ରାଟି ଏମିନି ସୀସୁୟାଁ ଜୀସୁ ହାରେକା ଜୀସୁ ନହୁଁ ମାରେସି, ଏଞ୍ଜେଲ୍ ଜୀସୁତି ଚିଃନିଞ୍ଜାକି କୁଗାନା ତିଞ୍ଜିମାରେସି □

୨୪ ସିମନ ପିତର ଏଞ୍ଜେଲ୍ କେୟୁ ତସାନା ଏଲେଇରେସି, “ଏଞ୍ଜେଲ୍ ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ □”

୨୫ ଏ ସୀସୁ ଅଡେ ତାଗେ ଆହାନା ଜୀସୁୟାଁ ଖେରେସି, “ଏଞ୍ଜେଲ୍ ଆମ୍ବାଆସି ପ୍ରବୁ □”

୨୬ ଜୀସୁ ଏଲେଇରେସି, “ଇ ରୁଟି ଗିନାତା କୁତି କିହାନା ହୀଇଁ ଏଞ୍ଜେଲ୍ □” ଏଲେଇଞ୍ଜାନା ଜୀସୁ ରୁଟି ଗିନାତା କୁତି କିହାନା ସିମନ ମୀରୁଏସି ଇସ୍ତାରିୟତ ଜୀହୁଦାକି ହୀତେସି □

୨୭ ରୁଟି ରୀସାଲିଏ ସୟତାନା ଏଞ୍ଜେଲ୍ ହିୟାତା ହଡେ □ ଏଚେଟିଏ ଜୀସୁ ଏଲେଇରେସି, “ଏଦାଆଁ କିନାୟିମାନେ ତବେ କିମୁ □”

୨୮ ଜୀସୁ ଏଞ୍ଜେଲ୍ ଇ କାତା ଏଦାଆଁତାକି ଏଲେଇରେସି ଏଟକାତାରି ଆମ୍ବାଆରି ପୁଞ୍ଜାଲି ଆଡାଆତେରି □

୨୯ ଜୀହୁଦା କେୟୁତା ଟାକାୟାଁ ମଶା ମାଚାକି, ପାରୁତାକି ଏଦା ଏଦାଆଁ ଲଡାମାନେ, ଏଦାଆଁ କତାଲି ଆଆତାଁ କାକୁଲି ଗାଟାରାକି ହୀହାଲିତାକି ଜୀସୁ ଏଞ୍ଜେଲ୍ ଏଲେଇରେସି ଇଞ୍ଜି ଆମ୍ବା ଆମ୍ବାଆରି ଅଣ୍ଡପିତେରି □

୩୦ ରୁଟି ତିଞ୍ଜାନା ଜୀହୁଦା ଏ ଦେବୁଣିଏ ପାଞ୍ଜାତା ହାରେସି, ଏଚେତା ଲାଆଁୟାଁ ଆହାମାଚେ □

ପୁଃନି ମେରା

୩୧ ଜୀହୁଦା ପାଞ୍ଜାତା ହାଜାଲିଏ ଜୀସୁ ଏଲେଇରେସି, “ନୀଏଁ ମାଣ୍ଡି ମୀରୁଏସି ଗାଞ୍ଜୁରମି ଆନି ବେଲ୍ଲା ଖାହାମାନେ; ଅଡେ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି □

୩୨ ମାହାପୁରୁ ମାଣ୍ଡି ମୀରୁଏଶା ତାଣାଟି ଗାଞ୍ଜୁରମି ଆଡିହୁଁ, ମାହାପୁରୁ ତାନ୍ତୁଏ ଗାଞ୍ଜୁରମିଟି ମାଣ୍ଡି ମୀରୁଏଶାକି ଗାଞ୍ଜୁରମି କିନେସି □ ତବେ ଏଞ୍ଜେଲ୍ ଗାଞ୍ଜୁରମି କିହାଲି ହାଜିମାନେସି □

୩୩ ☆କକାତେରି ନାନୁ ଅଡ଼େ ଗାଡ଼ି ଦିନା ଡ଼ୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି, ଇ କାତା ଜୀହୁଦି ଲକୁଡ଼ି କାଜାରାଲ୍ ଏଲେଇଞ୍ଜା ମାରେଏ ଏଲେକିହିଁ ମିଙ୍ଗେ ଜିକେଏ ଝେସିମାଞ୍ଜାଇଁ □

୩୪ ☆ମୀରୁ ରଅତେରି ରଅଣାଇଁ ଜୀହୁନଦୁ, ଇ ପୁଃନି ମେରା ମିଙ୍ଗେ ହାହିମାଞ୍ଜାଇଁ; ନାନୁ ଏନିକିଁ ମିଙ୍ଗେ ଜୀହୁନହାମାଞ୍ଜାଇଁ, ମୀରୁ ଜିକେଏ ଏଲେକିହିଁଏ ରଅତେରି ରଅଣାଇଁ ଜୀହୁନଦୁ □

୩୫ ମୀ ତାଣା ରଅସି ରଅଣାଇଁ ଜୀହୁନନାୟି ମାନେ, ଆତିହିଁ ମୀରୁ ନା ସାସୁୟାତେରି, ଇ କାତା ବାରେଜାଣା ପୁଞ୍ଜେରି □”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହ୍ନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଞ୍ଜାଣାଇଁ ଝେରେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇରେସି, “ନାନୁ ଆମ୍ବିୟା ହାଜିମାଲ୍, ନାନୁ ନୀଏଁ ନା ଦେର ଦେର ହାଜାଲି ଆଡ଼ଅତି, ସାମା ତାୟୁ ହାଜି □”

୩୭ ପିତର ଏଞ୍ଜାଣାଇଁ ଏଲେଇରେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି ଆଡ଼ଅଁ ? ନାନୁ ନୀ ତାକି ନା ଜୀହୁ ଜିକେଏ ହାଇଁ □”

୩୮ ଜୀସୁ ଏଲେଇରେସି, “ଏନାଆଁ ନାନୁ ନା ତାକି ନୀ ଜୀହୁ ହୀଦି ? ନାନୁ ନିଙ୍ଗେ ସାତା ଝେସିମାଞ୍ଜାଇଁ, କୟୁ କେଣ୍ଡା ନକେଏ ନାନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜାଦି □”

୧୪

ଜୀସୁ ଜିରୁ, ସାତା ଅଡ଼େ ଜୀହୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ □

☆ ୧୩:୩୩ ୧୩:୩୩ ଜହ ୭:୩୪ ☆ ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

୨ ନା ଆବାଡ଼ି ଇଜ ହାରେକା ବାସାଗାୟୁ ମାନେ; ବାସାଗାୟୁ ହିଲାଆଡ଼ିହିଁମା ନାନୁ ମିଙ୍ଗେ ଖେସ୍ତାଆଡେଏଁମା, ନାନୁ ମିଙ୍ଗେତାକି ଚାୟୁ ତିୟାରା କିହାଲି ହାଜିମାଲି;

୩ ଅଡ଼େ ନାନୁ ହାଜାନା ମିଙ୍ଗେତାକି ଚାୟୁ କେପିତି ଡାୟୁ, ଖେଣ୍ଡେ ଖାଲ୍, ଅଡ଼େ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକ୍ ଏ ଚାୟୁତା ଡ଼ୟିଦେରି, ଏଦାଆଁତାକି ମିଙ୍ଗେ ଏ ଚାୟୁତା ଅହିଁ ହାଜାଲ୍ □

୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି □”

୫ ତମା ଏଲେଇଚେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାୟୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକ୍ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡ଼େ ଜୀସୁଡେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି □

୭ ମୀରୁ ନାଙ୍ଗେ ପୁଞ୍ଜାତିହିଁମା, ନା ଆବାଲ୍ ଜିକେଏ ପୁଚେରିମା; ନାଏଁ ଜିକେଏ ଏଞ୍ଜାଣାଲ୍ ପୁଞ୍ଜିମାଞ୍ଜେରି ଅଡ଼େ ଏଞ୍ଜାଣାଲ୍ ମେସାମାଞ୍ଜେରି □”

୮ ପିଲିପ ଏଞ୍ଜାଣାଲ୍ ଏଲେଇଚେସି, “ପ୍ରବୁ, ମାଙ୍ଗେ ଆବାଲ୍ ତସ୍ତାମୁ, ଏଚେକେଏ ମାଙ୍ଗେତାକି ସାରି □”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ଡ଼ୟାମାଲ୍, ମୀରୁ ଏଦାଆଁ ନାଙ୍ଗେ ପୁଞ୍ଜାଆଡେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଲ୍ ମେସାମାନେସି; ମାଙ୍ଗେ ଆବାଲ୍ ତସ୍ତାମୁ ଇଞ୍ଜି ଏନିକ୍ ଏଲେ ଇଞ୍ଜିମାଞ୍ଜି ?

୧୦ ନାନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏଦାଆଁ ମୀରୁ ନାମିହିଲଅଡେରି ? ନାନୁ ମିଙ୍ଗେ ଏମିନି କାତା ଖେସିମାଞ୍ଜାଲ୍, ଏ ବାରେ ନା ତାଣାଟି ଖେସିମାଞ୍ଜାଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି □

୧୧ ନାନୁ ଆବା ତାଣା ମାଲ୍ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତ୍ କାମାତି ମେସାନା ନାମାଦୁ □

୧୨ ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଲ୍, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହ୍ନା ହାରେକା କାଜା କାମା କିନେସି, ଇଚିହିଁ ନାନୁ ଆବା ତାଣା ହାଜିମାଲ୍ □

୧୩ ଆବା ଏନିକିମ୍ ମୀରଏଣା ତାଣା ଗାଝୁରମି ଆନେସି, ଏଦାଆଁତାକି ମୀରୁ ନା ଦରୁଟି ଏନାଆଁ ରୀହ୍‌ଦେରି, ଏ ବାରେ ନାନୁ ହିୟାଇଁ ।

୧୪ ମୀରୁ ନା ଦରୁଟି ଏନାଆଁ ନାଙ୍ଗେ ରୀସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ ।”

ସୁଦୁଜୀଝୁତି ହାହାଲି ଆଞ୍ଜିନାୟି

୧୫ “ମୀରୁ ନାଙ୍ଗେ ଜୀଝୁନହ୍ ମାଞ୍ଜାଦେରି, ଆତିହ୍ ନା ହୁକୁମି ମାନଝି ଆଦୁ ।

୧୬ ଅଡେ ନାନୁ ନା ଆବାଇଁ ବାତିମାଲିଇଁ, ଅଡେ ମୀ ତଲେ କାଲେଏ ଡୟାଲି ତାକି ଏଝାସି ମିଙ୍ଗେ ଅଡେ ର ସାୟେମି କିନାଣାଇଁ,

୧୭ ଇତିହ୍ ଏ ସାତା ଜୀଝୁତି ହିୟାନେସି । ଦାରତି ଏଦାଣି ଆବାଲି ଆଡେଏ, ଇତିହ୍ ଦାରତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇତିହ୍ ଏଦି ମୀ ତଲେ ମାନେ, ଅଡେ ଏଦି ମୀ ହିୟାତା ଡୟିନେ ।”

୧୮ “ନାନୁ ମିଙ୍ଗେ କାର୍ମା କିହା ହାଜଅଁ, ନାନୁ ମୀ ତାଣା ଖେଣ୍ଟା ଝାଈଁ ।

୧୯ ଗାଡେକା ଜେଚ ଦାରତି ଅଡେ ନାଙ୍ଗେ ମେସାଲି ଆଡେଏ; ସାମା ମୀରୁ ନାଙ୍ଗେ ମେସ୍ତାଦେରି, ଇତିହ୍ ନାନୁ ନୀତାମାଇଁ, ଅଡେ ମୀରୁ ଜିକେଏ ନୀତାନା ଡୟିଦେରି ।

୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ଡୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନଝି ଆନେସି, ଏଝାସି ନାଙ୍ଗେ ଜୀଝୁ ନୟାଁନେସି, ଅଡେ ଆମ୍ବାଆସି ନାଙ୍ଗେ ଜୀଝୁ ନୟାଁନେସି, ନା ଆବା ଏଝାଣାଇଁ ଜୀଝୁ ନନେସି, ଅଡେ ନାନୁ ଏଝାଣାଇଁ ଜୀଝୁ ନଇଁ ଅଡେ ଏଝାଣି ତାଣା ତସାକଡିଇଁ ।”

୨୨ ଜୀହୁଦା* ଏଝାଣାଇଁ ଏଲେଇଚେସି, “ଏ ପ୍ରଭୁ, ଏନାଆଁ ଆଡେ, ନୀନୁ ଦାରତିତା ନିଙ୍ଗେ ତସା କତାଆନା ମା ତାଣା ତସିମାଞ୍ଜାଦି ?”

* ୧୪:୨୨ ୧୪:୨୨ ଇସ୍ପାରିୟତ ଜୀହୁଦା ଆଏ

୨୩ ଜୀସୁ ଏଞ୍ଜାଣାଇଁ ଏଲେଇରେସି, “ଆମ୍ବାଆସି ନାଙ୍ଗେ ଜୀସୁ ନୟ୍ନେସି ଆତିହିଁ ଏଞ୍ଜାସି ନା ବଲୁତି ମାନଞ୍ଜି ଆନେସି, ଅଡ଼େ ନା ଆବା ଏଞ୍ଜାଣାଇଁ ଜୀସୁ ନନେସି, ଅଡ଼େ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଇଁ □

୨୪ ଆମ୍ବାଆସି ନାଙ୍ଗେ ଜୀସୁ ନୟ୍ନଅସି, ଏଞ୍ଜାସି ନା ବଲୁତି ମାନଞ୍ଜି ଆଅସି, ଅଡ଼େ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଡ଼ି ନାଡ଼ି ଆଏ, ସାମା ନାଙ୍ଗେ ପାଣ୍ଡାମାଞ୍ଜାନି ଆବା ମାହାପୁରୁଖାୟି □”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଙ୍ଗେ ଇ କାତା ଖେସ୍ତାତେଏଁ □

୨୬ ସାମା ଏ ସାୟେମି କିନାୟି, ଇତିହିଁ ଏମିନି ସୁଦୁଜୀସୁ ଆବା ନା ଦରୁଟି ହିୟାନେସି, ଏଡ଼ି ମିଙ୍ଗେ ବାରେ ଜାପୁହାନେ, ଅଡ଼େ ନାନୁ ମିଙ୍ଗେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଙ୍ଗେ ଅଣ୍ପି କିୟାନେ □”

୨୭ “ନାନୁ ମିଙ୍ଗେ ହିଡ଼ଡ଼ି ହାହାନା ହାଜିମାଇଁ, ନା ହିଡ଼ଡ଼ି ମିଙ୍ଗେ ଦାନା କିହିମାଞ୍ଜାଇଁ; ଦାର୍ଡି ଏନିକଁ ଦାନା କିନେ ନାନୁ ମିଙ୍ଗେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡ଼େ ଆଜି ଗାଟାୟି ଆଆପେ □

୨୮ ନାନୁ ହାଜିମାଇଁ ଅଡ଼େ ମୀ ତାଣା ଖେଣ୍ଡା ଖାଇଁ, ଇ ନା କାତା ଖେଞ୍ଜାମାଞ୍ଜେରି □ ମୀରୁ ନାଙ୍ଗେ ଜୀସୁ ନୟ୍ନତିହିଁ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜଁ ରାହାଁ କିତେରିମା, ଇତିହିଁ ଆବା ନା କିହାଁ କାଜାସି □

୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଙ୍ଗେ ଖେସ୍ତାତେଏଁ □ ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଙ୍ଗେ ନାମାଦେରି □

୩୦ ନାନୁ ମୀ ତଲେ ହାରେକା କାତା ଆୟଅଁ, ଇତିହିଁ ଦାର୍ଡିତି ସାଲୁଞ୍ଜି କିନାୟି ଖାହିମାନେ; ଅଡ଼େ ନା ତାଣା ତାନିଖାୟି ଏନାୟି ହିଲେଏ;

୩୧ ସାମା ଆବା ନାଙ୍ଗେ ଏନିକଁ ହୁକୁମି ହାହାମାଞ୍ଜାନେସି, ଏଲେକିହିଁ ନାନୁ କାମା କିଇଁ □ ଆତିହିଁ ନାନୁ ଆବାଇଁ ଜୀସୁ ନହଁ ମାଇଁ ଇଞ୍ଜଁ ଦାର୍ଡି ପୁନେ □”

“ଖାଦୁ ମାର, ଇମ୍ପାଟି ହାନ □”

୧୫

ଜୀସୁ ସାତା ଅଛୁରିମାଡ଼ା

୧ “ନାନୁ ସାତା ଅଛୁରିମାଡ଼ା, ଅଡ଼େ ନା ଆବା କାମାକିନାସି □

୨ ନା ତାଣା ମାନି ଏମିନି କମା ପାଡ଼େୟି ଆୟେଏ, ଏଦାନି ଏଝାସି ଟୁଣ୍ଡାହାଡ଼ୁହନେସି; ଅଡ଼େ ଏମିନି କମା ପାଡ଼େୟି ଆୟିନେ, ଗାତି ପାଡ଼େୟି ଆୟାଲି ତାକି ଜାଡ଼ନୁ କିନେସି □

୩ ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡ଼ନୁ ଆହାମାଞ୍ଜେରି □

୪ ନା ତାଣା ଡ଼ୟାଦୁ ଆଡ଼ିହିଁ ନାନୁ ମୀ ତାଣା ଡ଼ୟିଇଁ □ କମା ଏନିକିଁ ଅଛୁରିମାଡ଼ାତା ଡ଼ୟାଆସାରେ ତାନିତାଣାଟି ପାଡ଼େୟି ଆୟାଲି ଆଡ଼େଏ, ଏଲେକିହିଁଏ ମୀରୁ ଜିକେଏ ନା ତାଣା ଡ଼ୟାଆସାରେ ପାଡ଼େୟି ଆୟାଲି ଆଡ଼ଅଡ଼େରି □”

୫ “ନାନୁ ଅଛୁରିମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ଡ଼ୟିନେସି ଅଡ଼େ ନାନୁ ଆମ୍ବାଆରି ତାଣା ଡ଼ୟିଇଁ, ଏଝାସି ହାରେକା ପାଡ଼େୟି ଆୟିନେସି; ଇଡ଼ିହିଁ ନା ପିସ୍ପେ ମୀରୁ ଏନାଆଁ କିହାଲି ଆଡ଼ଅଡ଼େରି □

୬ ଆମ୍ବାଆସି ନା ତାଣା ଡ଼ୟଅସି, ଆଡ଼ିହିଁ ଏଝାସି କମା ଲେହେଁ ପାଙ୍ଗାତା ମେଡ଼ପି ଆନେସି ଅଡ଼େ ଝାୟା ହାନେସି, ଇଞ୍ଜା ଲକୁ ଏଝାଆଁ କୁଡ଼ି କିହାନା ହିରୁତା ମେଡ଼ନେରି ଅଡ଼େ ଏଝି ବାରେ ଖେହାହାନୁ □

୭ ମୀରୁ ନା ତାଣା ଡ଼ୟିଦେରି, ଅଡ଼େ ନା ବଲୁ ମୀ ତାଣା ଡ଼ୟିନେ, ଆଡ଼ିହିଁ ମୀରୁ ଏନାଆଁ ମନ କିଦେରି, ଏଦାଆଁ ରୀହୁଦୁ, ଆଡ଼ିହିଁ ଏଡ଼ି ମିଙ୍ଗେତାକି କିଝିଆନେ □

୮ ମୀରୁ ହାରେକା ପାଡ଼େୟି ଆୟିସାରେ ନା ଆବା ଗାଝୁରମି ଆନେସି, ଅଡ଼େ ମୀରୁ ନା ସାତା ସୀସୁ ଆଦେରି □

୯ ଏନିକିଁ ଆବା ନାଙ୍ଗେ ଜୀଝୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହିଁଏ ମିଙ୍ଗେ ଜୀଝୁନହାଁମାଞ୍ଜାଇଁ; ନା ଜୀଝୁ ନଝୁତା ତାରିଆହାନା ଡ଼ୟାଦୁ □

୧୦ ନାନୁ ଏନିକିମ୍ ନା ଆବାତି ହୁକୁମି ମାନୁଓି ଆହାନା ତାନି ଜୀଓୁ ନଓୁତା ତାରିଆହାନା ଡ଼ୟିମାଲ୍, ଏଲେକିହି ଏ ମୀରୁ ଜିକେଏ ନା କାତା ମାନୁଓି ଆଦେରି, ଆତିହି ନା ଜୀଓୁ ନଓୁତା ତାରିଆହାନା ଡ଼ୟିଦେରି □”

୧୧ “ଏନିକିମ୍ ନା ରାହାଁ ମୀ ତାଣା ଡ଼ୟିନେ, ଅଡ଼େ ମୀ ରାହାଁ ଏନିକିମ୍ ପୁରାଆନେ, ଏଦାଆଁତାକି ଇ ବାରେ ମିଙ୍ଗେ ଖେସ୍ତାତେଏଁ □

୧୨ *ନାନୁ ଏନିକିମ୍ ମିଙ୍ଗେ ଜୀଓୁନହାଁମାଞ୍ଜାଇ, ମୀରୁ ଜିକେଏ ଏଲେକିହି ଏ ରଅତେରି ରଅଣାଇ ଜୀଓୁନଦୁ, ଇଦି ନା ହୁକୁମି □

୧୩ ଜାହାରା ତ଼ଣେସିଙ୍ଗା ତାକି ଜୀଓୁହୀନି କିହାଁ ଅଡ଼େ କାଜା ଜୀଓୁନନାୟି ହିଲେଏ □

୧୪ ନାନୁ ମିଙ୍ଗେ ଆମିନି ହୁକୁମି ହୀହାମାଞ୍ଜାଇ, ଏଦାଆଁ ମୀରୁ ମାନୁଓି ଆଦେରି ଆତିହି ମୀରୁ ନା ତ଼ଣେସିଙ୍ଗା □

୧୫ ନାନୁ ମିଙ୍ଗେ ଅଡ଼େ ହଲେଏସି ଇଞ୍ଜିମାଞ୍ଜଅଁ, ଇଚିହି ସାଓୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତ଼ଣେ ଇଞ୍ଜିମାଞ୍ଜାଇ, ଇଚିହି ନାନୁ ନା ଆବା ତାଣାଚି ଏନା ଏନାଆଁ ଖେଞ୍ଜାମାଲ୍, ଏ ବାରେ ମିଙ୍ଗେ ଖେସାମାଞ୍ଜାଇ □

୧୬ ମୀରୁ ନାଙ୍ଗେ ଆଚା ମାଞ୍ଜଅତେରି, ସାମା ନାନୁ ମିଙ୍ଗେ ଆଚାମାଞ୍ଜାଇ, ଅଡ଼େ ମୀରୁ ଏନିକିମ୍ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା ଡ଼ୟିନେ, ଏଦାଆଁତାକି ମିଙ୍ଗେ ଆଚାମାଞ୍ଜାଇ □ ଏଚେଟିଏ ମୀରୁ ନା ଦରୁତଲେ ଆବାଇ ଏନାଆଁ ରାହ୍‌ଦେରି ଏଞ୍ଜାସି ମିଙ୍ଗେ ହିୟାନେସି □

୧୭ ମୀରୁ ଏନିକିମ୍ ରଅତେରି ରଅଣାଇ ଜୀଓୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି ହୀହିମାଞ୍ଜାଇ □”

ଦାର୍ତ୍ତିତ ଅପାଆଗାଗାୟି

୧୮ “ଦାର୍ତ୍ତି ମିଙ୍ଗେ ଅପେଏ, ଆତିହି ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ □

୧୯ ମୀରୁ ଦାର୍ତ୍ତିତାତେରି ଆହାମାଚିହିମା, ଦାର୍ତ୍ତି ମିଙ୍ଗେ ନା ଲକୁ ଇଞ୍ଜିମାଞ୍ଜାନା ଜୀଓୁ ନୟାତେମା; ମୀରୁ ଦାର୍ତ୍ତିତି

☆ ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫

ଝାହା ହିଲଅତେରି, ସାମା ନାନୁ ମିଙ୍ଗେ ଦାର୍ତ୍ତିଟି ଆଚାମାଞ୍ଜାଇଁ,
ଏଦାଆଁତାକି ଦାର୍ତ୍ତି ମିଙ୍ଗେ ଅପେଏ □

୨୦ ✨ହଲେଏସି ସାଞ୍ଜୁକାରି କିହାଁ କାଜାସି ଆଏ, ନାନୁ ମିଙ୍ଗେ
ଏମିନି ବଲୁ ଝେସାମାଞ୍ଜାଇଁ, ଏଦାଆଁ ଅଶ୍‌ପାଦୁ □ ଏଞ୍ଜାରି ନାଙ୍ଗେ
ସାସ୍ତି ହାହାମାଞ୍ଜାନେରି, ଆତିହ୍ମି ମିଙ୍ଗେ ଜିକେଏ ସାସ୍ତି ହିୟାନେରି;
ଅଡେ ଏଞ୍ଜାରି ନା ବଲୁଡି ମାନଞ୍ଜି ଆହାମାନେରି, ଆତିହ୍ମି ମୀ ବଲୁ
ଜିକେଏ ମାନଞ୍ଜି ଆନେରି □

୨୧ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲିଆକି, ନା ଦରୁ
ତାକି ମିଙ୍ଗେ ଇ ବାରେ ଆନେ □

୨୨ ନାନୁ ଝାହାନା ଏଞ୍ଜାରାଇଁ ଝେହ୍‌ଆତିହ୍ମି, ଏଞ୍ଜାରି ପାପୁ ଗାଟାରି
ଆଆତେରିମା; ସାମା ନୀଏଁ ଇ ପାପୁ ତାକି ଏନି ମିଟି କାତା ଝେସାଲି
ଆଡ଼ଅରି

୨୩ ଆମ୍ବାଆସି ନାଙ୍ଗେ ଅପଅସି, ଏଞ୍ଜାସି ନା ଆବାଇଁ ଜିକେଏ
ଅପଅସି □

୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲିଆତ୍,
ଏଞ୍ଜାରି ପାପୁ ଗାଟାରି ଇଞ୍ଜି ଏଜିକିଞ୍ଜି ଆଆତେରିମା □ ସାମା ନା
ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡେ ନା ଆବାଇଁ
ଅପାହିଲଅରି □

୨୫ ସାମା ଏଞ୍ଜାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା
ରାସ୍‌କି ଆହାମାନାୟି ଏନିକ୍ ପୁରା ଆନେ ଇଦାଆଁତାକି ଇ ବାରେ
ଆହିମାନେ □”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି
ପାଣ୍ଡାଇଁ, ଆବା ତାଣାଟି ଝାନ୍ତି ଏ ସାତା ଜୀଞ୍ଜୁ ଝାତିହ୍ମି ନା କାତା
ସାକି ହିୟାନେ;

୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇତିହ୍ମି
ମୁଲୁଟିଏ ମୀରୁ ବାରେ ନା ତଲେ ମାତେରି □”

୧୭

୧ “ମୀ ନାମୁଟି ଏନିକ୍ ପିହ୍‌ଅତେରି, ଇଦାଆଁତାକି ଇ ବାରେ

କାତା ୱେସାମାଞ୍ଜାଇଁ □

୨ ଏଞ୍ଜାରି ମିଙ୍ଗେ କୁଲମଟି ହପ୍‌ହାନେରି, ଇଲେତି ଦିନା ୱାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜି ଅଣ୍‌ପିନେସି □

୩ ଲକୁ ଇ ବାରେ କିୟାନେରି, ଇଚିହିଁ ଏଞ୍ଜାରି ଆବା ଆଆତ୍ ନାଙ୍ଗେ ପୁଞ୍ଜାମାଞ୍ଜଅରି □

୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଙ୍ଗେ ୱେସାମାଞ୍ଜାତେଏଁ ଇ କାତା ମୀରୁ ଏନିକ୍ ଅଣ୍‌ପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ୱେସାମାଞ୍ଜାଇଁ □ ନାନୁ ମୀ ତଲେ ମାତାକି ମ୍ଲୁଟିଏ ଇ ବାରେ କାତା ମିଙ୍ଗେ ୱେସାମାଞ୍ଜଅଁ □”

ସୁଦୁଜୀଞ୍ଜୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଚେ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜି ମୀ ବିତ୍ରାତି ଆମ୍ବାଆତେରି ନାଙ୍ଗେ ୱେଞ୍ଜି ମାଞ୍ଜଅତେରି □

୬ ସାମା ନାନୁ ଇ ବାରେ କାତା ୱେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ □

୭ ସାମା ନାନୁ ମିଙ୍ଗେ ସାତା ୱେସିମାଞ୍ଜାଇଁ, ନାନୁ ହାନାୟି ମିଙ୍ଗେତାକି ନେହେଁ, ଇଚିହିଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ୱାଏ, ସାମା ନାନୁ ହାଚିସାରେ ଏଦାଣି ମୀ ତାଣା ପାଣ୍ଡାଇଁ □

୮ ଏଡ଼ି ୱାହାନା ପାପୁ, ଦାମ୍ବୁ ଅଚେ ମାହାପୁରୁତି ବିଚାରାତି କାତା ଇ ଦାର୍‌ତି ଲକୁଣି ୱେହ୍‌ନେ;

୯ ପାପୁତି କାତା, ଇଚିହିଁ ଏଞ୍ଜାରି ନା ତାଣା ନାମା ହିଲଅରି;

୧୦ ଦାମ୍ବୁତି କାତା, ଇଚିହିଁ ନାନୁ ଆବା ତାଣା ହାଜିମାଇଁ ମୀରୁ ଅଚେ ନାଙ୍ଗେ ମେସୁଅତେରି;

୧୧ ବିଚାରାତି କାତା, ଇଚିହିଁ ଇ ଦାର୍‌ତି ସାଲଞ୍ଜି କିନାରି ବିଚାରା କିଞ୍ଜି ଆହାମାନେରି □”

୧୨ “ମିଙ୍ଗେ ନାନୁ ଅଚେ ହାରେକା କାତା ୱେସ୍ତାନାୟିମାନେ, ସାମା ନୀଏଁ ମୀରୁ ଏ ବାରେ ଅର୍‌ହାଲି ଆଡ଼ଅତେରି

୧୩ ସାମା ସାତାତି ଜୀଝୁ ଖାଡ଼ିସାରେ, ଏଦି ବାରେ ସାତାତି ତେଲହାଲି ବାଡ଼ୁୟୁ ହିୟାନେ, ଏଦି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ଖେହ୍‌ଏ, ମାହାପୁରୁ ତାଣାଟି ଏନା ଏନାଆଁ ଖେଞ୍ଜାମାନେ ଖାରଇ ଏଚେକେଏ ଖେହ୍‌ନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ ଏଦି ଖେସ୍ତାନେ □

୧୪ ଏଝାସି ନାଙ୍ଗେ ଗାଝୁରମି କିୟାନେସି, ଇଚିହ୍‌ ନା ତାଣାଟି ବାରେ କାତା ପୁଞ୍ଜାନା ଏଦି ଏଦାଆଁ ମୀ ତାଣା ଖେସ୍ତାନେ □

୧୫ ଏନା ଏନାୟି ଆବାଝାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଝାସି ନା କାତା ଅହାନା ମିଙ୍ଗେ ଖେସ୍ତାନେସି □”

ଦୁକୁ ଅଡ଼େ ରାହାଁ

୧୬ “ଗାଡ଼େକା ଜେଚ ମୀରୁ ଅଡ଼େ ନାଙ୍ଗେ ମେସ୍ତଅତେରି, ସାମା ଏଚରଦିନା ଜେଚ ମେସ୍ତାଦେରି □”

୧୭ ଏଚେଚିଏ ତାନି ସୀସୁୟାଁ ବିତ୍ତାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ ନାଙ୍ଗେ ମେସ୍ତଅତେରି, ଅଡ଼େ ଏଚରଦିନା ହାଟି ତାୟୁ ନାଙ୍ଗେ ମେସ୍ତାଦେରି, ନାନୁ ଆବା ତାଣା ହାଜିମାୟି, ଏଝାସି ଏମିନି କାତା ମାଙ୍ଗେ ଖେସ୍ତାତେସି, ଇଦି ଏନାୟି ?”

୧୮ ଏଝାରି ଏଲେଇଚେରି, “ଗାଡ଼େକା ଇଞ୍ଜିଁ ଏନାଆଁ ଏଲେଇଞ୍ଜି ମାନେସି ? ଏଝାସି ଏନାଆଁ ଏଲେଇଞ୍ଜି ମାନେସି ମାୟୁ ତେଲହାଲି ଆଡ଼ିହିଲଅମି □”

୧୯ ସୀସୁୟାଁ ତାଙ୍ଗ ଖେଞ୍ଜାଲି ଅଶ୍‌ପିମାନେରି ଇଞ୍ଜିଁ ପୁଞ୍ଜାନା ଜୀସୁ ଏଝାରାଇଁ ଏଲେଇଚେସି, “ଗାଡ଼େକା ଜେଚ ନାଙ୍ଗେ ମେସ୍ତଅତେରି, ଅଡ଼େ ଏଚରଦିନା ହାଟି ତାୟୁ ନାଙ୍ଗେ ମେସ୍ତାଦେରି, ନାନୁ ଇ ଏମିନି କାତା ମିଙ୍ଗେ ଖେସ୍ତାତେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ?

୨୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଦୁକୁଆହ୍‌ ତାଦେରି, ସାମା ଦାରତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ଚିରି ମୀଶ୍‌ନେ □

୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଟାଆନେ; ସାମା ଏଡ଼ି କକାଣାଇଁ ଜାନ କିତି ତାମ୍ଭୁ ଦାରୁତିତା ର ମାଣସି ଜାନା ଆହାମାନେସି, ଇ ରାହାଁତାକି କସ୍ତୁତି ଅଶ୍‌ପେଏଦେଁ □

୨୨ ଏଲେକିହିଁଏ ମୀରୁ ନୀଏଁ ଦୁକୁ ବେଟାଆହିମାଞ୍ଜେରି, ସାମା ନାନୁ ଅଡ଼େ ଖେଣ୍ଡେ ମିଙ୍ଗେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି □”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ଖେଞ୍ଜଅଡ଼େରି □ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହ୍‌ଦେରି, ଏଞ୍ଜାସି ନା ଦରୁତଲେ ମିଙ୍ଗେ ହିୟାନେସି □

୨୪ ନୀଏଁ ପାତେକା ନା ଦରୁତଲେ ଏନାଆଁ ରାସା ହିଲଅଡ଼େରି; ରାହ୍‌ଦୁ, ଏନିକିଁ ମୀ ରାହାଁ ଗାଡ଼ି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଡ଼େରି □”

ଦାରୁତିତା ଜାଣା ଆନାୟି

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ଖେସାମାଞ୍ଜାଇଁ; ଦିନା ଖାହିମାନେ, ଏତିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ଖେସୁଆଁ, ଆବାତି କାତା ତୀରେତଲେ ଖେସୁାଇଁ □

୨୬ ଏ ଦିନା ମୀରୁ ନା ଦରୁତଲେ ରାହ୍‌ଦେରି; ଅଡ଼େ ନାନୁ ମୀ ଖାକିଟି ଆବାଇଁ ବାତିମାଲିଇଁ, ଇ କାତା ନାନୁ ମିଙ୍ଗେ ଖେସିମାଞ୍ଜାଆଁ;

୨୭ ଇତିହିଁ ଆବା ତାନୁଏ ମିଙ୍ଗେ ଜୀଝୁ ନହାଁମାଞ୍ଜାନେସି, ମୀରୁ ନାଙ୍ଗେ ଜୀଝୁନହିଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାଇଁ, ଏଦାଆଁ ମୀରୁ ନାମାମାଞ୍ଜେରି □

୨୮ ନାନୁ ଆବା ତାଣାଟି ଦାରୁତିତା ଖାହାମାଇଁ; ଦାରୁତି ପିସାନା ଖେଣ୍ଡେ ଆବା ତାଣା ହାଜିମାଇଁ □”

୨୯ ଇ ହାଡ଼ା ଖେଞ୍ଜାନା ସୀସୁୟାଁ ଏଞ୍ଜାଣାଇଁ ଏଲେଇଡ଼େରି, “ନୀଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ଖେସିମାଞ୍ଜା □

୩୦ ନାନୁ ବାରେ କାତା ପୁଞ୍ଜାମାଞ୍ଜା, ଆମ୍ବାଆସି ନିଙ୍ଗେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀଏଁ ମାମ୍ବୁପୁଟମି; ମାହାପୁରୁ ତାଣାଟି ଖାହାମାଞ୍ଜା ଇଞ୍ଜିଁ ମାମ୍ବୁ ଇ କାତା ନାମି ମାନମି □”

୩୧ ଜୀସୁ ଏଞ୍ଜରାଲ୍ ଏଲେଇଚେସି, “ମୀରୁ ଏଦାଆଁ ନୀଏଁ ନାମିମାଞ୍ଜେରି ?

୩୨ ମେହ୍‌ଦୁ ଦିନା ଖାହିମାନେ, ଏ ବେଲା ଖାଡେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡେ ନାଙ୍ଗେ ରଅଡେଏଁ କିୟାଦେରି; ଆଡିଜିକେଏ ନାନୁ ରଅଡେଏଁ ଆଏ, ଇଚିହ୍‌ ଆବା ନା ତଲେ ମାନେସି □

୩୩ ମୀରୁ ଏନିକ୍‌ ନା ତାଣାଟି ହିଡ଼ି ବେଟାଆଡେରି, ଏଦାଆଁତାକି ନାନୁ ମିଙ୍ଗେ ଇ ବାରେ କାତା ଖେସାମାଞ୍ଜାଲ୍ □ ଦାର୍‌ତିତା ମିଙ୍ଗେତାକି ହାରେକା ସାସ୍ତି ମାନେ, ସାମା ସାସା ଆହ୍‌ଦୁ; ଇଚିହ୍‌ ନାନୁ ଦାର୍‌ତିତି ଜୀଣା ଆହାମାଲ୍ □”

୧୭

ଜୀସୁ ତାନି ସୀସୁୟାକି ପ୍ରାତାନା କିନାୟି

୧ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆଡେୟିଏ; ନୀ ମୀରୁଏଣାଲ୍ ଗାଞ୍ଜୁରମି କିମ୍‌, ଏନିକ୍‌ ମୀରୁଏସି ନିଙ୍ଗେ ଗାଞ୍ଜୁରମି କିୟାନେସି □

୨ ନୀନୁ ଏଞ୍ଜାଣାଲ୍ ବାରେ ମାଣ୍‌ସି କୁଡାତି ମୁହେଁ ଅଦିକାରା ହୀହାମାଞ୍ଜି □ ଅଡେ ଆମ୍ବାଆରାଲ୍ ଏଞ୍ଜାଣି କେମୁତା କାଲାକାଲାତି ଜୀଞ୍ଜୁ ହୀହାଲିତାକି ହେର୍‌ପାମାଞ୍ଜି ଏଞ୍ଜାଣାକି ବାଡ଼ୁୟୁ ହୀହାମାଞ୍ଜି □

୩ ଅଡେ ରଣ୍ଡିଏ ସାତା ମାହାପୁରୁତି ନୀନୁ, ନିଙ୍ଗେ ଅଡେ ନୀ ତାଣାଟି ପାଣ୍ଡିଆହାମାନି ଜୀସୁ କ୍ରୀସୁଇ ପୁନାୟି ଆହିମାନେ କାଲାକାଲାତି ଜୀଞ୍ଜୁ □

୪ ନୀନୁ ନାଙ୍ଗେ ଏମିନି କାମା କିହାଲି ହୀହାମାଞ୍ଜାଦି, ଏଦାଆଁ ନାନୁ ରାପୁହାନା ଦାର୍‌ତିତା ନିଙ୍ଗେ ଗାଞ୍ଜୁରମି କିହାମାଞ୍ଜାଲ୍ □

୫ ଏ ଆବା ଦାର୍‌ତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଞ୍ଜୁରମି ମାଚେ, ଏମ୍ବାଟି ନୀନୁ ନାଙ୍ଗେ ନୀ ତଲେ ଗାଞ୍ଜୁରମି କିୟାମୁ □”

୬ “ନୀନୁ ନାଙ୍ଗେ ଦାର୍‌ତି ବିତ୍ରାଟି ଏମିନି ଲକ୍ଷୁଣି ନାଙ୍ଗେ ହୀହାମାଞ୍ଜାଦି, ନାନୁ ନୀ ଦରୁ ଏଞ୍ଜାରି ନକିତା ତସାମାଲ୍; ଏଞ୍ଜାରି ନୀ

ଲକୁ ମାତେରି ଅଡ଼େ ନାନୁ ଏଝାରାଇଁ ନାଙ୍ଗେ ହୀହାମାଞ୍ଜାତି, ଏଝାରି ନୀ ବଲୁତି ମାନଝି ଆହାମାନେରି □

୭ ନାନୁ ନାଙ୍ଗେ ଏନା ଏନାଆଁ ହୀହାମାଞ୍ଜାତି, ଏ ବାରେ ନୀ ତାଣାଟି ଝାହାମାନେ, ଇଦାଆଁ ନୀଏଁ ଏଝାରି ପୁଞ୍ଜାମାନେରି □

୮ ଇଚିହିଁ ନାନୁ ନାଙ୍ଗେ ହୀହାମାଞ୍ଜାନି ବଲୁ ନାନୁ ଏଝାରାକି ହୀହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜା ନାନୁ ନୀ ତାଣାଟି ଝାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାତି ଇଞ୍ଜାଁ ଏଝାରି ନାମାମାନେରି □”

୯ “ନାନୁ ଏଝାରି ତାକି ପ୍ରାତାନା କିହିମାଇଁ; ଦାରୁତି ତାକି ପ୍ରାତାନା କିହିହିଲଅଁ, ସାମା ନାନୁ ନାଙ୍ଗେ ଏମିନି ଗାଟାରାଇଁ ହୀହାମାଞ୍ଜାତି, ଏଝାରି ତାକି ପ୍ରାତାନା କିହିମାଇଁ, ଇଚିହିଁ ଏଝାରି ନୀ ଲକୁ;

୧୦ ଏନା ଏନାୟି ନାଦି ମାନେ ଏ ବାରେ ନାଦି, ଅଡ଼େ ଏନା ଏନାୟି ନାଦି ମାନେ, ଏ ବାରେ ନାଦି ଅଡ଼େ ଏଝାରି ତାଣାଟି ନାନୁ ଗାଝୁରମି ଆହିମାଇଁ □

୧୧ ନାନୁ ଅଡ଼େ ଇ ଦାରୁତିତା ଡ଼ୟିହିଲଅଁ, ସାମା ଇଝାରି ଦାରୁତିତା ଡ଼ୟିମାନେରି, ଇଞ୍ଜା ନାନୁ ନୀ ତାଣା ଝାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୟୁ ତଲେ ନାଙ୍ଗେ ହେରପା ମାଞ୍ଜାତି ଏଝାରାଇଁ ଗେଲପାମୁ,* ନାନୁ ଅଡ଼େ ନାନୁ ଏନିକିଁ ରଣ୍ଡିଏ ଆହାମାନାୟି ଏଲେକିହିଁଏ ଏଝାରାଇଁ ଜିକେଏ ରଣ୍ଡିଏ କିହାଲି ସାୟେମି କିମୁ □

୧୨ ☆ଏଝାରିତଲେ ମାଟିବେଲ୍ଲାତା ନାନୁ ଏଝାରାଇଁ ନୀ ଦରୁତଲେ ଗେଲପାମାଇଁ, ଆମିନି ଦରୁ ନାନୁ ନାଙ୍ଗେ ହୀହାମାଞ୍ଜାତି, ଅଡ଼େ ନାନୁ ଏଝାରାଇଁ ଜାଗ୍ରାତା ତଲେ ଗେଲପାମାଇଁ,† ଦାମ୍ବୁ ପତି ଏନିକିଁ ପୂରା ଆନେ, ଏଦାଆଁତାକି ଏଝାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି □

୧୩ ସାମା ନୀଏଁ ନାନୁ ନୀ ତାଣା ଝାହିମାଇଁ, ଅଡ଼େ ଦାରୁତିତା ମାଞ୍ଜା ମାଞ୍ଜାନା ନା ରାହାଁତା ଏଝାରି ହିୟାଁ ଏନିକିଁ ରାହାଁ ଆନେ,

* ୧୭:୧୧ ୧୭:୧୧ ଇ କାତା ପ୍ଲାଝଇ ପତିତା ହିଲେଏ □ ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଇ କାତା ପ୍ଲାଝଇ ପତିତା ହିଲେଏ □

ଏଦାଆଁତାକି ନାନୁ ଇ ବାରେ କାତା ୱେସିମାଞ୍ଜାଇଁ □

୧୪ ନାନୁ ଏଞ୍ଜାରାକି ନୀ ବଲୁ ହୀହାମାଇଁ, ଏଦାଆଁତାକି ଦାର୍ତ୍ତି ଏଞ୍ଜାରାଇଁ ଅପିହିଲେଏ, ନାନୁ ଏନିକ୍ ଦାର୍ତ୍ତିଟି ୱାହାହିଲଅଁ ଏଞ୍ଜାରି ଜିକେଏ ଇ ଦାର୍ତ୍ତିତାରି ଆଏ □

୧୫ ନାନୁ ଏଞ୍ଜାରାଇଁ ଇ ଦାର୍ତ୍ତିଟି ଅହ୍ ହାଲାମୁ ଇଞ୍ଜି ବାତିମାଲି ମାଞ୍ଜଅଁ, ସାମା ଏଞ୍ଜାରାଇଁ ଲାଗେଏତି ପାନ୍ଦାଟି ଗେଲ୍ପାମୁ ଇଞ୍ଜି ବାତିମାଲିମାଞ୍ଜାଇଁ □

୧୬ ନାନୁ ଏନିକ୍ ଦାର୍ତ୍ତିଟି ୱାହାହିଲଅଁ, ଏଞ୍ଜାରି ଏଲେକ୍ ଦାର୍ତ୍ତିଟି ୱାହାହିଲଅରି □

୧୭ ସାତା ତଲେ ଏଞ୍ଜାରାଇଁ ସୁଦୁ କିମୁ, ଇତିହ୍ ନୀ ବଲୁଏ ସାତା □

୧୮ ନାନୁ ଏନିକ୍ ନାଙ୍ଗେ ଦାର୍ତ୍ତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜାରାଇଁ ଦାର୍ତ୍ତିତା ପାଣ୍ଡାମାଇଁ □

୧୯ ଅଡ଼େ ଏଞ୍ଜାରି ଜିକେଏ ଏନିକ୍ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଙ୍ଗେ ସୁଦୁ କିହିମାଇଁ □”

୨୦ “ନାନୁ ୱାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ୱେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜାରି ତାକି ଜିକେଏ ପ୍ରାତାନା କିହିମାଇଁ □

୨୧ ଏନିକ୍ ଏଞ୍ଜାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକ୍ ନା ତାଣା ମାଞ୍ଜି ଅଡ଼େ ନାନୁ ନୀ ତାଣା ମାଇଁ, ଏଞ୍ଜାରି ଜିକେଏ ଏଲେକିହ୍ ଏ ମା ତାଣା ଡୟାପେରି, ଏନିକ୍ ନାନୁ ନାଙ୍ଗେ ପାଣ୍ଡାତି ଇଞ୍ଜି ଦାର୍ତ୍ତି ନାମିନେ □

୨୨ ଅଡ଼େ ନାନୁ ନାଙ୍ଗେ ଏମିନି ଗାଞ୍ଜୁରମି ହୀହାମାଞ୍ଜାଦି, ନାନୁ ଏଦାଆଁ ଏଞ୍ଜାରାକି ହୀହାମାଇଁ, ମାର ଏନିକ୍ ରଣ୍ଡିଏ ଏଞ୍ଜାରି ଏଲେକ୍ ରଣ୍ଡିଏ ଆନେରି;

୨୩ ନାନୁ ଏନିକ୍ ନା ତାଣା ନାନୁ ଏଲେକିହ୍ ଏଞ୍ଜାରିତାଣା ଡୟିଇଁ □ ଏନିକ୍ ଏଞ୍ଜାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାର୍ତ୍ତି ପୁନେ କି ନାନୁ ନାଙ୍ଗେ ପାଣ୍ଡାମାଞ୍ଜାଦି, ନାଙ୍ଗେ ଏନିକ୍ ଜୀଞ୍ଜୁ ନହ୍ ମାଞ୍ଜାଦି ଏଞ୍ଜାରାଇଁ ଜିକେଏ ଏଲେକିହ୍ ଏ ଜୀଞ୍ଜୁ ନହ୍ ମାଞ୍ଜି □”

୨୪ “ଏ ଆବା! ନୀନୁ ଏଝାରାଇଁ ନା କେୟୁତା ହୀହାମାଞ୍ଜାଦି □ ନାନୁ ଆମ୍ବିୟା ଡୟିଇଁ, ଏଝାରି ଜିକେଏ ଏନିକିଁ ଏମ୍ବାଆଁ ଡୟିନେରି ଅଡେ ଦାର୍ଡି ଗାଡ଼ି ଆଆ ନକେଏ ନୀନୁ ନାଙ୍ଗେ ଜୀଝୁ ନହ୍ମାମାଞ୍ଜାନାକି ନାଙ୍ଗେ ଏମିନି ଗାଝୁରମି ହୀହାମାଞ୍ଜାଦି, ନା ଏ ଗାଝୁରମି ଏନିକିଁ ଏଝାରି ମେସାଲି ଆଡ଼ିନେରି ଇଦି ନା ଅଣ୍ପୁ □

୨୫ ଏ ଦାମ୍ବୁଗାଟି ଆବା, ଦାର୍ଡି ନିଙ୍ଗେ ପୁଞ୍ଜାମାଞ୍ଜେଏ, ସାମା ନାନୁ ନିଙ୍ଗେ ପୁଞ୍ଜାମାଞ୍ଜାଇଁ; ଅଡେ ନୀନୁ ନାଙ୍ଗେ ପାଣ୍ଡାମାଞ୍ଜାଦି, ଏଦାଆଁ ଇଝାରି ପୁଞ୍ଜାମାଞ୍ଜାନେରି;

୨୬ ନୀନୁ ନାଙ୍ଗେ ଏମିନି ଜୀଝୁ ନଝୁଟି ଜୀଝୁ ନହ୍ମାମାଞ୍ଜାଦି, ଏଦି ଏନିକିଁ ଏଝାରିତାଣା ଡୟିନେ ଅଡେ ନାନୁ ଏଝାରିତାଣା ଡୟିଇଁ, ଏଦାଆଁତାକି ନାନୁ ଏଝାରାଇଁ ଝେସାମାଇଁ ଅଡେ ଝେହଇଁ □”

୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୭:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପ୍ତୁହି ତାୟୁ ତାନି ସୀସୁୟାଁ ତଲେ କିଦ୍ରଣ କାତା ଆତାଲା ହାଚେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜା ଏଝାସି ତାନି ସୀସୁୟାଁ ତଲେ ଏମ୍ବାଆଁ ହଡେରି □

୨ ଏମିନି ଜୀହୁଦା ଏଝାଣାଇଁ ସାତୁୟାଁ କେୟୁତା ହେରପିତେସି, ଏଝାସି ଜିକେଏ ଏ ଟାୟୁତି ପୁଞ୍ଜାମାଚେସି, ଇଚିହିଁ ଜୀସୁ ହାରେକା ପାଲି ସୀସୁୟାଁ ତଲେ ଏ ଟାୟୁତା ହାଜାମାଚେସି □

୩ ଏଦାଆଁତାକି ଜୀହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡେ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଙ୍ଗା ଲକୁ ଦୀଝ୍, ହିତୁ ବନ୍ଦାୟାଁ ଅଡେ ଟେଙ୍ଗ ବାଲାୟାଁ ଆସାନା ଏମ୍ବାଆଁ ଝାଡେରି □

୪ ଏମ୍ବାଟିଏ ଜୀସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଝାରାଇଁ ଝେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଝାରି ଏଲେଇଚେରି, “ନାକ୍ରିତତି ଜୀସୁ □”

ଜୀସୁ ଏଝାରାଇଁ ଏଲେଇଚେସି, “ନାନୁ ଏଝାଡେଏଁ ?”

ଏମିନି ଜୀହୁଦା ଏଞ୍ଜାଣାକ୍ ସାତୁୟ୍ନା କେୟୁତା ହେର୍ପିତେସି,
ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାରେସି □

୭ ଜୀସୁ ଏଚିବେଲା ଏଞ୍ଜାରାକ୍ ଏଲେଇରେସି, “ନାନୁ ଏଞ୍ଜାତେଏ”
ଏଚିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୃମିତା ତର୍ଗା ହାଚେରି
□

୭ ଜୀସୁ ଖେଣ୍ଡେ ଖେରେସି, “ମୀରୁ ଆମ୍ବାଆରାକ୍ ପାରିମାଞ୍ଜେରି?”
ଏଞ୍ଜାରି ଏଲେଇରେରି, “ନାଜ୍ରିତତି ଜୀସୁକ୍ □”

୮ ଜୀସୁ ଏଲେଇରେସି, “ନାନୁ ଖେସାମାଞ୍ଜାକ୍, ନାନୁ ଏଞ୍ଜାତେଏ □
ମୀରୁ ନାକ୍ସେ ପାରିମାଞ୍ଜାଦେରି ଇଚିହ୍ ଇଞ୍ଜାରାକ୍ ପିହ୍ଦୁ □

୯ ଆମ୍ବାଆରାକ୍ ନାକ୍ସେ ହାହାମାଞ୍ଜାଦି, ଏଞ୍ଜାରି ବିତ୍ରାଟି ରଥଣାକ୍
ଜିକେଏ ଜାକ୍ହା ହିଲଅଁ □” ଏନିକ୍ ଦାମ୍ବୁ ପତିତି କାତା ସାତା
ଆନେ ଏଦାଆଁତାକି ଏଲେ ଇରେସି □

୧୦ ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାସି କାଜା ପୂଜେରା
ହଲେଏଣା ଚିଃନି କିୟ୍ ଦାଡେସି, ଏଞ୍ଜାଣି ଦରୁ ମାଲ୍‌କସ୍ □

୧୧ ✧ଏଚେଟିଏ ଜୀସୁ ପିତରକ୍ ଏଲେଇରେସି, “କାଣ୍ଡା, କାଣ୍ଡା
ଇଚିନି ଚାୟୁତା ଇଟାମ୍; ନୀନୁ ଏନାଆଁ ଅଶ୍ପିମାଞ୍ଜି, ଆଚା ମାହାପୂରୁ
ନାକ୍ସେ ହାହାମାଞ୍ଜାନି ଦୁକ୍ତୁତି ସଲ୍ଲାତା ଗସାଲି ଆଡ଼ଅଁ କି ?”

ହାନାନ ନକିତା ଜୀସୁ

୧୨ ଏମ୍ବାଟିଏ ରମିୟ କସ୍‌କା, ଇଞ୍ଜା ରିଜାରି କସ୍‌କା ମୁହେଁ କାଜାସି,
ଅଡେ ଜୀହୁଦି ଲକ୍ତୁତି କସ୍‌କା ଜୀସୁକ୍ ଆସାନା ଦସ୍‌ପିତେରି □

୧୩ ଏଞ୍ଜାଣାକ୍ ଦସ୍‌ପାନା ମୂଲୁଏ ହାନାନ ତାଣା ଅଡେରି, ଇଚିହ୍
ଏଞ୍ଜାସି ଏ ବାସାତି କାଜା ପୂଜେରା କୟାପାତି ପଡ୍‌ଲେଏସି ମାରେସି
□

୧୪ ✧ଏ କୟାପା ବାରେ ଲକ୍ତୁ ତାକି ରଅସି ହାନାୟି ମିକ୍ସେ ତାକି
ନେହେଁ ଇଞ୍ଜା ଜୀହୁଦି ଲକ୍ତୁଣି ଖେସାମାରେସି □

ପିତର ଜୀସୁକ୍ ପୁଞ୍ଜାହିଲଅଁ ଇନାୟି

(ମାତି ୨୭:୨୯-୩୦; ମାର୍କ ୧୪:୨୭-୨୮; ଲୁକ ୨୨:୫୫-୫୯)

✧ ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୫୨ ✧ ୧୮:୧୪ ୧୮:୧୪
ଜହ ୧୧:୪୯,୫୦

୧୫ ସିମନ ପିତର ଅଡ଼େ ର ସୀସୁ ଜୀସୁଟି ଜେଟ ଜେଟ ହାଜିମାଚେରି □ ଏ ସୀସୁ କାଜା ପୂଜେରା ତଲେ ପୁଣ୍ଠି ଆହାମାଚେରି ଅଡ଼େ ଜୀସୁତଲେ କାଜା ପୂଜେରା ଆଂଗେଣିତା ହାଚେସି;

୧୬ ସାମା ପିତର ପାଙ୍ଗାତି ଦୁଖେରି ଦାରିତା ନିଚାନା ଡ଼ୟିତେସି □ ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ଠି ଆହାମାଚେରି, ଏଞ୍ଜାସି ପାଙ୍ଗାତା ହାଜାନା ଦୁଖେରିତା କାଃଆନାଣାଲ୍ ଏଲେଇଞ୍ଜାନା ପିତରଲ୍ ବିତ୍ରା ଅଡ଼େସି □

୧୭ ଏମ୍ବାଟିଏ ଦୁଖେରିତା କାଃଆନାଣି ହଲେଣି ପିତରଲ୍ ଏଲେଇଚେ, “ନାନୁ ଜିକେଏ ଏନାଆଁ ଈ ଲକୁତି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଞ୍ଜାଚେଏଁ ଆଏ □”

୧୮ ଏତିବେଲାତା ପେନି ଆହିମାଚାକି ହଲିୟାଙ୍ଗା ଅଡ଼େ କାଃଆନାରି ହିରୁ ତାସାନା ସାରିଞ୍ଜାକି ନିଚାନା କେରଞ୍ଜି ମାଚେରି; ପିତର ଜିକେଏ ଏଞ୍ଜାରିତଲେ ନିଚାନା ହିରୁ କେରଞ୍ଜି ମାଚେସି □

କାଜା ପୂଜେରା ଜୀସୁଲ୍ ଝେନାୟି

(ମାତି ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଲ୍ ତାନି ଜାପ୍ନାଣି ଇଞ୍ଜାଁ ସୀସୁୟାଁତି କାତା ଝେଚେସି □

୨୦ ଜୀସୁ ଏଲେଇଚେସି, “ନାନୁ ବାରେ ଦାରତିତି ନକିତା ତସାନା ଜାପ୍ନାହାମାଲ୍, ଆମ୍ବିୟା ବାରେ ଜୀହୁଦି ଲକୁ କୂଡ଼ା ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁତି କୁଟମି ଇଲକାଣା*, ଲକୁ କୂଡ଼ା ଆହାମାନି ବେଲାତା ନାନୁ ଜାପ୍ନାହାମାଲ୍, ଡ଼କୁହାନା ଏନାଆଁ କିହାହିଲଅଁ □

୨୧ ନାଙ୍ଗେ ଏନାଆଁତାକି ଝେଞ୍ଜିମାଞ୍ଜାଦି ? ନାନୁ ଏଞ୍ଜାରାଲ୍ ଏନାଆଁ ଏଲେଇଞ୍ଜାମାଲ୍, ଆମ୍ବାଆରି ଝେଞ୍ଜାମାନେରି ଏଞ୍ଜାରାଲ୍ ଝେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଲ୍, ଏଞ୍ଜାରି ବାରେ ପୁଞ୍ଜାମାନେରି □”

* ୧୮:୨୦ ୧୮:୨୦ ସିନଗର୍

୨୭ ଜୀସୁ ଏଲେ ଇଞ୍ଜିମାନାଣି ଖେଞ୍ଜାନା ଦାରିତା ନିରାମାଟି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଞ୍ଜାଣାକ୍ ସାପୁଡ଼ା ଖେଚାନା ଏଲେଇରେସି, “ନିଙ୍ଗେ ଇଚେକା ସାସା କାଜା ପୂଜେରାକ୍ ଏଲେ ଇଞ୍ଜିମାଞ୍ଜି ?”

୨୮ ଜୀସୁ ଏଞ୍ଜାଣାକ୍ ଏଲେଇରେସି, “ନାନୁ ଲାଗେଏ ଜଲ୍ଲାମାଟିହିଁ, ଏ ଲାଗେଏତି ପାର୍ମାଣା ହିୟାଦୁ; ନେହିଁ ଜଲ୍ଲାମାକ୍ ଇଚିହିଁ ଏନାଆଁତାକି ନାଙ୍ଗେ ଖେଚିମାଞ୍ଜାଦି ?”

୨୯ ଏମ୍ବାଟିଏ ହାନାନ ଜୀସୁକ୍ ଏଲେକିହିଁଏ ଦସ୍ପି ଆହାମାନାଣାକ୍ କାଜା ପୂଜେରା କୟାପା ତାଣା ପାଣ୍ଡିତେସି □

ପିତର ଜୀସୁକ୍ ଅଡ଼େ ଖେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୭:୭୧-୭୫; ମାର୍କ ୧୪:୨୯-୩୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଚାନା ହିରୁ କେରୁଞ୍ଜି ମାରେସି, ଏମ୍ବାଟିଏ ଏଞ୍ଜାରି ଏଞ୍ଜାଣାକ୍ ଖେଚେରି, “ନାନୁ ଜିକେଏ ଏଞ୍ଜାଣି ସୀସୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇରେସି, “ନାନୁ ଆଏ □”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟ୍ ଦୁଡ଼ା ମାରେସି, ଏଞ୍ଜାଣି କୁଟମିତାସି ଏଲେଇରେସି, “ନାନୁ ନିଙ୍ଗେ ବାଡ଼ାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡ଼େ ଖେଣ୍ଡେ ଏଲେଇରେସି, “ଆଏ ପୁଞ୍ଜାହିଲଅଁ □” ଏଚିବେଲାତା କୟ୍ କେଣ୍ଡେ □

ପିଲାତ ତାଣା ଜୀସୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଲ୍ ଏଞ୍ଜାରି ଜୀସୁକ୍ କୟାପା ଇଲୁଟି ଅହାନା ରମିୟ ରାଜି ସାଲ୍ଡି କିନାଣି ମେଡ଼ା ଇଲୁତା ଏତେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହିଁ ଏନାଆଁ ତଲେ ପିସ୍ପିଆଡ଼ି ପାରୁତି ବକି ତାକି ତାମ୍ବେ ଲାଗେଏ କିହାକତାଲି ଅଣ୍ଡି ହିଲାଆତେରି □

୨୯ ଏଦାଆଁତାକି ସାଲଝି କିନି ପିଲାତ ଏଝାରିତାଣା ପାଙ୍ଗାତା ଝାହାନା ଝେରେସି, “ଇ ମାଣ୍ଠସି କପାଟି ମୀ ଏନିଲେହେଟି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇଚେରି, “ଇ ମାଣ୍ଠସି ଲାଗେଏତି କାମା କିହା ହିଲାଆତିହୁଁମା, ମାମ୍ବୁ ଏଝାଣାଇଁ ନୀ ତାଣା ତାଆତମିମା □”

୩୧ ପିଲାତ ଏଝାରାଇଁ ଏଲେଇଚେସି, “ଆତିହୁଁ ଇଝାଣାଇଁ ଅହାନା ମୀ ମେରା ତଲେ ନୀହୁଁୟି କିଦୁ □” ଜୀହୁଦିୟାଁ ଏଝାଣାଇଁ ଏଲେଇଚେରି, “ଆମ୍ବାଆରାଇଁ ହାନି ତଣ୍ଡ ହୀହାଲି ମା ଅଦିକାରା ହିଲେଏ □”

୩୨ ☆ଜୀସୁ ଏନିକିଁ ହାହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାଚେସି, ଏଦି ଏନିକିଁ ପୂରା ଆନେ, ଏଦାଆଁତାକି ଏଝାରି ଏଲେଇଚେରି □

୩୩ ପିଲାତ ଝେଣ୍ଡେ ମେଡା ଇଲୁ ବିଡ୍ରା ହାଜାନା ଜୀସୁଇଁ ଝେଚେସି, “ଏନାଆଁ ନୀନୁ ଜୀହୁଦି ଲକୁଡି ରାଜାତି ?”

୩୪ ଜୀସୁ ଏଲେଇଚେସି, “ଇ କାତା ନୀ ମନଟି ଝେଞ୍ଜିମାଞ୍ଜାଦି କି ଏଟକାତାରି ନା କାତାତି ନିଙ୍ଗେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇଚେସି, “ନୀନୁ ଏନାଆଁ ଅଣ୍ଠପାମାଞ୍ଜି, ନୀନୁ ର ଜୀହୁଦିଚେଏଁ ? ନୀ କୁଡାତି ଲକୁ ଇଞ୍ଜା କାଜା ପୂଜେରାଙ୍ଗା ନିଙ୍ଗେ ତାଚାନା ନା କେୟୁତା ହେରପା ମାଞ୍ଜାନେରି □ ଝେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇଚେସି, ନା ରାଜି ଇ ଦାର୍ତତିତାୟି ଆଏ; ନା ରାଜି ଦାର୍ତତିତାୟି ଆଡିହୁଁମା, ନୀନୁ ଜୀହୁଦି ଲକୁତାଣା ହେରପି ଆଆରେଟୁ ନାଙ୍ଗେ ସେବା କିୟାନାରି ନା ତାକି ଜୁଜୁ କିତେରିମା, ସାମା ନା ରାଜି ସାତେଏ ଇ ଦାର୍ତତିତାୟି ଆଏ □

୩୭ ପିଲାତ ଏଝାଣାଇଁ ଝେଚେସି, “ଆତିହୁଁ ନୀନୁ ଜୀହୁଦି ଲକୁଡି ରାଜାତି ?”

ଜୀସୁ ଏଲେଇଚେସି, “ନୀନୁ ଏଲେ ଇଞ୍ଜିମାଞ୍ଜି ନୀନୁ ର ରାଜାତେଏଁ □ ନୀନୁ ସାତା ଝାକିଟି ସାକି ହୀହାଲି ଜାର୍ନା ଆହାମାଇଁ ଅଡେ

ଦାର୍ତ୍ତତା ଖାହାମାଇଁ □ ଆତ୍ମାଆସି ସାତାତି ମୀରୁଏସି ଏଞ୍ଜେସି ନା କାତା ଖେନେସି □”

ଜୀସୁଇଁ ହାନି ତଣ୍ଡ ହାନାୟି

(ମାତି ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୮ ପିଲାତ ଖେଚେସି, “ସାତା ଏନାୟି ?”

ପିଲାତ ପାଙ୍ଗାତା ହାଜାନା ଜୀହୁଦି ଲକ୍ଷୁଣି ଏଲେଇଚେସି, “ନାନୁ ଇଞ୍ଜାଣି ତାଣା ଏନି ଦହ ବେଟାଆହି ହିଲଅଁ □

୩୯ ସାମା ନାନୁ ପିସପିଆନି ପାର୍ବୁ ବେଲାତା ମିଙ୍ଗେତାକି କାୟିଦିତା ମାନାରାଇଁ ରଅଣାଇଁ ପିସାଲି ତାକି ମୀ ମେରା ମାନେ, ଏଦାଆଁତାକି ଜୀହୁଦି ଲକ୍ଷୁଣି ରାଜାଇଁ ମାଙ୍ଗେତାକି ପିସା ହିୟାପେସି ଇଞ୍ଜୁଁ ମୀ ମନ ମାନେକି ?”

୪୦ ଏମ୍ବ୍ରାଟିଏ ଏଞ୍ଜେରି କାଲୁଞ୍ଜି ଆହୁଁ ଏଲେଇଚେରି, “ଇଞ୍ଜାଣାଇଁ ଆଏ, ସାମା ବାରବାଇଁ †ପିସାହିୟାମୁ □”

୧୯

୧ ତାୟୁ ପିଲାତ ଜୀସୁଇଁ ଅହାନା ସାଟ୍‌ଣି ମାଡ଼ା କିଞ୍ଜି କିତେସି □

୨ ଅଡ଼େ ରିଜାରି କସ୍‌କା ହାପ୍‌କା ଟପେରି ଆଲାନା ଜୀସୁ ତାୟୁଁ ତୁ ଇଚିତେରି, ଅଡ଼େ ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଚିକିତେରି;

୩ ଏଞ୍ଜେରି ଏଞ୍ଜାଣି ତାଣା ଖାହାନା ଏଲେଇଚେରି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜେରି ଏଞ୍ଜାଣାଇଁ ସାପ୍‌ଡ଼ା ଖେଚେରି □

୪ ପିଲାତ ଖେଣ୍ଡେ ପାଙ୍ଗାତା ହାଜାନା ଏଲେଇଚେସି, “ନାନୁ ଏଞ୍ଜାଣି ତାଣା ଏନି ଦହ ବେଟାଆହି ହିଲଅଁ, ଇଦାଆଁ ଏନିକଁଁ ମୀରୁ ପୁଞ୍ଜେରି, ଇଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ତାଟିମାଇଁ □”

୫ ଏମ୍ବ୍ରାଟିଏ ଜୀସୁ ଏ ହାପ୍‌କା ଟପେରି ଅଡ଼େ ହେୟାଁ ଖାଣା ହିମ୍ବୁରି ପରହାନା ପାଙ୍ଗାତା ଖାତେସି, ପିଲାତ ଏଞ୍ଜାରାଇଁ ଏଲେଇଚେସି, “ମେହ୍‌ଦୁ ଇଞ୍ଜାସି ଏ ମାଣ୍‌ସି □”

† ୧୮:୪୦ ୧୮:୪୦ ଇ ବାରବା ର ଡ଼ଗେଏସି ମାଚେସି

୬ ଏମ୍ବାଟିଏ କାଜା ପୁଜେରାଜା ଅଡ଼େ ମାହାପୁରୁ ଇଲୁ କାଃଆନି ଜାମାନାଜା ଏଝାଣାଇଁ ମେସାନା କାଲୁଝି ଆହୁଁ ଏଲେଇଚେରି, “ଏଝାଣାଇଁ ପାସି ଏକଦୁ ପାସି ଏକଦୁ □” ପିଲାତ ଏଝାରାଇଁ ଏଲେଇଚେସି, “ମୀରୁ ଏଝାଣାଇଁ ଅହାନା ପାସି ଏକଦୁ, ଇଚିହୁଁ ନାନୁ ଏଝାଣି ତାଣା ଏନି ଦହ ବେଟାଆହି ହିଲଅଁ □”

୭ ଜୀହୁଦି ଲକୁ ଏଝାଣାଇଁ ଏଲେଇଚେରି, “ଇଚିହୁଁ ମାଜେ ରଣ୍ଡିଏ ମେରା ମାନେ, ଏ ମେରାଲେହେଁଏ ଏଝାସି ହାନି ତଣ୍ଡ ବେଟାଆନାୟି ମାନେ, ଇଚିହୁଁ ଏଝାସି ତାଜେ ମାହାପୁରୁତି ମୀରୁଏସି ଇଞ୍ଜୁଁ ଝେସାମାନେସି □”

୮ ଏମ୍ବାଟିଏ ପିଲାତ ଇ କାତା ଝେଞ୍ଜାନା ଗାତି ଆଜିତେସି □

୯ ଝେଣ୍ଡେ ମେଡ଼ା ଇଲୁତା ହାଜାନା, ଜୀସୁଇଁ ଝେଚେସି, “ନୀନୁ ଆମ୍ବିଟି ଝାହାମାଞ୍ଜି ?” ସାମା ଜୀସୁ ସାପି ଆହାନା ତୁୟିତେସି □

୧୦ ପିଲାତ ଏଲେଇଚେସି, “ନାଜେ ଜଲିମାଞ୍ଜଅତି ? ନିଙ୍ଗ ଗେଲପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଜେ ଅଦିକାରା ହୀଆତିହୁଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜା ଆମ୍ବାଆସି ନାଜେ ନୀ କେୟୁତା ହେରପା ମାଞ୍ଜାନେସି ଏଝାଣି ପାପୁ ହାରେକା □”

୧୨ ଇ କାତା ଝେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ଡପିତେସି, ସାମା ଜୀହୁଦି ଲକୁ କାଲୁଝି ଆହୁଁ ଏଲେଇଚେରି, “ନୀନୁ ଇଝାଣାଇଁ ପିହୁଦି ଆତିହୁଁ ନୀନୁ କାୟିସରତି ତଡ଼େତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି □”

୧୩ ପିଲାତ ଇ କାତା ଝେଞ୍ଜାନା ଜୀସୁଇଁ ପାଙ୍ଗାତା ଝାଲକାତି ବେରଣିମାଣ୍ଡାତା ତାତେରି □ ଏମିନାଣି ଏକ୍ତୁ ହାଡ଼ାତଲେ “ଗବ୍‌ବତା” ଇଞ୍ଜୁଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁଟିତେସି □

୧୪ ଏ ଦିନା ପିସପିଆନି ପାର୍ବୁତି ତଲିତି ଦିନା ମାଚେ, ଏଚିବେଲା ଲାଇ ସ ଗଂଟା ଆହାମାଚେ □ ଇଞ୍ଜା ଏଝାସି ଜୀହୁଦି ଲକୁଣି ଏଲେଇଚେସି, “ଇଝାସି ମେହୁଦୁ ମୀ ରାଜା □”

୧୫ ଏମ୍ବାଟିଏ ଏଞ୍ଜାରି ଏଲେଇଚେରି, “ଏଞ୍ଜାଣାଇଁ ପାୟାଦୁ, ପାୟାଦୁ, ପାସି ଏକଦୁ □” ପିଲାତ ଏଞ୍ଜାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୂଜେରାଜା ଏଲେଇଚେରି, “କାୟିସର ପିସ୍ପେ ମା ରାଜା ଆମ୍ବାଆସି ହିଲଅସି □”

୧୬ ତାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଞ୍ଜାରି କେୟୁତା ହେର୍ପିତେସି, ଇଞ୍ଜା ତାୟୁ ଏଞ୍ଜାରି ଜୀସୁଇଁ ଅହ୍ଁ ହାଚେରି □

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଏଚେଟିଏ ଏଞ୍ଜାରି ଜୀସୁଇଁ ଅଡେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ତାୟୁଁ ରୁପା” ଇନି ଟାୟୁତା, ଇଚିହ୍ଁ ଏମିନାଣି ଏବ୍ରି ହାଡାତଲେ “ଗଲଗତା” ଇଞ୍ଜାଁ ଇନେରି ଏମ୍ବାଆଁ ହାଚେସି □

୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକହେରି, ଏଞ୍ଜାଣିତଲେ ଅଡେ ରିଆରାଇଁ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ □

୧୯ ଅଡେ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍କି ଆହାମାଚେ, “ନାକ୍ରିତତି ଜୀସୁ ଜୀହୁଦିୟାଁ ରାଜା □”

୨୦ ଜୀହୁଦିୟାଁ ବିତ୍ରାଟି ହାଚେକା ଏ ଆକୁତି ପଡ଼଼ି ଆଡେରି, ଇଚିହ୍ଁ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଦି ଗାଡା ତାଗେ ମାଚେ; ଇଞ୍ଜା ଏ ଆକୁ ଏବ୍ରି, ଲାଟିନ୍ ଅଡେ ଗ୍ରିକ୍ ହାଡାତଲେ ରାସ୍କି ଆହାମାଚେ □

୨୧ ଜୀହୁଦି ଲକୁତି କାଜା ପୂଜେରାଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜାଁ ରାଚାଆନା, ନାନୁ ଜୀହୁଦି ଲକୁତି ରାଜା ଇଞ୍ଜାମାଚେସି ଇଞ୍ଜାଁ ରାଚାମୁ □”

୨୨ ସାମା ପିଲାତ ଏଲେଇଚେସି, “ନାନୁ ଏମ୍ବାଆଁ ରାଚାମାଇଁ ଏଲେକିହ୍ଁ ଏ ଡୟିନେ □”

୨୩ ରିଜାରି କସ୍କା ଜୀସୁଇଁ ପାସିତା ଏକହି ଜେଚ ଏଝାଣି ହିମ୍ବରକା ଅହାନା ସାରି ବାଗା କିତେରି, ର.ର.କହୁଏଣାକି ରଣ୍ଡାଲାକା, ଅଡ଼େ ଏଝାଣି ଲାମ୍ବା ସକା ଜିକେଏ ଅଡ଼େରି □ ଏ ଲାମ୍ବା ସକା ତାରାନା ହେରକି ଟିଏ ପାଃଆନା କତାୟା ପାତେକା କିଝି ଆହାମାତେ □

୨୪ ଏଦାଆଁତାକି ଏଝାରି ଏଲେଇଚେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଝାୟି ଆନେ, ଏଦାଆଁତାକି ପାଦି କିନ □” ଏନିକି ଦାମ୍ବୁ ପତିତି କାତା ପୂରା ଆନେ,

“ଏଝାରି ତାମି ବିତ୍ରା ନା ହିମ୍ବରକା ବାଗା କିତେରି, ଅଡ଼େ ନା ଲାମ୍ବା ସକାତାକି ପାଦି କିତେରି □” ରିଜାରି କସ୍କା ସମାନା ଏଲେକିହିଏ କିତେରି □

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଲି, କୁପାତି ତକ୍ତି ମରିୟମ ଅଡ଼େ ମଗ୍ଦଲିନି ମରିୟମ ନିଚାମାତୁ □

୨୬ ଜୀସୁ ତାମି ଇୟା ଅଡ଼େ ଏମିନି ସୀସୁଇଁ ଜୀସୁ ନହୁଁମାଚେସି, ଏଝାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହମୁ ନୀ ମୀରଏସି □”

୨୭ ତାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା □” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡ଼େସି □

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍ବୁ ପତିତି ବଲୁ ଏନିକି ପୂରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜୁ ପୁଞ୍ଜାନା ଏଲେଇଚେସି, “ନାଲେ ଏସ୍କି ହଡ଼ିମାଞ୍ଜାନେ □”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର.ଡ:କା ମାଚେ; ଏଝାରି ଏମ୍ବାଆଁ ର.ଡ୍ରାଃଆଲି ମୁସାନା ବାଲାତି ମୁନୁତା ରୂପାନା ଜୀସୁତି ଗୁଡିତା ହୀତେରି □

୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁଁ ଲେସାନା ହାଡ଼େସି □

ଜୀସୁ ପାଡ଼କା ଚଟତା ବାଲା ତଲେ ଉହନାୟି

୩୧ ପାସି ଏପକି ଆହାମାନାରି କତାୟାଁ ତିକ୍‌ହାନା ଏଝାରି ହାଡ଼ି ମାଡ଼ହାଡ଼ି ପାସି ମୁଣ୍ଡାଟି ରେପହା ତାଚାଲି ଜୀହୁଦି ଲକ୍‌କୁଇଁ କାଜାରି ପିଲାତଇଁ ବାଡ଼ିମାଲିତେରି, ଇଚିହଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଝାରି ମନ କିହିହିଲାଆତେରି □

୩୨ ଇଞ୍ଜା ରିଜାରି କସ୍‌କା ଝାହାନା ଜୀସୁତଲେ ପାସି ମୁଣ୍ଡାତା ଏକହାମାଟି ରିଆରି କତାୟାଁ ତିକ୍‌ହେରି □

୩୩ ସାମା ଏଝାରି ଜୀସୁ ତାଣା ଝାହାନା ଏଝାସି ହାହାମାନାଣି ମେସ୍‌ସେରି, ଏଦାଆଁତକି ଏଝାରି ଏଝାଣି କତାୟାଁ ତିକ୍‌ଆତେରି □

୩୪ ଆଡ଼ିଜିକେଏ କସ୍‌କା ବିତ୍ତାଟି ରଅସି ଜୀସୁତି ପାଡ଼କା ଟଟତା ବାଲା ତଲେ ଗ୍ଲୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏୟୁ ଅଡ଼େ ନେତେରି ହଡ଼େ □

୩୫ ଆମ୍ବାଆସି ମେସାମାନେସି, ଏଝାସି ସାକି ହାହାମାନେସି, ଏନିକ୍‌ ମୀରୁ ଜିକେଏ ନାମିଦେରି; ଇଞ୍ଜା ଏଝାଣି ସାକି ସାତା, ଏଝାସି ସାତା ଝେସାମାନେସି ଇ କାତା ଏଝାସି ପୁଞ୍ଜାମାନେସି □

୩୬ ଇଚିହଁ ଦାମ୍ବୁ ପତିତି କାତା ପୁରା ଆହାଲିତାକି ଇ ବାରେ ଆଡ଼େ, “ଏଝାଣି ର ତୁମ୍ବୁ ଜିକେଏ ତିକ୍‌ଅରି □”

୩୭ ☆ଦାମ୍ବୁ ପତିତି ଅର କାତା ଇଦି, “ଏଝାରି ଆମ୍ବାଆରାଇଁ ବାଲା ତଲେ ଗ୍ଲୁକ୍‌ହା ମାଚାରି ଜିକେଏ ଏଝାଣାଇଁ ସିନିକିନେରି □”

ଜୀସୁଇଁ ମୁହ୍‌ନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାତିୟାତି ଜସେପ ଇନାସି ପିଲାତ ତାଣା ହାଜାନା ଜୀସୁତି ଆଙ୍ଗା ଅହାଲି ବାଡ଼ିମାଲିତେସି □ ଇ ଜସେପ ଜୀସୁତି ର ସାସୁ ମାଚେସି, ସାମା ଜୀହୁଦି ଲକ୍‌କୁତି କାଜାରି ଆଜିତାକି ଡ଼ଗ୍‌ନା ମାଚେସି, ପିଲାତ ଏଝାଣାଇଁ ହେଲ ହାହାଲିଏ ଏଝାସି ଜୀସୁତି ଆଙ୍ଗା ମୁସାଲି ଅଡ଼େସି □

୩୯ ☆ ଏଞ୍ଜାଣିତଲେ ନିକଦିମ ମାରେସି □ ଇ ନିକଦିମ ର ଦିନା ଲାଆଁୟାଁ ଜୀସୁତଲେ କାତା ଆହାଲି ଖାହାମାରେସି, ଏ ନିକଦିମ କଡେଦସ କେଜି ଗାନ୍ଧା ନିମ୍ନୁଁ ତାରିହ୍ଁ ଖାହାମାରେସି □

୪୦ ଏଞ୍ଜାରି ଜୀସୁତି ଆଜ୍ଞା ଅହାନା ଜୀହୁଦି ଲକୁତି ମୁହନି ମେରା ତଲେ ଏଦାଆଁ ଗାନ୍ଧା ନିମ୍ନୁଁତଲେ ପାଡାଡା ହିମ୍ବୁରି ରୁପିତେରି □

୪୧ ଜୀସୁ ଏମିନି ଟାୟୁତା ପାସି ମୁଣ୍ଡାତା ଏପକି ଆହାମାରେସି ଏ ଦାରିତା ର ବାଡା ମାରେ, ଏ ବିତ୍ରା ର ପୁଃନି ମାହଣି ମାଣ୍ଡା ମାରେ, ଏମ୍ବାଆଁ ନକେଏ ଆମ୍ବାଆରାଙ୍କଁ ଇଟଞ୍ଜି ଆହାହିଲାଆତେ □

୪୨ ଏ ଦିନା ଜୀହୁଦି ଲକୁତି ଜମିନି ଦାନାତି ନକିତି ଦିନା ମାଚାକି, ଗାଡି ହେକ ହାଲାଆନା ଏଞ୍ଜାରି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇଟିତେରି □

୨୦

ଞ୍ଜାରି ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଞ୍ଜାରି ମିଲୁ ଦିନା ଲାଲ ଲାଲ ଆନ୍ଦେରି ମାଞ୍ଜା ମାଞ୍ଜାନା ମଗଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାତି ଖାଲି ଗୁରା ଆହାମାନାଣି ମେସ୍ତେ □

୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାଙ୍କଁ ଜୀସୁ ଜୀହୁ ନହ୍ଁ ମାରେସି, ଏ ସୀସୁୟାଙ୍କଁ ଏଲେଇରେ, “ଆମ୍ବାଆରି ପ୍ରବୁଙ୍କଁ ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି □”

୩ ଇ କାତା ଖେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଖାକି ହଟେରି □

୪ ଏଞ୍ଜାରି ରିଆରି ରହେଁଏ ହଟେରି, ଅର ସୀସୁ ପିତରଙ୍କଁ ତାୟୁ ପିସାନା ତଲିଏ ମାହଣି ମାଣ୍ଡା ଏତେସି □

୫ ଏଞ୍ଜାସି ବଙ୍ଗାହାଁ ଏମିନି ପାଡାଡା ହିମ୍ବୁରି ଆଜ୍ଞାତା ରୁପା ମାରେରି ଏମ୍ବାଆଁ ରିହାମାଚାଣି ମେସ୍ତେସି, ସାମା ବିତ୍ରା ହାଲାଆତେସି □

୬ ତାମ୍ଭୁ ସିମନ ପିତର ଜିକେଏ ଖାଡେସି ଇଞ୍ଜା ମାହଣି ମାଣ୍ଡା ବିତ୍ରା ହଡାନା ସିନିକିତେସି ଏମ୍ବାଆଁ ପାଡାଡା ହିମ୍ବୁରିକା ମାନ୍ନୁ,

୭ ଇଞ୍ଜା ତାନି ତାୟ୍ ତୁ ଦସାମାଟି ଏ ପାଡାଡା ହିମ୍ବୁରିକା ତଲେ ହିଲ୍ଲାଆତେ ଏଡି ଏଟ୍‌କା ମାରେ □

୮ ଏରିବେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାରେସି, ଏଞ୍ଜାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି;

୯ ଇରିହ୍ ହାଡାରି ବିତ୍ରାଟି ଏଞ୍ଜାଶାକି ନିଙ୍ଗାଲି ଆନେ, ଦାମ୍ବୁ ପତିତି ଇ ବଲ୍ଲୁ ଏରେ ପାଡେକା ତେଲ୍‌ହା ହିଲ୍ଲାଆତେରି □

୧୦ ତାମ୍ଭୁ ସୀସୁୟାଁ ଖେଣ୍ଡେ ଇଜ ହାରେରି □

ଜୀସୁ ମଗ୍‌ଦଲିନି ମରିୟମଙ୍କ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୬:୯-୧୧)

୧୧ ସାମା ମରିୟମ ଡୀହି ଡୀହି ପାଙ୍ଗାତା ନିଚା ଡୟିତେ; ଇଞ୍ଜା ଡୀହି ଡୀହି ବଙ୍ଗାହାଁ ମାହଣି ମାଣ୍ଡା ବିତ୍ରା ସିନିକିତେ,

୧୨ ଜୀସୁତି ଆଙ୍ଗା ଏମିନି ଟାୟୁତା ଇଟ୍‌କି ଆହାମାରେ, ଏମ୍ବାଆଁ ତାୟ୍ ଖାକି ରଅସି ଅଡେ କତାୟାଁ ଖାକି ରଅସି ଦବ୍‌ଲା ହିମ୍ବୁରିକା ପରହାନା ରିଆରି ଦୁଡୁୟାଁ କୁଗାମାନାଣି ମେସ୍ତେ □

୧୩ ଏଞ୍ଜାରି ଏଦାନି ଏଲେଇରେରି, “ଏ ଇୟା ଏନାଆଁତାକି ଡୀହିମାଞ୍ଜି ?” ଏଡି ଏଞ୍ଜାରାଙ୍କ ଏଲେଇରେ, “ଆମ୍ବାଆରି ନା ପ୍ରବୁଙ୍କ ଅହାମାନେରି, ଅଡେ ଏଞ୍ଜାଶାଙ୍କ ଆମ୍ବିୟା ଇଟାମାନେରି ପୁଞ୍ଜାହିଲଅଁ □”

୧୪ ଏଡି ଏଲେଇଞ୍ଜାନା ତାୟୁଖାକି ସିନିକିହାନା ଜୀସୁଙ୍କ ମେସ୍ତେ, ସାମା ଏଞ୍ଜାସି ଜୀସୁ ପୁଞ୍ଜାଲି ଆଡାଆତେ □

୧୫ ଜୀସୁ ଏଦାନି ଏଲେଇରେସି, “ଏ ଇୟା ଏନାଆଁତାକି ଡୀହିମାଞ୍ଜି ? ଆମ୍ବାଆରାଙ୍କ ପାରିମାଞ୍ଜି ?”

ଏଡି ଏଞ୍ଜାଶାଙ୍କ ବାଡା ଗାଟାସି ଇଞ୍ଜା ଅଣ୍‌ପାନା ଏଲେଇରେ, “ବାବୁ ନୀନ୍ନୁ ଏଞ୍ଜାଶାଙ୍କ ଅହାମାଞ୍ଜି ଇରିହ୍ ଆମ୍ବିୟା ଇଟାମାଞ୍ଜି, ନାଙ୍ଗେ ଖେସ୍ତାମୁ ନାନ୍ନୁ ଅଙ୍କ □”

୧୭ ଜୀସୁ ଏଦାନି ଏଲେଇଚେସି, “ମରିୟମ!” ମରିୟମ ଏଝାଣି ଝାକି ସିନକିହାନା ଏବ୍ରି ହାଡ଼ାତଲେ ଏଲେଇଚେ, “ରାବୁବୁନି” ଇଚିହିଁ ଏ ଗୁରୁ □

୧୮ ଜୀସୁ ଏଦାନି ଏଲେଇଚେସି, “ନାଙ୍ଗେ ଆସା ଇଟାଲି ଅଣ୍ଟାଆନି, ଇଚିହିଁ ନାନୁ ନୀର୍ସି ପାତେକା ଆବା ତାଣା ହାଜାହିଲଅଁ; ସାମା ନା ତାୟିୟା ତାଣା ହାଜାନା କାବୁ ହୀମ୍, ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ □”

୧୯ ମଗଦଲିନି ମରିୟମ ହାଜାନା ସୀସୁୟାଁଇଁ କାବୁ ହୀତେ, ନାନୁ ପ୍ରବୁଇଁ ମେସାମାଇଁ ଏଝାସି ନାଙ୍ଗେ ଇ ବାରେ କାତା ଝେସାମାଞ୍ଜାନେସି □

ଜୀସୁ ସୀସୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଏ ଦିନା ଇଚିହିଁ ଝାରାତି ତଲିତି ଦିନା ମିଡ଼ଅଲ୍ଲା ବେଲ୍ଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକୃତି ଆଜିତାକି ଦାରାୟା ସୁଣ୍ଡାମାଚେରି, ଏଚିବେଲ୍ଲା ଜୀସୁ ଝାହାନା ମାଦିଏ ନିତାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ □”

୨୦ ଏଝାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତେସି, ଏମ୍ବାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆଡ଼େରି □

୨୧ ଜୀସୁ ଝେଣ୍ଡେ ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ଆବା ଏନିକିଁ ନାଙ୍ଗେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଙ୍ଗେ ଏଲେକିହିଁ ଏ ପାଣ୍ଡାମାଞ୍ଜାଇଁ □”

୨୨ ଏଲେଇଞ୍ଜାନା ଏଝାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀହୁଇଁ ଆବାକତାଦୁ,

୨୩ ☆ମାରୁ ମାଣସିୟାଁ ପାପୁ ମ୍ଲେକ୍‌ହିସାରେ, ମାହାପୁରୁ ଜିକେଏ ଏଝାରି ପାପୁ ମ୍ଲେକ୍‌ନେସି; ଇଞ୍ଜା ଆମ୍ବାଆରି ପାପୁ ମ୍ଲେକ୍‌ଅତେରି, ଇଚିହିଁ ଏଝାଣି ପାପୁ ମେଣ୍‌ଜେଏ □”

ଜୀସୁ ଅଡ଼େ ତମା

☆ ୨୦:୨୩ ୨୦:୨୩ ମାତି ୧୭:୧୯; ୧୮:୧୮

୨୪ ସାମା ଜୀସୁ ଏଚିବେଲା ଖାହାମାରେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିବୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆତେସି □

୨୫ ଏଟକାତି ସୀସୁୟାଁ ଏଲେଇଚେସି, “ମାନ୍ସୁ ଜୁସୁଇଁ ମେସୁମି □” ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେମୁଡି କୁଟିୟାଁ ସିନା ମେହୁଆତିହିଁ ଅଡେ ଏ ବାରେ ତାଣା ନା ଖାଞ୍ଜୁ ଉହୁଆନା ଇଞ୍ଜା ଏଞ୍ଜାଣି ପାଡ଼କା ଡ଼ଇକା ଡୀଗାଆନା ନାନୁ ଏଚେଲା ଜିକେଏ ନାମଅଁ □”

୨୬ ଆଟାଦିନା ଜେଚ ତାନି ସୀସୁୟାଁ ଏ ଇଲୁତେଏ ମାଚେସି, ଅଡେ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଡକି ଆହାମାରୁ, ସାମା ଜୀସୁ ଖାହାମା ଏଞ୍ଜାରି ମାଦି ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ □”

୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମ୍ବୁ, କେୟୁ ଦାସାନା ନା ପାଡ଼କା ଡ଼ଇକା ଡୀଗାମ୍ବୁ; ଆନାମାନା ଆଆନା ନାମାମ୍ବୁ □”

୨୮ ତମା ଜୀସୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ □”

୨୯ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନାଙ୍ଗେ ମେସାନା ନାମିମାଞ୍ଜାଦି, ଆମ୍ବାଆରି ମେହୁଆନା ନାମିନେରି ଏଞ୍ଜାରି ନେହେଁ □”

ଇ ପତି ଏନାଆଁତାକି ରାସ୍‌କି ଆହାମାନେ

୩୦ ଜୀସୁ ସୀସୁୟାଁ ନକିତା ହାରେକା କାବାଆନ୍ତି କାମାୟାଁ କିହାମାଚେସି, ଏଞ୍ଜି ବାରେ ଇ ପତିତା ରାସ୍‌କି ଆହାହିଲାଡ଼;

୩୧ ସାମା ମୀରୁ ଏନିକିଁ ନାମିଦେରି, ଜୀସୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକିଁ ମୀରୁ ଏଞ୍ଜାଣି ଦରୁଟି ଜୀଞ୍ଜୁ ବେଟାଆଡେରି, ଏଦାଆଁତାକି ଇ ବାରେ ରାସ୍‌କି ଆହାମାନେ □

୨୧

ସାତା ଜାଣା ସୀସୁୟାଁ ଜୀସୁ ତଞ୍ଜା ଆନାୟି

* ୨୦:୩୧ ୨୦:୩୧ କ୍ରୀସୁ

୧ ଇଦାଆଁ ତାୟୁ ଜୀସୁ ତିବିରିୟା ସାମ୍ବୁରି ଗାଟୁତା ସୀସୁୟାଁଇଁ
ଝେଣ୍ଡେ ତଞ୍ଜାଆଡେସି;

୨ ଏମ୍ବାଆଁ ସିମନ ପିତର ତମା ଆମ୍ବାଆରାଇଁ ଦିଦୁମ ଇନେରି,
ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡ଼େ
ତାନି ସୀସୁୟାଁ ବିତ୍ତାଟି ରିଆରି କୁଡ଼ା ଆହାମାଚେରି □

୩ ☆ସିମନ ପିତର ଏଞ୍ଜାରାଇଁ ଏଲେଇଚେସି, “ନାନୁ ମୀଶକା
ଆସାଲି ହାଜିମାଇଁ □” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମ୍ବୁ
ଜିକେଏ ନୀ ତଲେ ଖାନମି □” ଏଞ୍ଜାରି ହାଜାନା ତଂଗତା ହଡ଼େରି,
ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଟାଆଆଡେରି □

୪ ସାମା ଜୁଲୁପୁଲୁ ଆହାଲିଏ ଜୀସୁ ଗାଟୁତା ନିଡେସି; ଆଡ଼ିଜିକେଏ
ଏଞ୍ଜାସି ଜୀସୁ ଇଞ୍ଜି ସୀସୁୟାଁ ପୁନାଆଡେରି □

୫ ଜୀସୁ ଏଞ୍ଜାରାଇଁ ଏଲେଇଚେସି, “ଏ କକାତେରି ମୀ ତାଣା
ଏନାଆଁ ମୀଶକା ମାନୁ କି ?” ଏଞ୍ଜାରି “ଆଏ” ଇଚେରି □

୬ ☆ଏଞ୍ଜାସି ଏଞ୍ଜାରାଇଁ ଏଲେଇଚେସି, “ତଂଗତି ଚିଃନିଞ୍ଜାକି ଜାଲ୍ଲା
ମେଡ଼ଦୁ, ଆଡ଼ିହଁ ମୀରୁ ବେଟାଆଡେରି □” ଏମ୍ବାଟିଏ ଏଞ୍ଜାରି
ଜାଲ୍ଲା ମେଡ଼ହେରି, ଏମ୍ବାଆଁ ଇଚେକା ମୀଶକା ଖାତୁ ଏଞ୍ଜାରି ଏନାଆଁ
ରେଜାଲି ଆଡ଼ାଆଡେରି □

୭ ଏମ୍ବାଟିଏ ଜୀସୁ ଏମିନି ସୀସୁଇଁ ଜୀଞ୍ଜୁ ନହଁମାଚେସି, ଏ
ପିତରଇଁ ଏଲେଇଚେରି, “ଇଞ୍ଜାସିତ ପ୍ରବୁ □” ସିମନ ପିତର ଇ
କାତା ଝେଞ୍ଜାନା ତୁମ୍ବଣ୍ଡା ମାଚାକି ତାନି ସକା ତୁରହାନା ସାମ୍ବୁରିତା
ଡ଼େଞ୍ଜିଡେସି;

୮ ସାମା ଏଟକାତି ସୀସୁୟାଁ ନେଞ୍ଜାମାନି ମୀଶକା ଜାଲ୍ଲାତି ରେଜି
ରେଜି ତଂଗତି ଗାଟୁତା ତାଚେରି, ଇଚିହଁ ଏଞ୍ଜାରି ଗାଟୁଟିଏ
ହାରେକା ହେକ ହାଜା ହିଲାଆଡେରି □

୯ ଏଞ୍ଜାରି ସାମ୍ବୁରି ଗାଟୁତା ରେଚାନା, ଏମ୍ବାଆଁ ରୀଙ୍ଗାୟାଁତି ହିତୁ
ଇଞ୍ଜା ହିତୁ ଲାକ ମୀଶକା ଅଡ଼େ ରୁଟି ଇଟାମାନାଣି ମେସ୍ତେରି □

୧୦ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନୀଏଁ ଏମିନି ମୀଶକା
ଆସାମାଞ୍ଜେରି ଏମ୍ବାଟି ଇଚରା ତାଡ଼ିହଁ ଖାଦୁ □”

୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଶକା ମାଟି ଜାଲୁତି ଗାଟୁତା ରେଜା ତାତେସି; ଇଚେକା ମୀଶକା ତାକି ଜିକେଏ ଜାଲୁ ଡାମ୍ବାଆତେ □

୧୨ ଜୀସୁ ଏଝାରାଇଁ ଏଲେଇଚେସି, “ଝାନ୍ଦୁ ତିଞ୍ଜୁ □” ସୀସୁୟାଁ ବିତ୍ତାଟି ଆମ୍ବାଆରି ଏଝାଣାଇଁ ନୀନୁ ଆମ୍ବାଆତି ଇଞ୍ଜୁଁ ଝେଞ୍ଜାଲି ସାସା କିଆତେରି, ଇଚିହୁଁ ଏଝାସି ପ୍ରବୁ ଇ କାତା ଏଝାରି ପୁଞ୍ଜାମାଚେରି □

୧୩ ଜୀସୁ ଝାହାନା ରୁଟି ଅହାନା ହୀତେସି, ଇଞ୍ଜାଁ ମୀଶକା ଜିକେଏ ଏଲେକିହୁଁ ଏ ହୀତେସି □

୧୪ ଜୀସୁ ହାକିଟି ନିଈଟି ଡାୟୁ ଇଦି ତୀନି ପାଲି ତାକି ସୀସୁୟାଁଇଁ ତଞ୍ଜାଆଡେସି □

ଜୀସୁ ଅଡେ ପିତର

୧୫ ଏଝାରି ତିଞ୍ଜାଲି ଆଡ଼ିତି ଜେଚ ଜୀସୁ ସିମନ ପିତରଇଁ ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଈ ଇଝାରି କିହା ହାରେକା ଜୀଝୁ ନହୁଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଈ ଜୀଝୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡା ଡାଲୁକାଣି ତୀହୁମୁ □”

୧୬ ଜୀସୁ ଝେଣ୍ଡେ ରୀ ପାଲି ତାକି ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଈ ଜୀଝୁ ନହୁଁ ମାଞ୍ଜାଦି ?” ଏଝାସି ଏଲେଇଚେସି, “ଏ ପ୍ରବୁ ନାନୁ ନିଈ ଜୀଝୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି □” ଏଝାସି ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ପହୁକିମୁ □”

୧୭ ଜୀସୁ ଅଡେ ତୀନି ପାଲି ତାକି ଝେଚେସି, “ଏ ଜହନତି ମୀର୍ଏଣା ସିମନ ଏନାଆଁ ନୀନୁ ନାଈ ଜୀଝୁ ନହୁଁ ମାଞ୍ଜାଦି ?” ଏଲେଇଞ୍ଜି ତୀନି ପାଲି ଝେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନାନୁ ନିଈ ଜୀଝୁନହୁଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି □” ଜୀସୁ ଏଝାଣାଇଁ ଏଲେଇଚେସି, “ନା ମେଣ୍ଡାୟାଁଣି ଜାଡୁନୁ ଅମୁ □”

୧୮ ନାନୁ ନିଈ ସାତା ଝେସିମାଞ୍ଜାଇଁ, ନୀନୁ ଦାଂଗଣା ମାନି ବେଲୀତା ନୀ ଟେଡେଲି ରୁପା କତାନା ଆସିୟାଝାକି ନୀ ମନ ଏନିକା

ରେଜିମାଟି, ସାମା ବୁଡ଼ିଆ ଆଡ଼ିହିଁ ନାନୁ ନୀ କେସ୍ନା ଦାହୁଦି ଇଞ୍ଜା
ଅର ରଅସି ନୀ ଚେଡେଲିତା ଦସାନା ଆମ୍ବିୟା ନୀ ମନ ହିଲେଏ
ଏନିକା ରେଜା ଅୟାନେସି □

୧୯ ପିତର ଏନିଲେହେତି ହାକି ତଲେ ମାହାପୁରୁଇଁ ଗାଝୁରମି
କିନେସି, ଏଦାଆଁ ପୁଣ୍ଡି କିହାଲି ଏଲେଇଞ୍ଜାମାରେସି □ ଏଲେଇଚି
ତାୟୁ ଏଝାସି ଏଝାଣାଇଁ ଏଲେଇଚେସି, “ନା ଜେଚ ଝାମୁ □”

ଜୀସୁ ତାନି ଜୀଝୁତି ସୀସୁ

୨୦ ☆ଜୀସୁ ଏମିନି ସୀସୁଇଁ ଜୀଝୁ ନହିଁମାରେସି, ଅଡ଼େ ଲାଆଁୟା
ବକି ବେଲାତା ତାନି ବକତା ଲାବାନା ପ୍ରବୁ ନିଜେ ଆମ୍ବାଆସି ସାତୁୟା
କେନ୍ଦୁତା ହେରପାନେସି ଇଞ୍ଜା ଝେଞ୍ଜାମାରେସି, ଏ ସୀସୁ ଜେଚ
ଝାହିମାନାଣି ପିତର ଝେଣ୍ଡେ ଡିରଝାନା ମେସ୍ତେସି □

୨୧ ପିତର ଏଝାଣାଇଁ ମେସାନା ଜୀସୁଇଁ ଝେଚେସି, “ପ୍ରବୁ ଇଝାଣି
କାତା ଏନାଆଁ ଇଞ୍ଜାମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା ଝାନ୍ତି ଦିନା ପାତେକା
ଡୟାପେସି ଇଞ୍ଜା ନାନୁ ମନ କିଇଁ, ଆଡିହିଁ ଏମ୍ବାଆଁ ନୀଦି ଏନାୟି
ମାନେ ? ନାନୁ ନା ଜେଚ ଝାମୁ □”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟା ବିତ୍ରା
ଝେଙ୍ଗାହାଚେ, ସାମା ଏଝାସି ହାଅସି ଇଞ୍ଜା ଜୀସୁ ଏଝାଣାଇଁ
ଏଲେଇଞ୍ଜା ହିଲାଆତେସି, ସାମା ନା ଝାନ୍ତି ଦିନା ପାତେକା ଏଝାସି
ଡୟାପେସି ଇଞ୍ଜା ନାନୁ ମନ କିଇଁ, ଆଡିହିଁ ଏମ୍ବାଆଁ ମୀ ଏନାୟି
ମାନେ ଇଞ୍ଜା ଝେସାମାରେସି □

୨୪ ଆମ୍ବାଆସି ଇ ବାରେ ସାକି ହୀହିମାନେସି, ଅଡ଼େ ଇ ବାରେ
ରାତାମାନେସି, ଏଝାସି ଏ ସୀସୁ; ଅଡ଼େ ଏଝାଣି ସାକି ସାତା ଇଦାଆଁ
ମାମୁ ପୁଞ୍ଜାମାନମି □

ରାନି ହାଡ଼ା

୨୫ ଜୀସୁ ହାଚେ ହାଚେକା କାମାୟା କିହାମାରେସି; ଏ ବାରେ ରଣ୍ଡା
ରଣ୍ଡାଆଁ କିହିଁ ରାଡିତିହିଁମା, ଇଚେକା ପତିୟା ରାସ୍କି ଆତୁମା,

ଇଚିହ୍ନି ନା ଅଶ୍ଵତା ବାରେ ଦାର୍ଡିତା ଜିକେଏ ଏ ବାରେ ଇଗାଲି
ଗାନ୍ନୁ ଆଆଡେମା ।

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20